


*BALANJO BABALISHUMI,*  
*NI MAJUDA BABA HANDELETI*  
*NI FOTE-FOO SAUZANDE*

 Ki kakusasana. Ki tabo hahulu kuba mo hape kakusasana cwana mwa sebelezo ya Mulena. Kuna ni silami hahulu fande, kono, oh, ku utwahala hande luli mwahali mo. Ye ki nako iliñwi yelukona kubulela kuli ki nto yende kuba mwahali inge lutalimela fande (nji cwani?) . . . kufita kuba kwande inge lu talimela mwahali.

<sup>2</sup> Ni bile ni kupumula hande maabani busihu mi ni ikutwa hande luli kakusasana cwana. Mi neluna ni nako yende maabani busihu, nji cwani? Neli nako yende hakalo kalo! Mi Na itumela ka yona. Lubile ni . . . sebelezo neibonahala inge ye lukile lwaba ni yona kwa Shreveport, mane kuli ki—ki zwelopili ya kulatelela kwa Moya hamoho cwalo. Uh-hum. Kacwalo lu tabile hahulu ni kuitumela hahulu ku Mulimu ka bunde bwa Hae ni sishemo, mi ni ka . . . mina sicaba babafile moya wa mina ku Yena mwa swalisano kuli A lu etelele ni ku lu zamaisa.

<sup>3</sup> Mwabona, haiba muna ni sicaba se si hanyeza lika, Moya o Kenile hauna kupatulula lika mane. Mu lukela kuba ni sesiñwi, se si beleka hamoho. “Ne bali mwa sibaka silisiñwi mwa buñwi,” mi ki ha kutaha mulumo kuzwa kwa Lihalimu o mata. Mwabona. Kono hamuna ni . . . Hakuna taba ka mo Ni ka lapelela, ni kutanda musihali ni busihu inge ni bala ni kulapela fapila Mulena, ni tahe kwanu, mwendi tozo i ni potele, ha ni taha kwanu ni ikutwa kuli kuna ni kuhanyeza kwani, mwabona, Uka—Uka fela . . . li ka Mu filikanya fela ona fani kapili, Ha na kupatulula sika. Kono ha u taha kwanu mwatasa tozo mi uikutwa kuli kopano ya hao i mwatasi a tozo, foo kona Moya o Kenile ukalanga kueza musebezi cwale, mi U kala kuzamaya ni ku lu ezeza lika zetuna. Kacwalo, mwa bona?

<sup>4</sup> Ha ni si ka ambola kale ni mukutazi ka za . . . Ne ni to utwa kuli *Lumela Feela* mi kacwalo se Ni matela fela mwahali ku to bona—bona sa na . . . lukisize kakusasana cwana. Cwale, Muzwale Neville, Ni ka mi bulelela kuli, Ni ka kalisa ka sitopa nyana se mi haiba Ni ka feza ka sebene kiloko, kihande, wena uipamule ni kukala kukutaza. Kucwani foo? [Muzwale Neville uli, “Eeni, halina kulyanganisa tozo nihanyinyani, zwelapili fela.”—Mu.] Oh, Ni lumela kuli tozo kwa mulaho kwanu, iteni luli, tozo iteni kwa mulaho kwanu hape. Yena ki . . .

<sup>5</sup> Muzwale Neville kamita ubile. . . Kwa baeñi babasi ka ba kale mo, (ha ni buleli kakuli na mubona, kono) ki mutu yomunde, ubile cwalo kamita. Kamita ubala cwalo—cwalo. . . upila ka Liñolo la kuli, “musiyelane sibaka,” kamita u ku Kreste mi kamita wa *siyela* babañwi sibaka. Mi haisamba Ni mu ziba ubile ona cwalo; isiñi haisamba aba kwanu kwa tabernakele, kono haisamba Ni mu ziba mi foo seli myaha yemiñata kwa mulaho kafoo. Nako yapili Na lumela ha Ni kile na bona Muzwale Neville, ku mu ziba, Ne ni ilo muutwa ha kutaza nako yeñwi kwa keleke ya Methodist, neli. . . kwani kwa Howard Park, lilimo zeñata, ñata kwa mulaho. Seli, Na sepa, ki mashumi amabeli (Na sepa) kwa mulaho kamba kufitelela kuzwa fo Ni mu zibezi. Mi ki ha. . . mi nali mu. . . u belekile, ni yena, ki. . . Oh, Na sepa, kufitela cwanoñu nyana, na sebeza ku za mishitu ni zeñwi cwalo, Henryville, kwa zwelela; mi kona fa ipiliseza, ni kukutaza neku leliñwi. Sina mo Ni ezelize mwa bupilo bwaka, nina, kufitela cwanoñu nyana, mi se lufitile fakuli hakusana se lu tabela kueza kwanda se. Kacwalo Ni tabile hahulu ka zona. Ni tabile ka Mulena luna, nji cwani, Muzwale Neville? Eeni, sha! Na Li tabela luli. Eeni, sha. Ni tabile fela ka Yena!

<sup>6</sup> Mi cwale Ni lumela kuli habana kuba ni litopa za sikolo sa la Sunda. Eeni. Sitopa sa sikolo sa banana la Sunda, ba ka si toboha bakeñisa sibaka. . . ba zwisize liemba za yona kwande, kacwalo li lumeleza fela keleke kukuta.

<sup>7</sup> Cwale, busihu bo lukaba ni lusika lwa mafelelezo loo, Laodesia. Mi busihu bwa maabani nelungile lusika lwa Filadelfia ni kukena kwa makalelo a lusika lwa Laodesia ni kutatamana kwa ona. Mi ni likunutu zetuna zani za na kalile kupatulula Mulimu ku luna mwahala masika ani, “za Munyako o kwaluhile,” mi “ni mata a likani,” “u swalelezi Linzwi la Ka,” “una ni Libizo la Ka.” Lika zenyinyani zani kaufela mwahali mwani, mane Mulimu mwa na li ezelize ka kukomokisa ka niti ku luna, ku zeo lu itumezi hahulu, hulu luli.

<sup>8</sup> Mi musike mwa libala, haiba kuna ni mueñi kaufela mwahala luna yana ni batu ba bakula, lu ka lapelela bakuli Sunda yetaha, biki iliñwi kuzwa kacenu. Mi seo si kaba. . . haiba Mulena alumeleza. Mi seo si kaba. . . Kana mwa lemuhu mo Ni latela ku bulelenga kuli, “Haiba Mulena alata?” Bibehe ibuleli kuli lueze cwalo, “haiba Mulena alata.” Ha lu zibi ni hanyinyani; Ha si ka ni bulelela kuli Ni kaba kwanu, mi keleke ikaba kwanu, mi kaufela lukaba kwanu, kamba ki nto mañi kaufela. Mi haiba ki tato ya Hae, lu kaba mo, mwa bona. Haiba ha ki tato ya Hae, konakuli, haluna kuba cwalo.

<sup>9</sup> Muzwale Neville ukana a zibahalisa cwalo fa papazo ya hae, ni babañwi ba bashutana, Na sepa, muzwale kwanu ni babañwi babana ni lipapazo. Mi kipeto mutahe ka kuitahanela momu konela la Sunda kakusasana, kakuli lu libelela sikwata tuna se si ka to lapelelwa mo, mi lubata ku to ba mo. Lu ka. . . kihande,

ha lu boneñi, Ni . . . Haiba kuna ni sicaba tuna sina cwana, ki nto yende luli kuba ni makadi a litapelo kakuli ba titihani hamoho, fela muka . . . yo ukasha yani ni lika ze cwalo. Ni sepa haiba mukona fela kuba ni zona ka swanelo kuli batahe alimuñwi ka alimuñwi si ka eza . . . si ka zwisa siimpiti mwahala sicaba, mwa ziba.

<sup>10</sup> Mi—mi cwale he . . . Mi ha u lukeli kuyemelela kuli konji kadi ya hao ha ibizwa. Ina fela fo inzi haiba wa kula mi uikutwa bumaswe, mi hauna kuyema mwa mukoloko omutelele. Ona foo kadi ya hao ha ibizwa, u tahe fela kapili mi u to lapelelwa ni ku yo ina, mi yomuñwi hape wa taha, ona cwalo. Niabela cwalo hahulu luli. Ni tabelanga kuli bashimani batome sipula, haiba kuna ni yaikutwa kukula hanza libelezi cwalo, luka bizanga babañata nyana ka nako; baba ikutwa hahulu bumaswe, kiñi, kuba lumeleza fela—kuba lumeleza fela kulibelega fani fa sipula kufitela . . . kamba kuina fa sipula kufitela nombolo ya bona ibizwa, kufitela bakona ku lapelelwa.

<sup>11</sup> Mi Na lumela mwa foliso ya Bumulumu; ki iliñwi ya lituto zetuna za Bibelega. Kono foliso ya Bumulumu ina ni zeñata kuyona kufita kuba fela foliso ya Bumulumu. Foliso ya Bumulumu ibulela fela kuli “kuna ni Mulimu ya taha hape.” Foliso ya Bumulumu ibulela sikamañi? Ki swalele ya zuho ya luna. Haiba hakuna foliso ya Bumulumu kona kuli hakuna zuho, mwabona. Mi haiba hakuna Moya o Kenile cwale okona ku lu kolobeza, hakuna Bupilo Bobusafeli he mwa lifasi le li sa taha. Bibelega ibulezi kuli, “Ye ki swalele ya puluso ya luna.” Mi mwa ziba seo *swalele* ili sona? Ki “tifo yapili,” mwabona. Ha mu ya kwa kulifa . . . Lubulele kuli mulekile mushitu, ba bata teni sauzande madollar ka yona, mi mulifa kwateni tuu sauzande madollar, yeo kona “swalele” yamina ka masheleñi, ba li biza kuli ki swalele ya yona. Cwale, haiba kolobezo ya Moya o Kenile ki swalele fela ya ze sa taha, oh, ku kaba cwani ha lu ka—ha lu ka amuhela tifo kaufela ka kutala? Ku kaba tabo ye kanya!

<sup>12</sup> Cwale, kakusasana cwana lu ka lika kutamahanya, haiba Mulena alata, zeñwi za lika zeo mwateni, ka za . . . mwahala masika a likeleke (zeliteni mwateni zeo *moo*) kuna ni se si kena mwateni. *Baba Handeleti Ni Fote-Foo Sauzande, Bo Masiyaleti, Mwalanjo ya Lobezi, Mwalanjo ya Butali, ni Kuswaiwa ka Moya o Kenile, Kuswaiwa ka Sibatana*, lika zeo kaufela fela . . . Ki mafelelezo a lusika, mi lika kaufela li wela mwateni mwa sibaka silisiñwi, ili kuli lu lukela kuba ni siemba se si siyezi sa maliha kuli luzwise zeo mwateni, kono luka . . . inga Buka ya Sinulo, lubone mo Li tamahanela hamoho.

<sup>13</sup> Kana mulemuhile? Zwelopili izamaile ka mukwa o swana, Bo Wood. Ki yona . . . Muuna, yo una ni maikuto a swana, una ni maikuto a silezi, kamba maikuto a ketalizoho, nitaluse, abile ni ona haisamba aba—haisamba aba teni kuzwa ka lilimo ze likiti ze silezi. Kono ona mwa mafelelezo moo, fa mafelelezo

nyana fela, myaha ya mafelelezo ye mwanda . . . Mawi! A taha, kwa mulaho kwani, inza zamaya ka bunya mwa sikocikala. Kono kuzwa mwa sikocikala sani, mwa lilimo ze mianda anda yefitile, u zwile mwa sikocikala kutaha mwa—mwa fulai ya roketi yefufa ka lubilo lo lueza limaili ze tuu sauzande ka hola. Cwalo kona mwa pahamezi kapili, kuzwa mwa sikocikala kutaha mwa roketi. Mi, amutalime, ibile fela lilimo zelikani, kiñi, Ni ka bulela kuli ha ku si ka fitelela lilimo ze mashumi aketalizoho kwa mulaho.

<sup>14</sup> Ha ne Nili mushimani yomunyinyani fela kwanu kwa Utica Pike, nebana ni . . . nekuna ni mutangana ya bizwa Elmer Frank ya na pila kwanu. Yena inge ki muyemeli wa za milao. Na nyezi musizana kwani mwa mukwakwa ko ne ku sebeza bo ndate ku bo—bo ndatahe musizana yani, libizo la hae neli Lusher. Mi se ba . . . mi nana ni, inge neli mota cwalo; neina ni sipi ya kupikulusa, mwa zwela fande mi mwa ipotolosa sina *cwana*, mi neina ni fela petulu iliñwi. Mi neina ni—ni raba yetuna ya lunaka ili pindo, mi kipeto mwa liza *cwalo*. Mi ne ba bulela kuli, “Mota yateni ne i mata limaili ze naintini ka hola.” Cwale, Bondate ba yo longa mwateni lishabati mwa kocikala ya yona, ni ku—ni ku ulonga mwa masaka kuli akone ku ieza bukiti, kubona haiba yakona kumata limaili ze naintini ka hola. Mwabona? Kono ne mu lukela kubona mikwakwa yateni, uh-huh; ne ikona fela kuzamaya limaili ze lishumi neku *le*, ni ze naini inge inyungana fela fahalimu—ni-fafasi neku *le*. Mwabona? Kona kuli mulibeye hamoho, muba ni limaili ze naintini ka hola.

<sup>15</sup> Na hupula kaufela luna banana, Boma ne ba lu tapisanga, neluli ba ketalizoho ka nako yani, ne lu nyendaelanga fa lukwakwa lwani inge lu iutwa ko itahelela. Ne lu iutwa ha itaha, limaili za kwa hule, hule koo, inge iluma, kuluma, kuluma, kuluma. Mutu kaufela wa yema ni kunga lipesesa za bona, mi Na tuluka mwa kocikala, ni li liswala sina *cwana*, mwa ziba. Nto yani inge itaha mwa mukwakwa, mawi, neli nto ye sabisa. Mi—mi Na hupula, kwani neli kwa mulaho, Nenili wa myaha ye supile ya kupepwa, mwabona. Kucwani . . . Fani neli ka 1914, ni kunahana fela ka mo li cincelize lika kuzwa nako yani. Mi mwabona, mi ibile fela myaha ye mashumi a mane cwalo kamba kufitelela. Mi, amutalime, nana ni myaha ye likiti ze silezi ya kueza zeo kaufela fa sibaka se, kakuli Bibebe ibulezi kuli u ka eza cwalo, “Mazazi a maungulo, ba ka matela kafa ni kafa, mi ngana ika ekezeha.”

<sup>16</sup> Mukile mwa nahana ka Nahamu, hana—hana boni Mota Yetuna mwa Chicago, myaha ye likiti zene kwa mulaho? Kana . . . A bulela kuli, “Baka mbambala mwa linzila zebapukile.” Cwale ba . . . Ni bile mwa linaha za kale ko ne bana ni . . . mikwakwa yabona inge kwa Oslo ni libaka ze shutana, mane hakuna sibaka mwa kuzamaya hande, ki o mutuna fela mo ku kwana ko—ko koloi mwa mileneñi. Kono ni bona kuli butelele bukona kuba inge kuzwa fa kufita fa limota leo, kona kubapuka fela kwa

mikwakwa mo ne ibelanga, ne ibapukile fela hanyinyani kuli koloi ikone kukwana ha izamaya mwa mukwakwa. Kihande, mwabona, Nahamu ali, “Ne li linzila zebapukile.” Mi ali, “Ne ba matisa lika zena ni mamonyi,” ona likocikala zee. “Mi ne li bonahala inge litaci,” ao kona malaiti a zona. Mi ali, “Ne li ngungulana ye ku yeñwi,” likozi. Mupolofita yani na pahami fahalimu ni kubona nako ye ne li kwapili a hae, ka myaha ye likiti ze ne, mi abona zeo inge litaha. Mu nahane ka zeo! Uhum. Susumezo.

<sup>17</sup> Kono lu ka nako ya maungulo, balikani. Fela ki . . . Mi kona mwainezi ni ona Mañolo, ka kuba kuli lika ze kaufela za ezahala, Mañolo kaufela atomezwi kwa nako ya mafelelezo ye kwanu. Mi Na hupula cwalo, kakusasana kacenu, haiba Mulimu uka lu tusa, lu ka tamahanya lika zee, zeñwi za lika zeo mwateni, zeñata ze lukona. Mi cwale busihu boo lusika lwa mafelelezo lwani, ili lusika lwa keleke ya Laodesia, mo lu amuhelezi Liñusa la lona ni kutima liseli ni ku sa iseza ngana kwa Liñusa la lona, ku kenelela fela mwa buino bo bu futumala fela boo Mulimu uka ba kwa mwa mulomo wa Hae. Mwabona, ka manzwi amañwi, za Mu kulisa mwa mba ya Hae mane nihaiba kunahana fela ka zona. “Ni ka mi kwa mwa mulomo wa Ka,” A bulela cwalo.

<sup>18</sup> Cwale, Ni na ni Mañolo amañwi añozwi fa ao Ni tabela kubapisa ku ona kakusasana cwana. Kono ha Ni zibi haiba ku ka lu tatafalela, fa nako nyana fela, lu yeme kwa linzwi la tapelo:

<sup>19</sup> Ndata luna ya musa yakwa Lihalimu, halunze lutaha hape kakusasana cwana ka lizazi la Sabata. Mi fande, pula ikalile kufafaza, mane ni moya o bata wa fuka; kono lu tabile hahulu kuli luna ni situwa fahalimwa litoho za luna kacenu, kuli luna ni sibaka nyana, mane ni naha ko lukona kutaha ni ku to lapela Mulimu ka mukwa o munahano wa luna u lu bulelela mwa kulapelela.

<sup>20</sup> Kona kuli lubona mwa Linzwi la Hao kuli se hasina kutanda nako yetelele hahulu, kacwalo, Ndate, lu lapela kuli U lutoze sihulu kacenu kuli lube ni zende kuzwa ku lona zelukona ku fumana, mi luitukiseze liholo ze beilwe fapila luna halusike kukona kueza se. Ha lu zibi kuli ku kanga nako yekuma kai, ikona kuba mwa lisunda fela, likweli, kamba lilimo, ha lu zibi, kono nako zeñwi haluna kukona kueza se. Kacwalo lwa lapela, Ndate, kuli U lu buluke mwatasi a tamaiso ya Hao ya Bumulimu, mi cwale minahano ya luna ibe ku Wena, mi milelo ya lipilu za luna i amuhelwe fapila Hao, O Mulena.

<sup>21</sup> Swalela libi za luna. Lu kupa kuli halunze lu ipulela ku Wena, kuli lu ezize sibi ni ku keluha mwa Nzila. Mi ha lu swaneli ku bizwa ba Hao, fela lu eze batanga ba Hao baba ku sebeleza, Mulena. Mi lu ka tabela kueza sika kaufela So ka lu bulelela kueza, musebezi kaufela o beilwe fapila luna. Lwa itakaleza ku u

eza, fela u lu amuhele mwa Mubuso wa Hao, Mulena; kuli lukone kubeleka ku yona, hola yetuna yesabisa ye libile kuyona lifasi.

<sup>22</sup> Lu fuyole cwale ka Kubatani kwa Hao, lu lute ka Moya o Kenile wa Hao, mi u amuhele kanya kwa kuba kwa luna mo hamoho. Kakuli lu kupa ka Libizo la Jesu. Amen.

<sup>23</sup> Cwale Ni tabela kuli, pili, Ni tabela kulemuha mutu kaufela wa balikani baka babaliteni mo, Ni bile ni lemuha cwalo mwahali mo kakusasana cwana. Ku tata hahulu mwahali mo ka nako ya busihu, maseli a luna kwa mulaho kafoo mwa libaka ze nyendaela zani mi ha li monyehi fa sicaba. Mi kutata kubona lika kwa katala kwanu haiba ki busihu mo, mi hape ku cwalo ni ka nako ya musihali. Ni bona buñata bwa balikani ba luna baba zwelela kwa libaka zeshutana za naha, bao Ni kona kulemuha hande kacenu kufita mo Ni kona kuzibela ka nako ya busihu. Mi ikona kuba babañata ha ni ka lika ku ba biza kaufela, kono Ni bata muzibe kuli Na itumela ku mina kaufela. Mi kasamulaho wa buhali bo kaufela ni lika zeñwi, sina mo Ni bile ni ezezanga mwa Mañolo, ku eza. . . .kutisa Niti. Isi ze ne Ni bata kueza, kono ki za na ni Mulimu zeñozwi mo kuli lueze, mwa bona. Mi kipeto kona Cwalo. Mi hape Ni bona mizwale yemiñata ba siemba sa likopano ni zeñwi cwalo, babalite ni na ona fa, konakuli Na itumela ku mina hahulu, hulu luli. Mina. . . .Mulimu ami fuyole kamita kona tapelo yaka.

<sup>24</sup> Mi cwale. . . [Muzwale Stricker uli, “Muzwale Branham?”—Mu.] Eeni, muzwale. [“Haiba Ni ba ni tumelelo ya keleke kuli ni bulele ka kuyemela sicaba kaufela se mo, lu bata kuli uzibe kuli lwa itumela hahulu ka wena.”] Ni itumezi, Muzwale Stricker. [“Mi lwa ku lata.”] Ni itumezi, Muzwale Stricker. [“Mi lu lapelela kuli sishemo sifite mwahala lika zo lukela kufita ku zona, kuli lukone ku kuyema kwatuko.”] Ni itumezi, Muzwale Stricker. [Kopano ili, “Amen!”] Ni itumezi, keleke, ki nto yende luli ha ubulezi cwalo. Na itumela ka seo hahulu luli.

<sup>25</sup> Yomuñwi na bulele maabani ka za. . . Ni sepa kuli neli Muzwale Fred ya na ni lizelize ni kubulela ka za pono kamba tolo yana bile ni yona muzwale, ya na ibulezi lu si ka zwa kale busihu maabani, na bonwi inza yemi fa kona ya lifasi ni lilu le linsu inge li pikuluha mwa mulaho. Ni ziba kuli wa ni bata. Kono sani. . . haibile fela. . . hana—hana kukona kueza cwalo konji Mulimu ha sa felize, mi cwale—cwale Ni—Ni. . . seli nako yaka kuli ni ye cwale. Kacwalo. . .

<sup>26</sup> Kono Ni—Ni nahana cwana, kuli “usike waba yomutuna.” Batili, Ha ni lati kuba cwalo, mwabona. Kono Ni nahana ka za *Lisamu ya Bupilo*:

Bupilo bwa baana babatuna kaufela bu lu hupulisa (Mwabona, sana ezize Paulusi, sana ezize Irenaeus, sana ezize Luther, sana

ezize Wesley, kamba sa na ezize Muhalalehi  
Martin, ni ze ne ba ezize.)

Mi bupilo bwa baana babatuna kaufela bwa lu  
hupulisa

Kuli lwakona kutunafaza bupilo bwaluna,  
Ka mafu, alu siyela  
Mitala fa mashabati a nako;

Mitala, kuli mwendi babañwi,  
Halunze lu sila katata mwa buliba bwa bupilo,  
(Kakuli ha se Ni ile, mwabona, ni kutimela.)  
Babañwi mwa buinosi ni mwa kusinyehelwa  
ki lisepe muzwale (kunga iliñwi ya libuka ze  
ni kubala),  
Ka kubona, ba ka itiisa ka lipilu hape. (Yeo ki  
niti.)

Ha lu yemeñi, he, mi lueze;  
Ka pilu yena ni . . . ndwa, (Na lata cwalo, mina  
bo?)

Lusike lwaba sina limumu, likomu ze lisiwa  
(kuli ki ku kashiwa fela ku zona);  
Kono lube bahali mwa ndwa! (Na—Na lata  
cwalo.)

<sup>27</sup> Cwale, muzwale waluna yomunyinyani, George, na banga ni  
yeñwi ya zona; Ne nina ni yona kwa sebelezo ya maswabi. Lu  
ituisize . . . Ne ni kai na ni kuloka *Lisamu ya Bupilo*, mwa ziba,  
mi yena naina ni kubulela yakuli *Kusila Museto*. Mwabona? Mi  
mu utwile yakuli:

Malikelelo ni naleli ya manzibwana,  
Ni pizo iliñwi yende ya ka!  
Mi kusike wa yoba sililo fa museto,  
Ha Ni ta yo silela mwabuse bwa nuka. (Mu  
iutwile linako zeñata.)

Kakuli za kwande kaufela li zamaya ka nako  
ni sibaka,  
Muunda wakona ku ni kasheza kwahule,  
Kono Ni sepa kubona Sandaula waka pata ka  
pata  
Hase Ni silile museto. (Na sepa naezize cwalo  
hana ilo sila museto.)

<sup>28</sup> Mi kacwalo . . . mi cwale yaka ki yeo:

Mafu a lu siyelanga  
Mitala fa mashabati a nako,  
Kacwalo babañwi, baba bona, bakone  
kulatelela,  
Itiise mi tundamena kuzamaya.

<sup>29</sup> Kakuli, zazi leliñwi lelituna Jesu uka taha (mi seo kona se lu ka bala kakusasana cwana), li ka fela kaufela ka nako yeo cwale.

<sup>30</sup> Cwale, Ni hupuzi kakusasana cwana, bakeñisa kuli haluna kukona mwahala mañusa a likeleke ze. . . Cwale, mwendi, haiba Mulena alata, cwanoñu, Na kona kuba ni mikopano yeñwi ya lituto ka za *Keleke Yaniti ni ya Buhata*, ku kalela koo kwa Genese, ku inga mwa Bibebe kaufela mi lu ka yo ifuwekela mwa Sinulo. Likeleke zepeli, ona mo ba ka ezeza fela. Mi cwale mwendi zazi leliñwi ha lu ka. . . haiba Mulena alata, lukaba ni keleke ye yahlwe kuli mukone kuba ni sibaka nyana mwa kuina. . . Muka komoka buñata bwa ba batile mwateni ni kubulela cwalo; ba taha fela ka limota ni kubona kuli kutezi, kipeto ba ikela fela, mwabona. Mi kacwalo ba. . . haluna sibaka.

<sup>31</sup> Mi mwendi sina kue- . . . mwa nako ya mbumbi ha ku cisa moya wateni kamba nto yeñwi, ko lubanga ni muyaho wa lipapali za kutiisa mibili kamba nto yeñwi, mo kunde, lukanga Buka ya Sinulo ka nako yeo, kamba nto yeñwi, kamba Buka ya Daniele ni Sinulo, ni ku litamahanya hamoho kuli lube ni zona.

<sup>32</sup> Cwale, ha lu itutangi hahulu ka sicaba sa Majuda. Majuda nebali. . .

<sup>33</sup> Cwale, sina ha Ni bulezi, mwa—mwa Lusika lwa Lififi ka 1500, mundandwe wa litulo sa Katolika, ha ne ba kalisa, ba kopanya keleke ni naha hamoho, yani neli “mileniamu ya mwa mulaho.” Ne ba hupula kuli nebali—nebali mwa Mileniamu kakuli keleke ne se iamuhezi muyemeli wa yona, yaswana ni Krete kuli aine fa lubona. Mi ne li ka tamahana ni keleke ni naha, kaufela za ba fela hande, kuli “Mileniamu yetuna ya kalisa.” Ba sa lumela ona cwalo. Kono ao ki mafosisa. Kakuli Mileniamu haikoni kutaha, haikoni ku katekiwa ka mukwa o cwalo, kusina kutaha kwa Krete.

<sup>34</sup> Krete ki yena yatisa Mileniamu, Ki yena Mwana wa bufumu; mi Ha taha, kona ku kaba myaha ye sikiti. Mi ha se kuli cwalo, ku kaba Kuungelwa kwa Keleke kuya mwahalimu, mi kipeto kuba kukuta kwa Krete. Mi amuhupule cwale, haku. . . Kakuli ki nto mañi yetatama ye lu libelezi? Ki Kuungelwa kwa Keleke.

<sup>35</sup> Cwale, musike mwa zusa Kuungelwa mwa Keleke ni Katulo ya Lubona Lolusweu ka kuli kopanya. Kakuli, Kuungelwa kwa Keleke, hakuna katulo, mwabona, zeo mu se mu kopani kale ni zona fafasi fa. Yeo ki niti, “Kakuli babali ku Krete ba lukuluhile kwa katulo.” Jesu naize, “Ya utwa Manzwi a Ka mi alumela ku Ya Ni lumile una ni Bupilo Bobusafeli mi hana kutaha mwa katulo, kono u zwile mwa lifu ukenu mwa Bupilo.”

<sup>36</sup> Lu eza cwani zeo? Lu kena ku Krete mi lu kolobezwa mwa Mubili ulimuñwi, Makorinte Bapili 12, “Mubili Ulimuñwi.” Lu kolobelizwe mwa Mubili wa Jesu Krete, mi Mulimu u sa atuzi kale Mubili wani. Hakoni ku yo lu yemisa mwa katulo hape,



kakuli U atuzi kale Mubili wani. Mi ka tumelelo ni sishemo sa Kreste U lutisa ku Yena kasibili, Makorinte Bapili 12, “Ka Moya ulimuñwi luna kaufela lu kolobelizwe mwa Mubili ulimuñwi wani, mi lu lukuluhile kwa likatulo kaufela kakuli Yena u sa yemezi likatulo kaufela.” Oh, ha mu itumeli luli ka Yena! U lu lwalezi likatulo. Hakusana katulo! Kono bona ba ba hana kukena ku Yena, ona Mubili wani, ki Mubili wa kunutu. . . Lu kena cwani ku Ona? Ka kuswalana mwa mazoho nji? Batili. Ka liñolo nji? Batili. Ka mufuta omuñwi wa kolobezo, ya mezi nji? Batili. “Ka Moya ulimuñwi, Moya o Kenile, kaufela luna lu kolobelizwe mwa Mubili wani!”

<sup>37</sup> Cwale amuhupule, luka talimana ni taba yeo ka tokomelo kakusasana cwana. Ikana yaba kuli u mwa Mubili wani kamba kwande a Mubili wani, hakuna kuba mwahali-hali a Ona. Hakuna Bakreste ba licika mwateni. Mi—mi kuna. . . ulukela kuba Mukreste kamba ha u Mukreste. Hakuna nyunywani yensu ni busweu, hakuna mutu ya kozwi hape inge aiketile. Hamukoni kuba ni ze cwalo. Wena ulukela kuba Mukreste kamba hau Mukreste. Ukaba ku Kreste kamba kwande a Kreste.

<sup>38</sup> Cwale, ze likona kubonahala kuba lituto, Ha ni. . . Na ni kwahule hahulu kwa kuba muluti. Kono kuluta kwa pumaka, yeo ki mpo yeipitezi mwa—mwa Mubili wa Kreste. Pili kuna ni baapositola, mi kutatama bapolofita, mi ki baluti, kona kutaha babuleli, balisana; limpo zeketalizoho za bulumiwa kona ze li mwa Mubili. Mi kuluta ki iliñwi ya limpo za Moya. Cwale, Ni lukela fela ku comeka kwateni ze Ni bona ze lukile ni kulika ku litisa kwa sicaba, ni kubala ni kutisa Mañolo hamoho. Cwale, kono zeo fela li ku Kreste, Mubili wa Kreste u lukela kukutekiwa.

<sup>39</sup> Cwale, likauhanyo za makalelo zetalu za Sinulo li talimana ni Keleke. Bamacaba, Majuda, Maethiopian, Afrikaans, mufuta kaufela wa batu mwa lifasi u wela ku Bamacaba kuli ubupe Mubili woo; babansu, makuwa, babasweu, lika kaufela, ki sikusha sa mapalisa, mi yeo ki niti, kuli Mulimu utoma aletare ya Hae; mi bao ki linaha kaufela, mishobo, malimi, ni batu.

<sup>40</sup> Kono, cwale, ha mu zwa mwa kauhanyo ya 3 (Masika a Likeleke moo), Mulimu wa kuta hape mi unga Majuda, Keleke ha ibonahali nihanyinyani mwahala lusika lwani. Ki Majuda. Mi Mulimu ha belekisani ni Majuda kakuba mutu anosi, U talimana ni Isilaele kakuba naha, kamita ki ka kuba naha.

<sup>41</sup> Cwalo kona mwa na li utwezi yomuñwi zazi leliñwi. Ni—Ni amuhezi mañolo amañata ku seo, *Bulapeli bwa Mazwake*, kuli Ne ni bulezi manzwi amañwi. . . Bibebe ibulezi kuli mwana wa mwa bunyazi, ya bizwa kuli “mwana wamwa bucwani,” na sa keni mwa kopano ya Mulena ka masika a lishumi, yeo ikona kuba myaha ye mianda yemine yeo mwana wamwa bucwani na sa lumelezwi kutaha mwa kopano ya Mulena. Cwalo kona

bumaswe bwa mazwake mo ne buinezi; yani neli musali yana tuhelezi muuna yomuñwi kupila ni musali kuli apepe mwana, kuli mwana yani neli wa mazwake, isiñi ka ndatahe kono ka muuna usili. Mwabona? Mi sani neli se si maswe hahulu fapila Mulimu, ne si lwezi masika a lishumi kuli zeo li zwakane hape, fapila Mulimu.

<sup>42</sup> Kono zeo ha li zamaeleli ni lusika loo. Muna ni Kupepwa sinca cwale. Habana. . .Nebana ni fela kupepwa kulikuñwi kwa mulaho kwani, kwani neli kuzwakana kwa foso. Luna ni Kupepwa sinca kwa cwale ili kwa moya, zeo kona zepepa kauhano. Mi lu libupiwa zenca ku Krete Jesu, lu pepilwe sinca ka Moya wa Mulimu. Libupiwa zenca! Fa linzwi la kuli *sibupiwa*, haiba babañwi ba mina baituti babande babaliteni moo baba utwisisa (Haiba ha mu utwahali, mwakona ku yo batisisa zeo.), *sibupiwa* sizwa mwa linzwi la Sigerike linzwi la kuli “sibupiwa sesinca.” Oh, nto yeswana sina hamuli sibupiwa moo, lupepilwe ka foso; fohe kipeto mu sibupiwa sesinca, se si pepilwe kwa Lihalimu. Ka. . .mwa sibupiwa sesinca sa Mulimu sa mutu yomunca. Sibupiwa sesinca, kwa nako ya Kupepwa. Kono ilukela kuba kupepwa, nto yeswana fela ni kupepwa kwa nama hakuli kwa butokwa; Kupepwa kwa moya ki kwa butokwa hahulu fela sina kupepwa kwa nama.

<sup>43</sup> Manyalo amanca bakona kunyalana ni kubulela kuli, “Mushimani wa luna yomunyanani, luka mu biza kuli ki ‘John.’” Haiba ha si ka pepwa kale fateni, konakuli John asamba kuba abeteni kanti. Ku felile. Kinto yeswana, mwakona kuba. . .ki milelo yemikai ya kunahana fela yemunani ka Lihalimu, mo libezi lelituna, haiba ha u si ka pepwa sinca hauna kubateni kwani. Ku felile, mwabona. Ku lukela fela kuba ona cwalo, kakuli ku lukela kuba ni Kupepwa. Mulimu uyalile milao ya Hae hande ni lika kaufela libeleka ka milao ya Hae. Mwabona?

<sup>44</sup> Cwale, mwahala lika ze, kuna ni bo masiyaleti ba Majuda baba na ni kupiliswa. Mi lu ka kala ka bona pili, kakuli li beya. . .Cwale, kamita kuna ni likwata zetalu za batu ka nako kaufela, katundamo. Mi ni kubeya. . .zeo mwa mihupulo, fo kikuli: ki—ki mulumeli, mulikanyisi wa kulumela, ni ya salumeli. Zeo kaufela zetaalu. Mi kuna ni Mujuda, ili kukashezwa kwahule kakuli li lufa kolo; kuna ni keleke ye futumala feela; mi kuna ni Keleke yetezi Moya.

<sup>45</sup> Nako yeñwi, Charlie Bohanon neli mueteleli wa. . .kamba neli muyemeli wa likiliti za kwa mboela kwa musebezi wa ba Public Service Company, hane Ni sa sebeza kwani. Ne ni sweli fela kubalanga Mañolo ka nako yani, inge nili fela mushimani. Mi ki hali, “Billy, hakuna mutu. . .” Ali, “John kubonahala kuli ucile mbilimbili yefubelu mi iubile ni tolo yemaswe ka—ka soli sa Patmosi.”

46 Se nili, “Bo Bohanon, ha mu lukeli kubulela cwalo.” Neli mulena ka, mubusisi.

Ki hali, “Kihande, ki mañi yakona ku utwisisa Seo?”

Se nili, “Za utwisiseha. Li ka utwisiseha Moya o Kenile ha u itukisize ku Li patulula.” Yeo ki niti.

47 Mi ki hali, “Oh, mawi!” Ali, “Na lika ku I bala mi mulisana ka alika ku I bala,” ali, “lu keni mwa butata bobucwalo boo.” Ali, “Neluna ni—ni Munyaliwa ya yemi fa Lilundu la Sinai.” Mwabona? Mi ali, “Mi ne luna ni Munyaliwa ni dragoni yene sweli kukwa mezi mwa mulomo wa yona, kuli ilwane ni peu yene siyezi ya musali. Neluna ni Munyaliwa mwa Lihalimu. Zetalu kaufela, ka nako yeswana.”

Se nili, “Zeo halitokwi kutwisiso ya moya.” Mwabona?

Ki hali, “Kihande, ki bani foo, kaufela kwa . . . zetalu ka nako yeswana.”

48 Se nili, “Eeni, sha, kono cwalo ha ki cona mo ne li tomezwi. Mwabona, mubiza ba ba handeleti ni fote-foo sauzande kuli ‘Munyaliwa,’ kanti ha ku cwalo; bani neli Majuda. Mi yena ya na kwile ki dragoni ka mezi a mwa mulomo wa yona kuli ilwane ni peu yene siyezi, babasiyezi ba peu ya musali bene ba tokomela litaelo ni kuli nebana, bupaki bwa Jesu. Mi Munyali nali mwa Kanya.” Mwabona?

49 Ba handeleti ni fote-foo sauzande, kauhanyo ya 14 ya Sinulo, neba yemi fani fa Lilundu la Sinai, (Yeo luli ki niti.) inge bana ni Libizo la Ndate mwa lipata za bona. Yeo luli ki niti. Majuda, bo masiyaleti ba Majuda.

50 Mi cwale fa kutaha dragoni, mundandwe wa litulo za Maroma. (Ili, Keleke Kasibili ha i si ka ngelwa kale, neili mwa Kanya kwa Mulalelo wa Sinawenga ka myaha ye milalu ni likweli ze silezi.) Mi cwale dragoni, mwabona, *dragoni* kamita ki “Rome,” ki dragoni yefubelu. Cwale ka kubona hande kuli mina, mwa—mwa Sinulo 12, dragoni ne i halifile ka musali ya na puluha Mwana wa mushimani ya na ka busa linaha ka mulamu wa sipi, mi ya kwa mezi mwa mulomo wa yona ni . . . kamba—kamba kulwanisa peu ye ne siyalezi. Kono dragoni yefubelu, pili, ne iyemi fapila musali yoo. Bukaufi fela kuli musali apuluhe Mwana, neika bulaya Mwana Ha na Ka pepwa fela. Cwale, ne luyemi fapila keleke ya Isilaele (Isilaele wa musali), ku bulaya Mwana hae (Jesu) ha na Ka pepwa fela? Rome! Heroda afa zibiso kuli—kuli mutu ni mutu na lukela kubulaya mwana kaufela wa lilimo zepeli kutaha mwatasi, kwa hasana lipula ze ne bulaile bana ba Siheberu kaufela mwa naha kaufela. Ki nto yeswana fela ni mwa na ezelize Faro kuli aswale Mushe, yeneli fela mufuta wa Hae, a bulaya bana kaufela kono a mu tokwa. Oh—oh—oh—oh, Mulimu wa ziba mwa ku ba patela.

51 Oh, ha mu si ka taba kuli muipatile? Oh, ki sibaka sa maipato! Biblele ibulezi kuli, “Kakuli mu na ni kuipala kuli mu shwile mi bupilo bwa mina bu ku Krete, bupatilwe ku Krete kwahule ka Moya o Kenile.” Diabulosi hakoni ku mi fumana haiba na ka lika ku mi bata. Hakoni fela ku mi fumana, mwa bona. Mu patilwe ku Krete! Muipale kuli mu shwile! Mi bupilo bwa mina bu patilwe ku Krete, bu patilwe ku Mulimu ka Krete, ni kuswaiwa ka Moya o Kenile.

52 Cwale, cwale, masiyaleti yoo neli mwalanjo ya lobezi; ya na kwile mezi mwa mulomo wa hae kuli alwanise bo masiyaleti ba peu ya musali. Cwale, masiyaleti ki sikamañi? Cwale, foo muna—muna ni kuba ni mifuta ye hamoho cwale. Kuna ni keleke ili keleke ya *nama*.

53 Ni ka ba ni...Mwendi Na kona kuiswanisa fa ni ku ibonahaza patalaza hande. Cwale, Muzwale Neville, haiba Ni nga nako ya hao, shangwe u ni swalele. [Muzwale Neville uli, “Amen. Hanina nako ni yekana.”—Mu.]

54 Cwale, ki yeo foo...Cwale muhupule kuli yoo foo ki mañi? Ki ya sa lumeli, Ni ka beya yoo kuli “UB,” ya sa lumeli, mi yani ki muezalibi. Mi ki yo fa yomuñwi yali wa sihalihali, Ni ka beya “FO,” keleke ya sihalihali. Mi cwale yo fa ki yena cwale ki yona keleke ye pilisizwe, “SA,” keleke ye pilisizwe. Cwale, mu libuluke mwa minahano ya mina nako kaufela.

55 Cwale, mwa keleke ye pilisizwe ye kuna ni litopa zepeli, mwa keleke ye mwahali mo ni mwahali *mo* ni mwahali *mo*, ze ne swanisizwe ka Krete: iliñwi ya zona neli mwalanjo ya lobezi, mi yeñwi ya zona neina ni Oli mwa lambi. Cwale, mina—mina kaufela...Ki ba bakai baba hupula likande? Lu ka fita ku lona mwa muzuzu fela.

56 Cwale, pili, lu si ka eza kale cwalo, lu ka fita ku ba handeleti ni fote-foo sauzande, ba Sinulo 7, kuli ikone ku utwahala hande. Cwale, mu lukela kuhupula se. Ni mina ba basweli kuñola, Sinulo 7.

57 Ha luyeni fela ka kuiketa. (Mi—mi hamuna—hamuna kukolobeza kufitela—kufitela...Kasamulaho wa sebelezo ye kakusasana, ku lukile.) Lu ka...Ni ka lika kubeya waci yaka fa ni kubona kuli ki nako mañi kuli lu zwe. Cwale luna—luna ni lihola mwendi zepeli cwale nabona, mi Mulena uka lu tusa kulufa palo yee.

... *ha kufelile zeo*...

58 Cwale, luka...Kauhanyo ya 6 italimana ni—ni pelesa yesweu, wo noli Moya o Kenile o no zamaile unzo koma, ku koma. Mi kwa taha pelesa yeseta, Lifu, mi Lihele la ilatelela. Mi ufi ni ufi wa bapahami bani kaufela nali fa lipelesa zani.

59 Cwale, “ha kufelile zeo,” kasamulaho wa sinyeho tuna ye. Pili kwa ya Moya o Kenile mwa lifasi, “kukona ni ku yo koma”; mi

kona kutaha yeñwi mwa nako ya lukupwe lolutuna, “sikala sa buloto ni pene, likala zepeli za mabele ka pene iliñwi, ni zeñwi cwalo, kono usike wa sinyo Oli ya Ka ni Veine”; mi cwale ni kutaha fafasi cwalo kufitela A kwalula ma—ma maswao aa.

*. . . ha kufelile zeo Na bona mangeloi amane ayemi mwa maneku amane a lifasi, inge a sweli mioya yemine. . . kuli isike ya fuka mwa lifasi, kamba mwa liwate, kamba . . . fa kota kaufela.*

*Mi Na bona lingeloi leliñwi ha li shetumuka kuzwa kwa upa, li sweli liswayo la Mulimu yapila: mi la huweleza ka linzwi lelituna kwa mangeloi amane, ko ne li na ni. . . kuholofaza. . . a fiwa mata a ku holofaza liwate ni lifasi,*

*Lali, Usike wa holofaza lifasi, kamba liwate, kamba. . . kota, kufitela ha se lu swaile batanga ba Mulimu wa luna mwa lipata za bona.*

<sup>60</sup> Cwale, muhupule, batanga kamita babile. . . batanga ba Mulimu ki Mujuda. Abrahamana neli mutanga wa Hae. Wamacaba ha ki mutanga, ki Munyaliwa, ki mwana. Yo ki yena mwana, Keleke i cwalo. Majuda bona ki batanga. Oh, haiba fela mu ka kona. . . kambe fela kuna ni nako ya ku otolola hande manzwi. Buñata bwa nako Na ezanga cwalo muzuzu mwani, ku li batisisa mo ni mo mwa mitolokelo kaufela kuli ni li utwisise. Majuda ki batanga. Ha Ni yema fa ni kunga nako yeñata kaufela ka za “mutanga,” Ha nina kufita fa litaba zeñwi, mwa bona. Kacwalo muhupule fela, mubatisise seo mwa Bibeles, mi mu ka fumana kuli Mujuda ki mutanga wa Mulimu.

<sup>61</sup> Ha ki nto kwa kuzamaelela ni yeo fa kuli lu ilatelele, haiba lu bata kukuta kwa Ezekiele 4, ni kufumana cwana kuli teñi mwani U bulezi kuli, “Kana kuna ni nto yecwalo yekile ya ezahala fateñi?” A talima fa mamota amatelele, mi asino talima, abona maswabisa a ezwa mwa munzi. Mi kwa bonahala. . . kwa taha baana babane ni lilemano za ku bulaisa. Mi ba ya inge ba bulaya lika kaufela mwa munzi wa Jerusalem.

<sup>62</sup> Mi asika eza kale. . . ba kena mwa kubulaiwa, ba swala, ba bayemisa, kakuli nekuna ni Yomuñwi ya na taha inza apezi ze sweu, asweli lunaka lwa muñoli (Ki ba bakai baba balile seo fateni?) fa noka ya hae, Ezekiele 4. Mi a lwala lunaka lwa muñoli loo fa noka ya Hae, a apezi zesweu, Ki hali, “U sike wa kena mwa munzi, usike wa bulaya sika kaufela konji pili ha u so swaile batanga ba Mulimu mwa lipata za bona.” Mi a ya ki Ha yo swaya, mi ali, ni kwa bana babanyinyani ni lika kaufela, u ba swaya.

<sup>63</sup> Mi cwale bona bene bana ni lilemano za ku bulaisa, babane ba bona ba taha, ba yo kena mi ba sinyo lika kaufela, ka kutokwa makeke. Ba bulaya baana, basali, banana, ni lika kaufela ze ne sina liswayo la Muuna yo wa lunaka lwa muñoli ya na ya inza swaya. Mi butuna. . .

<sup>64</sup> Cwale, mwani neli mwa mazazi kasamulaho wa Mulena luna, ha Na ba lemusize ka zona mwa Mateu 24, kuli mane “Ha mu bona Jerusalema ipotolohilwe ka limpi za masole, musike mwa tuhela. . . musike mwa tuluka fa situwa sa ndu, kamba ya li mwa simu asike akuta kwa hae ku yonga baki ya hae, kono muye mwa Judea.” Josephus u ñozi ka zona mwani, ni mo ne ba sabezi. Mi bona bene ba sabile kona be ne ba ngile Manzwi a Mulena Jesu. Mi ha ba bona limpi linze li ba potolohile, ni Titus, ka A.D. 96, ha ba bona Titus ubeile mamota a Jerusalema mwahali ni ku ba kwalela kaufela bona mwani; ba ca bucwani kwa likota. . . ba ca makwati—makwati a likota, ba ca bucwani bwa mwa naheñi, ba bilisa kutateha nama ya bana ba bona yoo uca mwana mulikana hae. Ba ina ni tala, inge ba ba kwalezi fela cwalo, mi kwa nalulelule ba bakenela ni ku ba bulaya kuli mane mali a bona a bubu ni mwa munyako sina—inge nuka ye bubu, linuka za mali abubela kwande mwa minyako. Ba cisa tempele, ba bulumuna mamota, mi li sa li cwalo kufita ni lizazi lee.

<sup>65</sup> Mi Moslem ya Omar ye iyahilwe fo ku tomile tempele. Mi Jesu a bulela ka zona mwa Mateu 24, Na ize, “Ha mu ka bona bumaswe bo bu shandaula inge bu yemi mwa sibaka se si kenile, sa na bulezi mupolofita Daniele, na bulezi ka sona,” kipeto li mwa tukutwana, uize, “(ya bala, a lemuhe:)” Mwabona, “Ha mu ka bona bumaswe boo, masila a Moslem ya Omar inza yemi fo ne kubanga sibaka se sikenile.” Mi kacenu Moslem iyemi ona fani fa sibaka se sikenile, ona fa sibaka sa tempele. Ba Mohammedan Moslem ba yemi sina Jesu mwa na bulelezi kuli kona mo ba ka yemela, eehe, sina Daniele ha na i ze ku kaba cwalo, mi Jesu a paka kuli li kaba cwalo.

<sup>66</sup> Mutalime baplofita bani ni Mulimu kwani inza bulela lika zetuna zani, muzwale, li lukela ku lu sabisa ka kuziba kuli lu kwa maungulo. Lu ka maungulo! Hakusana ze siyezi. Lika ze kaufela li ezahala fela sina mwa Na bulelezi kuli li ka ezahalela, kiñi, li lukela ku lu susueza, ku lu lukisa. Na ize, Jesu na lu lemusize, ali, “Ha muka bona lika zeo inge li ezahala,” sina ze lusweli kuambola ka zona, naize, “mu nanule litoho za mina, kupiliswa kwa mina ku fakaufi.”

<sup>67</sup> Mi li ka lu tusa sikamañi ni ha lu ka luwa lifasi kaufela? Lu ka li tokwa, ni hakuli cwalo. Halu—halu koni ku koma ka mukwa o cwalo. Kuna ni fela kuwina kulikuñwi, koo ki ka Krete. Munge Krete, fo he kipeto mu ka wina. Muna ni kuzwa ku lo faa; mwakona kushwa sebelezo ye isika fela kale, mwakona kushwa lizazi li si ka likela kale busihu boo, mwakona ku ik- . . . kuikela li si ka pazula kale kakusasana, la Sunda lisika fita kale mwakona ku ba mutimezi, kaufela luna. Ha lu zibi ko luya, kono uziba kuli uni ni kuya. Kona kuli ha ki bukuba ku itoboha zona? Musweli—musweli kuhata, musweli—musweli kubapala ni lifu.

<sup>68</sup> Inge njetumuko ya kale ya sileze. Ne ba pahamanga fa suuba ni kupotoloha suuba seo, kubona mo ne baka bela fa kaufi;

mi kipeto hañi hañi fela, ba si ka lemuha, ba yo wela kwa njetumuko. Mi cwalo kona fela mo mu ezeza, ki ku shetumuka fela kwamatuko. Ha u zibi kuli ki muzuzu ufi ha ku kaba ni se ku nyemisa, mi kipeto ke utimela; pilu ya tuhela kunata, kozi ya fa mukwakwa, sika kaufela sa ezahala, mi kipto wa shwa. Mi kipeto ko libile kwa Kuyakuile ku yema fapila hao. Nahana ka zeo, mulikani.

<sup>69</sup> “Cwale, ha mu ka bona bumaswe bo bu shandaula inge buyemi mwa sibaka se si kenile.” Cwale, he, mwa mazazi a kutaha kwa Titus kasamulaho wa kuya kwa Jesu, Moya o Kenile kona o noli muuna yani wa lunaka lwa enge fa noka ya Hae. Mi Aya mwa Jerusalema kaufela ni kubeya liswayo fa sicaba. Mi cwale Ni bata kuli mu lemuhe nto yeñwi, membala wa keleke. Mi u ipulela kuli una ni Moya o Kenile? Na ize, “U si ke wa swaya usili fela kwanda baba tonga ni kulila bakeñisa bumaswe bo buezwa mwa munzi.” Cwale, ukai mutu ya ikalelwa hahulu za lifasi ni buino bwa lona cwale?

<sup>70</sup> Kihande, “Ni wa Methodist, Ni wa Baptist, Presbyterian, cwale ki shutano mañi yeliteni?” ba bulela.

<sup>71</sup> Oh, haki mutiyo wa tundamo wa baba latehile wani, ki bunde bwatani. U sike wa lumeleza sika kukena ku wena ni kubeya ñole mwa moyo wa hao. Hakuna taba kamba mutu uka kueza cwani ka bumaswe kamba sika kaufela, wena usike! Usike wa ba ni mulatu wa kulumeleza nto yeo kuyaha mwa moyo wa hao. Ika filikanya Moya o Kenile mane uzwe ku wena. Luli ika eza cwalo.

<sup>72</sup> Na hupula kubulela nto yeñwi kwanu lilimo zepeli kamba zetaalu ze fitile ili nto ye ne fosahalile. Neli baatuli bayemeli ba milao bene ba ni bizize, mi Na ya kuyo . . . Musala ka inge ainzi fani. Nika . . . toho yaka, kuluma . . . na utwa inge ya kumuha kwatani, mi Na—Na kuta mwa mulaho. Mi seba—seba liza fa luwaile bali, “U mu bulelela kuli atahe musihali kacenu.”

    Mi Meda ali, “Ki bayemeli ba milao.”

    Na zwela fande a sikwalo, Na li, “Mu bulelela kuli ha Ni yo.”

    Ki hali, “Bill!”

    Mi se Nili, “Mu bulelela kuli ha Ni yo fateni cwale.” Mi Na zwela fande.

<sup>73</sup> Mi se Ni zwela fande ni kuikutwa bumaswe luli, na yo kuta. Mi a mu bulelela; Ne ni boni kuli ne si mu utwisize bumaswe.

<sup>74</sup> Na zwela fande ku yo lapelela . . . nekuna ni muuna yana ti lo kena, yana nani mbututu yana kula. Mi ha Ni kala fela kubeya lizoho ku mbututu yani kuli ni lapele, Sesiñwi sa kuli kuna, “Wena muipi.” Mwabona? “Wa ziba zo ezize.”

<sup>75</sup> Mi se Nili, “Muñaka, Ha ni swaneli ku lapelela mbututu wa hao. Mwabona, Moya o Kenile u halifisizwe mwahali kuna mi hakuna tuso kuli ni beye mazoho aka ku mbututu. Li belela fela kufitela Ni yo lukisa taba yeñwi pili.”

76 Na ya mi na mu bulelela . . . yena muyemeli wa milao waka yani, Na li, “Ni—Ni fosize.”

Ki hali, “Ne ni hupula kuli no siyo.”

Se nili, “Batili.” Se nili, “Bwani neli . . . Ne ni tiselize musala ka kubulelela nto ye maswe.” Se nili, “Ni—Ni swabile, Ne—Ne ni si ka—Ne ni sa talusi kueza cwalo.” Se nili, “Kana uka ni swalelela?”

Mi na kupa ni musala ka kuli ani swalele.

77 Mi Na kutela hape kwa Green’s Mill, neli ka kweli ya Sikulu. Oh, ne ku sa kuzize luli mwa mushitu, mi Ne ni bile mwa liñope musihali kaufela, inge ni lapela. Mi Na yo yema fa licwe fande mi Ne ni talimela mwabuse bwa malundu fahule, neli kokunde luli, ni matalil ni lika kaufela, inge kukuzize fela; neli ka faifi kilo, siki, mwa musihali, nako ya mbumbi. Hakuna, ne ku kuzize maswe tuu, musihali o cisa. Mi se Nili, “Ndate yakwa Lihalimu, Mushe, No mu yemisize mwa licwe nako yeñwi mi Wa mu fitelela.” Se nili, “Haiba U ka ni swalelela bumaswe bo Ni ezize bwani, kana U ka to fita fela fa kaufi hape ku ni lumeleza ku Ku bona?” Mi kwa neku la nzohoto fela kuna kwa lilundu nekuna ni kakundukundu nyana ka kala kukasha moya kabunolo fela mwa matali, ka to fita fakaufi nina ona *cwalo* ni ku yo shetumukela mwa mushitu mwahala likota. Na lila fela sina mbututu.

78 Na kuta hape fafasi, Na li, “Ni ziba kuli sibi saka si swalezwi cwale.” Mwabona?

79 Mwabona, kamita mubone kuli mibisi ya bumaswe ya zuswa ku mina. Mwabona? Hakuna taba sa ka eza mutu ku wena, tuhela . . . fela ube ni Mulimu mwahali ku wena ya ka zwiwa bumaswe kaufela ku wena.

80 Cwale, Bakreste ba bene ba filwe temuso ya Krete, cwale amutalime, mufuta wa sika se lu amboka fateni kakusasana cwana. Bakreste ba bene bana ni temuso yani, ba zwa mwa Jerusalema kakuli ne ba zuba kuli li ka ezahala.

81 Cwale amutalime ma membala ba keleke, mufuta wa sicaba bene ba ya kwa likeleke, ka kuikopanya fela kwa keleke, kaufela bona ba bulela kuli, “Kiñi, kuna ni limpi ze taha, kuna ni ndwa yetaha, cwale ha lu yeni kwa ndu ya Mulena lu yo lapela.” Kono ba liyehile. Ne li si ka batusa ni hanyinyani, mwabona.

82 Kono ne basweli kutokomela temuso, bona balutiwa baa, ne ba ziba sa na bulezi Jesu, mi ba mata. (Baituti ba litaba za kale baize “Bene ba bizwa kuli ‘bomucabatu,’” se bali, “ne ba cile mubili wa—wa muuna yoo yabizwa ‘Jesu’ yana ba folisanga.” Mwabona, ne basweli kuca mulalelo. Ne ba si ka . . . na sa zibi kuli ki sikamañi, mwabona, kakuli nali mutu wa nama fela, isiñi mulumeli, mi nali fela muituti wa litaba za kale. Mi ki ha . . .) Mi ba mata buhali bone butahela lifasi.

83 Cwale, mwa bona, mi cwale Jerusalema kaufela ya bulaiwa. Cwale seo . . . Cwale se fa sa zamaelela hande, Sinulo 7. Cwale



amutalime! Kuzwa nako ya Titus ha taseza Jerusalema, mwahala lifasi, ha ku si kaba kale nako yecwalo mwa litaba za kale za lifasi kaufela za ndwa ya lifasi kufitela ka 1914. Cwale amuteeleze ka tokomelo! Cwale fa kona Bo Rutherford fo ne ba lyanganehezi, Na ziba, ona faa. Cwale amutalime:

*Mi hase ku felile lika zeo Na bona lingeloi leliñwi leliyemi- . . . mangeloi amane inge ayemi mwa maneku amane a lifasi, (Koo ki kuyema sina cwana, fa maneku amane a lifasi.) inge asweli mioya yemine ya lifasi, (Cwale, kuna ni ya ziba kuli moya utalusa sikamañi mwa Bibebe, mioya ki “ndwa, lindwa,” diabulosi ki mata, mulena wa mwa moya, mwa bona.) . . . mi asweli mioya yemine . . . kuli isike ya fuka mwa lifasi, kamba . . . mwa liwate, . . .*

*Mi . . . lingeloi leliñwi la shetumuka kuzwa kwa upa (kona kwa ka zwelela Jesu), lina ni liswayo la Mulimu yapila: mwa pata ya lona, mwa lizoho: mi la huweleza ka linzwi lelituna kwa mangeloi amane, ana ka sinye lifasi, lali, lene . . . li filwe ku holofaza liwate ni lifasi,*

*Lali, Usike wa holofaza lifasi, kamba liwate, kamba . . . likota, kufitela lu feza kuswaya batanga ba Mulimu wa luna mwa lipata za bona.*

<sup>84</sup> Cwale, Mulimu haana nako, za Hae ki za Kuyakuile. Luna lu likanya ka linako, lika fela ze lu ziba ki mainci ni liñokolwa, ni limaili, ni zeñwi cwalo. Mulimu ki wa Kuyakuile, haana makalelo kamba mafelelezo. Mwabona, Yena ki—Yena ki wa Kuyakuile.

<sup>85</sup> Cwale, ka 1914 lifasi kaufela ne li caulela kwa Germany bakeñisa ndwa ya lifasi, yeo ki niti, lifasi kaufela kwa ndwa ya lifasi. Mi kana mu lemuñile? Luli neli nto yenca.

<sup>86</sup> Ni bata kuli mulikana ka yomunde yainzi fa, ndatahe Muzwale Wood, kuli autwisise taba yee. Mwabona, ne bali . . . ki Paki ya Jehova ya fetuhile, mwa bona.

<sup>87</sup> Mi kacwalo se, kaufela bona ne ba kenelela mwa ndwa. Mwa hupula hande zeo, ka 1914. Cwale, ha ki nto yenca nji (ku kenelela hande mwa *Mafelelezo a Ndwa ya Lifasi* kaufela, Ni na ni litaba zeñata za yona, mwa buka ya bubeli, mwendi ki fa likepe la fote-fooo) kuli ha ba zibi kufita ni lizazi lee ya na felisize ndwa. Kaiser Wilhelm na bulezi kuli na si ka bulela nto ye cwalo. Kono, hañi-hañi fela, ya yema mi hakuna ya na zibele libaka. Ne ba sweli kulwana, kwa taha li . . . kapili, mi ni . . . kaufela zataha: “Se li felela ona fani, ndwa ya fela.” Mi ne se ba nyatezi kale kutwano ya kozo, kusina kuziba se si ezahalile.

<sup>88</sup> Cwale, eeni sha, zeo likona kutanda lizazi mutumbi kamba amabeli kuli zeo kaufela li ezahale. Ne ba sa zibi; kono ha lu li beyeni fahalimu ni kutalima lika za butokwa zateni. Ne li Mulimu ya na iyemisize, kuli ataleleze Linzwi la Hae! Ki leo

Lingeloi lene li ituhelisize. Mangeloi ani naile ni silemano sa kubulaisa (Sikamañi?) ku to sinya lifasi kaufela, mi Lingeloi leliñwi la bulela kuli, “Libelela fa muzuzu fela! Usike wa eza cwalo, lu lukela kuswaya batanga ba Mulimu wa luna baa mwa lipata za bona, pili.”

<sup>89</sup> Fani neli fela fa makalelo a Pentekota, kwa mulaho ka 1906, 1914, mwahali linako zani. Mu ba bakai baba ziba cwalo? Kana kuna ni mutu wa ba Pentekota wa kale mo, ya hupula mazazi a kwa mulaho kwani? Luli. Mi sani, mwa linako za makalelo zani, kuli Moya o Kenile wa kala fela kuwa mi sicaba sa kala ku amuhela Moya o Kenile ni kubulela ka malimi ni kulapelela bakuli ni zeñwi cwalo, za kala ku ezahala, kamba nihaiba mwahali a masika amabeli faa; inge fela mo ne li tiselizwe mwateni, Keleke ki ya niti. Mi Mapentekota bakala ku ikungela kopano, Assemblies of God, ni Church of God, ni zeñwi cwalo, mi ba wela mwa tukutwana twa swalisano ya bona inge mo ba inezi cwale. Kona kuli ki . . . Lu kwa mafelelezo a lusika, mwa bona. Kaufela ki kuisa ni kwa mafelelezo, lika kaufela li zamaelela hande ni kwa mafelelezo.

<sup>90</sup> Cwale, ku zee, za bune . . . Mu lemuhe, ne i tuhezi kala—kala ilebene Njimwana, ka ilebene kiloko mwa musihali; kweli ya bu ilebene mwa silimo, lizazi la bu ilebene mwa kweli, ni hola ya bu ilebene mwa musihali. Mwa hupula cwale sa na bulezi Jesu ka zona? “Kuna ni yana keni mwa simu ya veine ku yo sebeza ka nako yeñwi, alimuñwi a fiwa pene, mi yatatama akena,” bani neli batu bene batile ka hola yabu ilebene. Kana neli cwalo? Ki bona bao, sicaba sa hola yabu ilebene; li bulukilwe. Cwale seli nako yakuli bakene mwateni, mi basweli ku kopana kuzwa mwahala Majuda bani, kuba naha. Ne ba hasani mwahala lifasi kaufela, ku yo punya kwa Iran ni libaka zeshutana ko ba sa zibi kuli mane Jesu akile aba mwa lifasi, ne ba sa zibi sika ka za Testamente Yenca kamba sika kaufela.

<sup>91</sup> Mi cwale mwakona kotalima mwa mutende waba *Look* magazini, ni *Life* ni yemiñwi, ya bonisa maswaniso a kukuta kwa bona. Hanili Jesu naize, “Ha mu ka bona kota ya feiga itubula matali?” Majuda kamita kona kota ya feiga. “Lusika lo haluna kufela konji lika ze kaufela li talelezwe.” Mi cwale bakutile kale, kale kale seli naha, kale kale bana ni masheleñi a bona ni ndembela ya bona luli, ni lika kaufela, mi ya zibahala ni mwa U.N., se ba li naha. Ba inzi sikalalambo! Ba itukisize! Cwale, kuitukisize sikamañi? Kuswaiwa kwa ba handeleti ni fote-foo sauzande (Cwale, lu ka fita ku zeo fa muzuzu fela.) ka za Isilaele; Majuda bani, isiñi sikwata sa ba Wall Street ba masholi ni bukuluku baba uzwa ni lika kaufela, Ni talusa Majuda ba niti, luli, Majuda ba niti ba ba buluka litaelo za Mulimu kulo kwani.

<sup>92</sup> Cwale, Majuda ba niti basweli ku kopanela mwa Palestine hape, mi ona cwalo fela mwa na bulelezi mupolofita; sina Ishimaele ni Isaka mo ne ba ñomelanela mwa kañoto, kamita ba

kulwana, ne kuizwe bakaba cwalo ni mwa lizazi la mafelelezo, mi ki bani bateni mwani. Ishimaele ona fa, mi mwendi fa kaufi fela liñokolwa zemwanda fa Isaka ki yani fale, mi bubeli bwa bona (ba Mohammedan ni Majuda) basweli kuitwanisa mwa sibaka se si sina muña'sona.

<sup>93</sup> Cwale kubona haiba Liñusa le luna ni le la tamahana ni zona kamba nee. Yona hola luli Isilaele haito nyatela kuli ki naha, neli yona hola yeswana luli, lizazi liswana luli, yona kweli yeswana luli, lika zeñwi kaufela: Ne nili kwa Green's Mill, Indiana, Lingeloi lani ha li bonahala ku na mwa simu ni Se; kasamulaho Ha ni katana kwa nuka kwani ani bulelela ze ne ka ezahala, mi ni ku ni luma myaha ye ilebene kasamulaho ka hola yeswana yene nyatezwi Isilaele kuba naha. Kaufela zona li swalisani hamoho.

<sup>94</sup> Mwabona, Lingeloi la Mulena li mwa lifasi cwale, mwabona, Lisweli kuzamaya kafa ni kafa kulukisa kutaha kwa Mulena. Mi ki Mangeloi a swana autwile sibi ha na ile kwa Sodoma mi a fumana cwalo . . . ali, "Lutile ku to bona haiba lika ze li cwalo kaniti, ze Lu utwile."

<sup>95</sup> Mwa hupula cwalo? Mi Lingeloi li liliñwi laya kwani . . . (Leliñwi la siyala ni Abrahama Muketwa.) Sodoma neli kwatasi *kwani*, mi Lota nali mwa Sodoma, mi Mangeloi amabeli ayatani kwani ku yo kutaza kubona ni ku lukulula sikwata nyana sani, sikwata nyana sa zwa, mwalanjo ya lobezi. Mwabona? Ku lukile. (Kono Lingeloi li liliñwi la siyala ni Abrahama.) Mangeloi ani a yo kutaza kulo *kwani*, sina Billy Graham wa kacenu ni babañwi bani, a yo ba zwiseza mwatani.

<sup>96</sup> Kono Lingeloi lene li yemi ni Abrahama ne li fulalezi mukokoto wa Lona kwa tende, mi Lali, "Abrahama, ukai musala hao, Sarah?" Cwale Na zibile cwani kuli na nyezi, na nyezi? Mi Na zibile cwani nana ni musali? Na zibile cwani libizo la hae, kuli libizo la hae neli Sarah? Ali, "U inzi mwa tende kwa mulaho wa hao."

<sup>97</sup> Ki hali, "Kihande, Ni ku fa sepiso." "Na" Mwabona yo Lingeloi nali yena. "Ni ku fa sepiso. Ni ka ku potela kuya ka nako ya bupilo, Sarah uka ba ni mbututu."

<sup>98</sup> Mi Sarah, mwa tende kwa mulaho wa Hae, a seha mwa pilu. Mi Lingeloi, ni mukokoto wa Lona ufulalezi cwalo, lali, "Ki kabakalañi Sarah ha sehile?" Mwabona sisupo sa Na file Keleke ye Ketilwe?

<sup>99</sup> Mwabona sisupo se ne ba nani mwa Sodoma?

<sup>100</sup> Ki zeo litopa za mina zetaalu za kuta hape, lu kutezi ku zona hape.

<sup>101</sup> Luna ni . . . babuleli babatuna baa baba apesize lifasi kwande kwani. Kasamulaho Billy Graham a amuhela Moya o Kenile, na si ka taha *mwatani*. Yani kona simu ya hae *kwani* mi wa ilemuha, mi Mulimu amutoma ona fani. Mwabona? Ka kutazo

ya nama fela yani, litaba za sweuli ku utwa kwanu, kono ulika ku nyunga Sodoma kuzwa mwateni, ulika ku inyunga mwateni, kamba kufa sishemo ku mwalanjo ya lobezi yani. Mwabona?

<sup>102</sup> Kono *fa* nekuna ni Abrahamana ni sitopa sa hae, mi Jesu ali, “Sina mo ne kuinezi mwa Sodoma, kona mo ku kabela ni ha taha Mwana mutu.”

<sup>103</sup> Mwabona, mangeloi ani akaba mwa lifasi inza eza nto yeswana. Mwabona, ki kabakaleo Billy uya kwa Baptist ni libaka zeñwi cwalo. Una ni kuba cwalo! Mwabona, Jack Shuler ni baana—baana babañwi babatuna kwani ba baile. . . baancafazi babatuna, bana ni kuba cwalo kakuli basweli—basweli ku kasha luli katata. Bali kuba baize limakazo kwani; ki zelikani, sina batu be ne ba natwa ka bubofu. Kono kukutaza Evangeli kona ko ku ba fougaza, mwabona, ki Bibebe yebulezi cwalo.

<sup>104</sup> Kono muuna yo *kwani* aeza sisupo, sisupo sa buipiteli, ku Abrahamana ni sikwata sa hae, ili Keleke ye Ketilwe.

<sup>105</sup> Cwale, 1914, lifasi la kena mwa ndwa, mi bali kuba ba be ni ni kozo kuzwelela ona fani; kamita basweli kuelekeza ona cwalo, kuelekeza ona cwalo, kuelekeza ona cwalo, mi basweli kuelekeza nto yeswana luli ni kacenu. Mi kisikamañi se ne ba eza? “Kuswala!” O Mulimu, ube ni makeke! Kuswala nto tuna yene Ni boni mwa pono yani (nto yatani kaufela itaha kwa sinyeho), kuswala ndalamiti ya atomic, kuswala lindwa kuli basike ba ipulaya kuli mane ito ba bulaya ni yona; kufitela Isilaele ikuta ku to kopana hamoho, mi kipeto Liñusa li ka ya kwa Isilaele mi ika swaiwa ka liswayo la Moya o Kenile lani. Mwabona, kasamualaho wa kubizwa kwa Bamacaba ha ba zwa; sicaba se si biziswa libizo la Hae si ka biziwa, ili bao mwa lusika *lo* ba bizizwe. Kipeto Isilaele fela ika amuhela Liñusa la myaha yemilalu ni likweli zesilezi.

<sup>106</sup> Daniele na bulezi cwalo, na bulezi kuli bakaba cwalo, ku kaba, “Nekuna ni ba mashumi asupile. . . kamba—kamba myaha yesupile ye ne sepisizwe ku bona, ye sa siyezi kwa puluso ya Majuda.” A bulela kuli, “Mesia, Mulena, ili yena Krete, uka taha a to polofita mwahala myaha ye mashumi a supile yani. . . kamba myaha ye supile, Uka bulaiwa.” Jesu na kutalize myaha ye milalu ni licika mi a bulaiwa, mi sitabelo sa kazazi sa feliswa sa na bulezi Daniele. Ku lukile.

<sup>107</sup> Mi cwale nekuna ni sibaka se si filwe Bamacaba, mi batilo fita ni kwa lusika loo. Mi kuna ni myaha ye milalu ni licika yesiyezi kwa Majuda. Cwale haiba luya mwa Sinulo 11, lu ka ikalela kwa mafelelezo (Keleke ha ibonahali konji mwa kauhanyo ya 19 ya Sinulo.), kono kwa mafelelezo a yona, Elia ni Mushe bakuta hape ku to kutaza kwa Majuda. Baana bababeli bene ba tozizwe ka Moya wani, kamba mwendi bona kasibili, ne ba si ka shwa. Kacwalo ba ba bulaya ni ku ba lobaza mwa mukwakwa obizwa *Sodoma* ko ne ku kokotezwi Mulena,

“Jerusalemema.” Mi kasamulaho wa mazazi a malalu, kupalañi, bupilo (Moya ki Bupilo) bwa taha ku bona mi ba zuha, ba zuha. Mi cwale sibaka tuna sa lifasi ha si kauhana mwa liemba emba ka nako yani. Ba eza limakazo ni lisupo ni Majuda.

<sup>108</sup> Cwale ki bao Majuda ba to kutaza teñi. Lifasi . . . hakukoni . . . ne ba si ka lizeza ku mutu ni mutu kamba kuipulaya, kamba sinyeho kutaha, kufitela Majuda bani bataha mwa sibaka sani; ki ye Bibeles yeinzi fa ya paka cwalo, abona Mangeloi amane. Mi amutalime se ne ba amuhezi; bana ni kuamuhela Moya o Kenile sina mo ne ba ezelize fela.

<sup>109</sup> Haiba Muuna yani ya na sweli lunaka lwa enge lwa kuñolisa neli Moya o Kenile, (Lwa lemuha cwalo, mañi ni mañi, ubala Bibeles.) kihande, kona ni Lingeloi le li swana le mo liinezi litaha hape ni Moya o Kenile, “liswayo la Mulimu yapila.” Maefese 4:30: “. . . moya o Kenile wa Mulimu . . . mu swailwe kuisa lizazi la kuliululwa kwa mina.”

<sup>110</sup> Mi hakuna ze bakona kueza cwale konji pili Majuda bani bakute. Mi lisunda nyana fela zefitile ne ba kopanya lika kaufela hamoho ni kutaha mwa U.N. Li itukisize! Lu kwa maungulo, lika kaufela li swailwe cwale.

<sup>111</sup> Cwale, cwale amutalime, ka kupaka kuli ki Majuda, cwale, Ni ka nga yani:

*Lali, Usike wa holofaza lifasi, kamba liwate, kamba kota kaufela, konji ha se lu swaile batanga ba Mulimu wa luna mwa lipata za bona.*

<sup>112</sup> Cwale, ka kubonisa kuli sinulo ye ki ye ilukile, mutokomele se, timana ya 4:

*Mi Na utwa palo ya ba . . . ba swailwe: mi kwa swaiwa ba handeleti ni fote-foo sauzande mwahali a masika kaufela a bana ba Isilaele.*

<sup>113</sup> “Isilaele.” Ba kai bao? Ba kopani fela cwale. Bateni kwani baitukisize, ba libelezi nako ya kuswaiwa ye sa taha. “Kwa lusika lwa Juda ne kuswailwe ba twelufu sauzande. Lusika lwa Rubeni, twelufu sauzande. Lusika lwa Gadi, twelufu sauzande. Aseri, twelufu sauzande. Nefetalimu, twelufu sauzande.” Ni kushetumuka cwalo ni cwalo, Simeoni ni oh, ni . . . kutaha ku Benjamine, masika a twelufu. Mi twelufu ha i alulwa ka twelufu ki handeleti ni fote-foo sauzande. Mwabona? Cwale yo ki yena . . .

<sup>114</sup> Cwale haiba mutalima mwa kauhanyo ya 14, fa muzuzu fela, fa hamubone:

*Mi ha Ni talima, na bona, Ngunyana ye yemi fa . . . lilundu la Sinai, ye yemi ni ba handeleti ni fote-foo sauzande, bana libizo la Ndata bona le liñozwi fa lipata za bona.*

115 “Lilundu Sinai.” Ngunyana ne i zwile mwa Kuungelwa. Ni ku yo kuta, sina ha ne luboni cwalo busihu bobuñwi, sina Josefa mwa na ha zwiselize Bamacaba kaufela ha na yemi ni bana bahabo yena, ali “Kina Josefa, muhaenu muzwale wa mina!” Mi ba saba.

116 Mwa hupula mwa lusika lwa keleke mwani mo ne lubile ni zona, ha Na ilo kuta? Mane ni bona bene ban Mu tabile mwa mazoho, mi ba kali, “Ki kai o U zwisize mañiba ao?”

117 Ki hali, “Ki mwa mazoho a balikani ba Ka.” Mi ba lila habutuku. Mi lubasi ni lubasi lwa ikaba kuzwa ku loluñwi, mi ba lila ni kulila ni kulila, bakeñisa kueza bumaswe boo. Mesia wa bona sakata, ili Mulimu luli. Mi U kali kubona sina mwa Na bulelezi ku—ku. . . Josefa kwa Isilaele, ki hali, “Musike mwa ipa mulatu, kakuli Mulimu uezize cwalo kuli abukeleze bupilo.”

118 “Mi Mulimu. . .” Bibeles ibulezi kuli “Mulimu u foughalize meeto a Majuda kuli Bamacaba bakone kuba ni kolo (luna, luna kasibili), kuli lube sicaba se si biziswa Libizo la Hae, Munyaliwa wa Hae kuzwa ku Bamacaba.” Oh, kinto yende! Nji cwani? Ki fo he cwale.

119 Ki bao ba handeleti ni fote- . . . Cwale haiba mubata kubona Munyaliwa ya taha kasamulaho wa foo, ili kubonisa kuli ba handeleti ni fote-foo sauzande ha ki Munyaliwa, amuzwelepili fela kubala kuzwa mwa kauhanyo ya 8 fapata; kamba, eeni, kauhanyo ya 8; kamba timana ya 8, Ni taluse, kuzwa mwa kauhanyo ya 7. Ha lu kaleleni fa timana ya 9—9, kakuli ya 8—8 timana yeo ki kuswaiwa kwa Benjamine, twelufu sauzande.

*Hakufelile—Hakufelile zeo ha Ni talima, na, bona, sicaba sesituna, se si sa konahali kubaliwa, (Kiyo cwale Munyaliwa wataha.) kuzwa mwa linaha kaufela, . . . mishobo, . . . macaba, ni malimi, ba yemi fapila lubona, ni fapila Ngunyana, ba apezi ze sweu, bana ni linzalu mwa mazoho a bona;*

*Mi ba huwa ka linzwi lelituna, bali, Kupiliswa kube ku Mulimu wa luna yainzi mwa lubona, ni ku Ngunyana.*

*. . . mangeloi kaufela ayema fakaufi kupotoloha lubona, ni babahulu ni libupiwa zene, . . . za kubama—za kubama fapila lubona ka lipata za zona, ni kulumbeka Mulimu,*

*Zali, Amen: Limbuyoti, . . . kanya, . . . butali, . . . buitumelo, . . . likute, . . . puso, . . . mata, li be ku Mulimu waluna kamita ni mita. Amen.*

*Cwale alimuñwi ku ba bahulu a alaba, ali ku na, Ba ki bomañi ba ba apezi zesweu? hape bazwa kai?*

*Mi Na li ku yena, Muñaka, ku ziba wena. Ki hali ku na, Ba ki bona ba ba zwile mwa matata amatuna, mi*

*batapisize liapalo za bona, mi likenisizwe ka mali a Ngunyana.*

*Kona ha bali fapila lubona lwa Mulimu, mi ba mu sebeleza musihali ni busihu mwa tempele: . . .*

[Hakuna manzwi fa tepu—Mu.] Mwabona?

<sup>120</sup> Musala hao uezanga sikamañi? Ki yena ya ku sebeleza mwa lapa. Wena wa ina fela, wa ku tatehela lico, wa tapisa liapalo. Mwabona, u ku sebeleza musihali ni busihu mwa ndu. Mwabona? Mi yo faa, linaha ze kaufela, Bamacaba baa, ili yena Munyaliwa, bayemi fapila lubona lwa Mulimu, hamoho ni Yena musihali ni busihu. Kaufela mwa hupula ze ne lu bulezi, maabani busihu ni kubulela fateni?

*. . . mi yainzi mwa lubona uka pila mwahala bona.*

*Habasa ku lapa hape in kamuta, kamba kuba ni linyolwa ni kamuta; nihaiba lizazi halina ku ba cisa—cisa, kamba mufutumala wa lona.*

*Kakuli Ngunyana ye li mwahala lubona ika ba fepa, mi . . . ika ba zamaisa mwa maweluwelu a mezi: mi Mulimu uka takula . . . mioko kaufela kwa meeto a bona.*

<sup>121</sup> Cwale, ki bao ba handeleti ni fote-fooo sauzande ba mina (Isilaele) baba libelezi kutaha kwa Mulena mi habakoni kukena mwahali konji pili Bamacaba ha se ba felile, ba lukela kufela.

<sup>122</sup> Cwale, Na kona kubulela fela taba ye niama fa, Na sepa, ni sepa kuli mu ka utwisisa. Fani Lewi Pethrus wa kwa Stockholm, Sweden, mutoneli yomutuna, ha u twa ka za likeleke zama Filadelfian, aba lumela Libibele ze kuma fa wani milioni Majuda bani, tu Testamente totunyinyani. Nina ni kalikamu ka tona kwani, ki kupuzo nyana ya hae. Mujuda kamita ubalanga kuzwa kwa mulaho kutaha kwapata, mi kacwalo mwa ziba mo—mo inezi mushobo wa bona. Mi ne ba sweli kubala Libuka zee, mi se bali, “Kihande, haiba Jesu yo ki yena Mesia, mi Sa shwile mi Moya wa Hae utile ka mufuta wa Moya, alu Mu boneñi aeza sisupo sa mupolofita, kipeto lu ka Mu lumela.”

<sup>123</sup> Ha ki tukiso kwa kuipitela! Na hupula nali, “Mulena, ki ye nako cwale. Cwale seli nako, ki ye faa.” Konakuli mwa fulai se Ni ya, Billy, ni Na, Loyce, lwa funduka.

<sup>124</sup> Ne ni ya kwa India, mi se Nili, “Cwale, mwa musipili waka ha ni kuta, Nika to tibeleda mo mi Ni ka tisa Liñusa kwa Majuda, ni ku ba lemusa bazibe kuli, ‘Ki niti?’”

<sup>125</sup> Majuda kamita ba lumela bapolofita ba bona, kaufela lwa ziba cwalo. Kakuli Mulimu na ba bulelezi kuli Mesia ukaba mupolofita, mi ba lumela bapolofita ba bona, mi Mulimu naize, “Haiba mwahala muuna kuna ni mutu yali mupolofita, muboni, mi haiba u . . . Ni ka ambola ni yena mwa lipono ni zeñwi cwalo. Mi—mi za bulela ha li ezahala, yoo mu mu utwe, kakuli Nina ni yena.” Mwabona? “Kono ha li sa ezahali, kipeto musike mwa

ba ni sa kueza ni yena mupolofita yoo, kakuli Ha—Ha—Ha ni yo ni yena. Kono haiba li to ezahala, za bulezi, fohe mu mu utwe, kakuli Ni na ni yena.” Mi Majuda baziba cwalo.

<sup>126</sup> Mi Na hupula kuli, “Oh, mawi! Kana ha ki nto yende! Ni ka nga fela mwendi baba kuma fa likiti zene kamba ze ketalizoho ni kuyema faale, ni kuba—kuba kupa kuli babale Bibeke ni kubulela kuli, ‘Haiba yo ki yena Mesia, ha lu Mu bonefi ha eza musebezi wa mupolofita.’” Se nili, “Ha ki bunde ni boo mo ku kabelala!” Ne nina ni situpa mwa lizoho laka, ne se li fela mizuzu ye mashumi amalalu ba si ka biza kale mukoloko wa fulai ya Arabian. Kacwalo Ne ni yemi fande kwa Cairo, Egypt, mi Na nahana kuli, “Kulumbwe Mulimu! Mwa lihola zepeli fela Majuda ba ka amuhela taba yeswana yene ba amuhezi kwa Pentekota, na lumela luli kakutala.” Na hupula, “Ha Ni ka yema fale ni kuba bulelela kuli, ‘Amu yo tisa baana mwahala mina, mubatise kwanu, lubone haiba Usali yena Mesia.’ Mwabona, mi kipeto Ni kali, ‘Cwale, fa mubu oswana o bashemi ba mina ne ba hanile Mesia, mina mu Mu amuhele. Amunanule mazoho a mina mi Uka . . . mu ka amuhela Moya o Kenile ona faa.’ Mi kepeto ba ka hasanya bulumiwa mwa libaka za lifasi la bona ha se ba . . . ha se ba U amuhezi. Kunga baeteleli, musike . . . Kunata fela fa lika zetuna, baeteleli, ha ba kale cwalo.”

<sup>127</sup> Mi Sesiñwi sa ni fitela mi sali, “U si ke waya cwale, kakuli nako ha i si ka kwana kale.” Uh-hum. Bamacaba ha ba si ka kwanelela kaufela pili, mwabona, lizazi ha li si ka likela kale.

“Oh,” Na nahana kuli, “mwendi ki na fela.”

<sup>128</sup> Kacwalo Na funduka hape, mi sa utwahala fela bumaswe kufitela Ni palelwa kuitiisa. Mi se Ni ya kwa mulaho wa sitebule ku Na imanisa toho, Na li, “Ndate, kana ki Wena ya bulela ku na?”

<sup>129</sup> Ki hali, “Usike wa ya kwa Isilaele cwale, nako ha i si ka kwana kale.” Na kena fela mwahali, na cinca tikiti yaka, na cinca musipili hape, na liba fela kusili. Mwabona, kakuli nako ha i si ka kwana kale.

<sup>130</sup> Kono leliñwi la mazazi aa Liñusa li ka ya kwa Isilaele, mi se si ka zibahala . . . Mulimu uka luma bo Mushe ni Elia, mwa Sinulo 11, mi ba ka eza lisupo ni ze komokisa ni sisupo sa Jehova; foo Bamacaba ha se ba kwanile kaufela, sishemo sa . . . lizazi la sishemo li ka zwa kwa keleke ya Bamacaba, lusika lwa ba Pentekota. Likopano li ka zwelapili ona cwalo kakuli lithahile cwalo ni mwalanjo ya lobezi (Lu ka kena ku zeo mwa nako fela.), kono ba ka taha mwa sitopa sani.

<sup>131</sup> Kono cwale ha ba eza, ha ba eza cwalo, Majuda ba ka amuhela kolobezo ya Moya o Kenile mi kukaba ancafazo kwani ye ka yemisa mahalimu kuli, “Isike ya nela!” Ba ka eza mifuta ya lisupo kaufela ni limakazo. Mi mafelelezo mundandwe wa litulo za Maroma . . . Majuda kona ba basweli sifumu sa lifasi, mi—mi



Keleke ya Katolika ya Roma ika lyanganisa tumelelano ye ni Majuda kasamulaho taba ye imana kufela mi kipeto kukaba . . . (tumelelano yene ba nyatezi mwahala bona), uka ya kwani, mi fani kona foo Mulimu ha ka yema sina mwa Na ezelize mwa—mwa mazazi a kale kwani, ni kulwanela Isilaele. Ba ka bulaya bapolofita bababeli bani kwa mafelelezo, mi ba ka lobala mwa mukwakwa, ni kuba kwelaka mati.

132 Sina mo ne ba ezelize baktutazi ba Mapentekota baa ni musala hae ni bana kwanu lisunda nyana zefitile kulo kwani, mi mba yenyinyani yani ya luluha kuba yetuna *cwalo*, ya bana, ko ne ba zamaya kwa matuko inge baba kwelaka mati, baba tuhelela bali kulobala mwa lizazi lelicisa ka mazazi a malalu kamba amane kusina ku ba pumbeka.

133 Ba ka eza lika ze swana! Ki Bibeles yebulezi cwalo! Ba ka eza lika zeswana ona fani. Mi ba ha ka eza cwalo, kasamulaho wa mazazi a malalu, ba ka lobala inge ba shwile, Moya wa Bupilo uka taha fahalimwa bapolofita bababeli bani ba ka zuha ni ku kambamela mwa Kanya. Mi, ka yona nako yani, mililo ya kalisa. Yeo ki nako ya mafelelezo. Foo kona fo li ka felela.

134 Kono li si ka ezahala kale, Bamacaba, Munyaliwa ya ketilwe . . . Ku kaba babañwi ba mina ba bainzi fa tafule, leliñwi la kakusasana, alimuñwi uka ngiwa, babañwi ba ka siyala. Mu ka komoka, “Ki butata mañi?” Ba ka zamaya mwa mota yeswana, inge ba ikambota, mufumahali kamba muuna hae inge ainzi fa sipula; haaba ku alaba, hana kubateni. Mu ka matela kwa mabita, kuna ni mabita aka kwaluha, amañwi inge a sa kwalilwe, “Kakuli bafu babañwi habana kupila ka nako yelika myaha ye sikiti.” Muhupule fela, se kufelile cwale!

135 Ikaba kutaha kwa kunutu, hakuna ya ka ziba fo li ka ezahalela. Lu laelwa kuba baba itukisize mi ba batona. Ha lu zibi hola yeo. Kono, seo ili yona kaufela, haluna kutibela nahaiba iliñwi ya lika ze *fa*; kakuli, Jesu ha sa bonahala fela, babatona kaufela ba ka zuha. Bafu kamba ba bapila, hakuna taba!

136 Ha lu—ha lu Mu katanyezi pili, luna ni ku kopana mwahala luna pili. Bibeles ibulezi cwalo, Maefese, kauhanyo ya 5, I bulezi kuli, “Kakuli luna ba bapila mi lu siyala kufitela kutaha kwa Mulena, fa sibaka fa, haluna kupaleliswa kamba kutibela ba balobezi.” Bona babande bani ba ba kwalile ka mali abona . . . ba kwahezi bupaki bwa bona ka mali a bona. “Ha bana kupaleliswa kamba kutibela baba lobezi, kakuli tolombita i ka lila.” Kuna ni se si ka ezahala, “*sesiñwi* sa Evangeli si ka utwahala,” kuzibahaza kutaha kwa Hae. “Mi ba ba shwezi ku Krete ki ha ba ka zuha pili. Mi luna ba bapila mi lu siyala lu ka fetulwa.” Inge lu yemi, lu ka utwa cinceho ha i ezahala: milili ya limbi ya zwa kwateni, mañonde a zwa kwateni, lu ka cinciwa mwa nako nyana, ka ku koby a fela kwa liito. Mi luka katanyeza balatiwa baluna pili: “Ki bani Boma, Bondate, ki yani mulikani. Oh,

Haleluya, lu itukisize! Mi cwale, hamoho ni bona ba ba shwile,” kona mwa bulelela Mañolo, “lu ka ngelwa mwa mbyumbyulu ku yo katanyeza Mulena.” Mukoloko wa za Kutaha.

<sup>137</sup> Oh, kubona bondate ba macembele baka bani! Oh, mawi! Kubona balatiwa ba kale babaile kale mwa Tumelo bani, ku yo kopana ni bona. Kubona bunde bwa Mulimu, ka kuziba kuli haiba lu Mu katani pili ne lu ka komoka kuli, “Kikuli Boma nebaliteni ku zona? Kana—kana Boma ba konile ni bona? Lu kutsalize katata, lu—lu likile. Kana na liteni nji? Kana Bomalume bo Joe bateni kwanu? Kana—kana muzwale uteni kwanu nji? Kana wa *Kuli-ni-kuli*?” Mwabona? “Mulena, lwa Ku lata, lwa Ku lata, kono. . .” Pili lu ka yo kopana mutu ni mutu! Oh—oh—oh! Hakuna ku kakanya ka zona, kaufela luna luteni kwani.

<sup>138</sup> Kona ha ne ba yemi ni kubulela kuli, “Amen, kanya, ni butali, ni likute, ni bulena, ni mata.”

<sup>139</sup> Babahulu baba mashumi amabeli ni babane ba tubula likuwani za bona za bulena ni kuwela fafasi cwalo, kaufela bona ba lobala fafasi mwa mubu mi ba Mu kubamela.

<sup>140</sup> Leliñwi la mazazi aa lu ka yo yema kwabuse bwa lifasi, kwabuse, sikwenda sa lifasi, kwahule koo mwa mbyumbyulu; mi haluna kuba mwa Lihalimu pili, lu ka ngelwa ku yo Mu katanyeza mwa mbyumbyulu.

<sup>141</sup> Mi Rebekah a i ketela, kapili, a keta kuli u kaya ni Elieza fa kamele ku yo katanyeza Jakobo. . . kamba ku katanyeza Isaka ya na lukela kuba muuna hae, na si ka mubona kale fateni, a ziba kuli Mulimu na sweli ku mu zamaisa. Mwana mushimani wa Jakobo, kamba. . . Isaka nali mwa musipili kuya mwa simu ka nako ha kubatile mwa manzibwana. Muhupule, neli ka nako ya manzibwana. Mi Rebekah inza pahami fa kamele. Elieza ali, “Ki yani wa taha cwale.” Mi Rebekah atula fa kamele, a apula lisila kwa sifateho sa hae. Na si kamubona kale fateni. Na sa zibi. . . Yani neli yena muuna hae, kono na si ka mubona kale fateni. Na ya ku yo mukatanyeza ka tumelo. (Ha ni zibi Mwa bonahalela, kono, oh, ha Ni ka Mu bona!) Kwande kwani ha yo mubona, neli lilato ka nako yapili. Mi ni yena muuna na si ka mubona kale fateni, kona mwa na mu bonezi, lilato ka nako ya pili. Mi fa ba to kopana mwa masimu. Mi a muisa kwa mubuso wa bo ndatahe moo ni ku munyala.

<sup>142</sup> Ona cwalo kona mo i ka ngelwa Keleke mwa mbyumbyulu, mwahala mbyumbyulu, ni ku katanyeza Mulena mwa musipili wa Hae inza shetumuka. Oh, ki kutwano yecwani mo ikabela, lilato ka nako ya pili! Mi ha lu ka yema fa likwenda za lifasi ni kuopela lipina za kuliululwa zani, oh, mawi! Ki ba bakai baba ka opela ni ku Mu lumba ka za luna. . . sishemo se si liulula Sa lu fa. Foo Mangelo ha ka apesa maneku a—a lifasi ni litoho ze inami, kusina kuziba ze lu bulela. Mangeloi ani na si ka lateha, haana kuziba taluso ya kupiliswa. Ki luna bene ba latehile, neli luna.

Luka utwisisa ka nako yeo sika se si maswe se ne si beilwe fapila luna, mi U lu liuluzi ka Mali a Hae, kuzwa mwa lusika kaufela, mushobo, ni naha. Ki lizazi la kunyakalala ko ku cwani!

143 Na lata pila yeo, yeli:

Ku kaba mukopano mwa mbyumbyulu,  
Mwa bunde, bunde kamita ni mita;  
Ni ka yo kubona kwani ni ku kulumelisa kwani  
Mwa munzi kwabuse bwa mbyumbyulu;  
Kuopela ko kucwalo haku si ka utwiwa kale  
fateni, ka lizebe za nama,  
Ku ka yo tabisa, Na bulela!  
Foo Mwana Mulimu, Ha kaba yena Ya etelela  
Mwa mukopano wa mwa mbyumbyulu. (Oh!)

Mu utwile za Mushe mwa mataka a nuka,  
Mu utwile za Davida yasina boi ni kafwililo ka  
hae;  
Mu utwile likande la kale la Josefa wa litolo,  
Ni la Daniele ni litau ye luopelanga hañata.  
Oh, kono kuna ni babañata, ñata babañwi mwa  
Bibele,  
Mi Ni tabela ku yo kopana ni bona kaufela, Na  
bulela! (Yeo ki niti!)  
Mi ha ki tabo ni yeo ha lu ta kopana ni bona  
Mwa mukopano wa mwa mbyumbyulu. (Lu  
libelezi lizazi leo!)

144 Ki bao ba handeleti ni fote-foo sauzande ba mina ba bataha, baba ka amuhela Evangeli kasumulaho ha se lu . . . habakoni Li amuhela ka nako yeswana Liseli liinzi ku Bamacaba. Majuda basweli ba Li latula ni ku Li pata. Cwale, mi Liseli . . . Bamacaba ba ngelwa mwa mbyumbyulu, kona kuli Moya wa taha fahalimwa ba babeli ili kuba bupaki ku bona, mi Majuda ba Li amuhela, ili ba ba handeleti ni fote-foo sauzande ba masika a latehile a Isilaele baba ka amuhela Evangeli; mi Munyaliwa wa ngelwa.

145 Cwale, kuna ni “balanjo babalishumi.” Ha lu talimeñi Mateu 21, kapili. Mwabona, lu sa na ni nako nyana fela. Oh, Na lata Bibele.

Ha Ni ka ya mwa Lihalimu,  
Ikaba musipili o munde hakalo;  
Ku yo utwa minembo ya Lipina za lihalimu,  
Mi minyako ya ka ya . . . ni sifateho sa Mupulusi  
waka Ni ka yo sibona;  
Inge ni inzi fa likamba la nuka,  
Mwatasa muluti wa Kota yetala;

Ni bata kupila mwa Lihalimu,  
Wena ha utabeli ku to nga sibaka sa hao nina?

146 Cwale, mwa—mwa Buka ya—ya Muhalalehi Mateu, Ni lumela kuli ki kauhanyo ya 25, Na lumela. Ni bulezi 21, Nji cwani? Ni iñози fa kuli 21, kono ha ki yona. Ki 25. Ne ni taha ka kuitahanela kakusasana cwana, Ne ni . . . katezi luli, mi na liyeha mi—mi Ne—Ne ni sweli kuakufa. Ne ni sweli kuñola Mañolo amañwi, mi se Ni ñola 21 kanti ki—ki 25.

*Mwa lizazi leo mubuso wa lihalimu u ka swana sina basizana ba ba lishumi, ba bangile malabi a bona, mi ba zwile ku yo katanyeza munyali.*

147 Cwale:

*Ba ketalizoho ku bona neli baba butali, ba ketalizoho neli likuba.*

*Ba likuba habanga malambi a bona, ne ba si ka ngela mafula:*

*Kono ba babutali ne bangile mafula mwa lipizana za bona.*

*Cwale kakuli munyali na liyehile (foo ki mwahala masika a likeleke zee), ba . . . ozela kaufela mi ba lobala.*

148 Kutaha ka kushetumuka cwalo, kaufela bona ba shwa, ba ozela mi ba lobala, mwabona, hane ba nze ba taha cwalo. Cwale, ha ba si ka lateha, kono ba “ozela ni kulobala.” Ba libelezi, mwabona. Ne ba si ka bulela kuli ne ba shwile, kono ba “ozela ni kulobala.” Mwabona?

*Mi fahala busihu kwa utwahala muhuwo, Amubone, munyali ki yo wataha; amuzwele kwande mu mu katanyeze.*

*Mi basizana bani kaufela ba zuha, ba tukisa malambi a bona.*

*Mi ba likuba bali—bali ku ba babutali, Amu lufe kwa oli ya mina; kakuli malambi a luna a tima.*

*Kono ba babutali ba alaba, bali, Ha ku konahali; ha na kulikana luna ni mina: mu ye ku ba ba alekisa, mu yo itekela. (Muni swalele.)*

*Ba li ba sa yo leka, munyali ki ha fita; mi ba ba ne baitukisize ba kena ni yena mwa mukiti wa linyalo: mi kwa kwalwa sikwalo.*

*Hakufela zeo basizana babañwi ba taha ni bona, bali, Mulena, Mulena, u lu kwalulele. (Cwale, mwabona, ne si baba sa lumeli, nebali batu babande.) . . . lu kwalulele.*

*Kono a alaba . . . Kono a alaba a li, Kaniti Ni li ku mina, Ha ni mi zibi.*

*Mu libelele he, kakuli ha muzibi lizazi nihaiba nako ya taha ka yona Mwana mutu.*

149 Cwale basizana ba “babutali” ba ketalizoho. Cwale, *oli* mwa Bibe le i yemela “Moya o Kenile.” Kaufela lwa ziba cwalo. Kona ha lu tozanga bakuli ka oli, mi oli i yemela Moya o Kenile. Kona kuli babutali nebana ni Oli mwa malambi a bona, ili ona Moya o Kenile, kona kuli ne ba i tukisize kukena mwa Mulalelo wa Linyalo. Mi nelua kuta mwa mulaho mwa—mwa—mwa Ezekile 9, ni zeñwi cwalo, ni kufumana taba mwateni, kono Ni na ni Mañolo mwendi a lishumi ka aketalizoho a ñozwi faa. Kona kuli oli iyeme- . . . Ni lumela kuli se lubile kale ni zona mwa sitopa sa luna biki yee, kuli *oli* cwale, i yemela “Moya o Kenile.” Kaufela luna lwa ziba cwalo.

150 Cwale amutalime, neba . . . bubeli bwa likwata zabona neli “balanjo.” Cwale ha lungeni se. Faa, ha lungeni litaba zepeli ze faa. Yo ki mwananjo mi *yo* hape ki mwananjo, *yo* ki mwananjo wa sikuba mi ni *yo* ki mwananjo ya butali, kono bubeli bwa bona neli balanjo.

151 Cwale haiba mu kanga libizo leo la kuli *mwananjo* ni ku lifetula, li talusa—li talusa “kukena, kutokwa masila, kukeniswa.” Linzwi la kuli *kukeniswa* lizwa kwa linzwi la kuli “kulahaleha,” ili kutalusa kuli, “kukena.” Sina linzwi la Siheberu . . . Cwale, leo ki linzwi la Sigerike, *kukeniswa* kutralusa “kukena.” Cwale, linzwi la Siheberu lona ki kubeiwa baba “kenile.” Mwabona? Mi la luna ki “kukena.” Cwale, banga manzwi amalalu, sina kuli linzwi kaufela lina ni taluso yeswana kono li bulelwa kwa kushutana, inge li—li linzwi la kuli “kukena, kenile, kukeniswa,” manzwi amalalu kaufela ki linzwi li liliñwi.

152 Inge hane lu ka bulela linzwi la kuli *nja*. Ni kona kubulela kuli, “nja,” seo ki Sikuwa. Ha Ni ka bulela *nja* mwa si German, Fred, ki “hund.” Kana ku cwalo? Muzwale Norman, ha Ni ka bulela *nja* mwa si Spanish, ki “ajo.” *Ajo*, *Hund*, mi *nja* ki *nja* fela ku luna, mwabona. Mwabona, ki—ki cona fela ona cwalo, ki mubulelelo.

153 Kacwalo, linzwi la Sigerike la *kukena* ki “kukeniswa,” linzwi la Siheberu ki “kukena.” Kukena, kukena, ni kukenizwa, kaufela ki linzwi le li swana. Kacwalo ye ne si ye masila, keleke ye masila; ne li ye sikuze, keleke ye kenile, “*balanjo* ba balishumi ba zwela kwande ku yo katanyeza Muyaliwa.” Li talusa sikamañi? *Likeleke* ze kaufela. Haki . . . cwale, ha ki *mo* mwahala Maroma; kono ki mwahala likopano, ki Manikolai. Baptist ikutaza kaza Kutaha kwa Bubeli kwa Krete; Methodist ikutaza ka za Kutaha kwa Bubeli kwa Krete; Presbyterian ikutaza Kutaha kwa Bubeli kwa Krete; Manazarene bakutaza Kutaha kwa Bubeli kwa Krete; Pilgrim Holiness ikutaza Kutaha kwa Bubeli kwa Krete. Ki niti yeo? “Kaufela bona ba zwela ku yo katanyeza Munyiwa.” Cwale mwa—mwa hupula kuli mutu kaufela nali

mwa musipili wa hae ku yo katanyeza mu—mu Munyaliwa. Cwale, haiba Mulimu fela u tokomela zeo, konakuli Una ni, ku banga ni bona.

<sup>154</sup> Kono muhupule ki nto yeswana, ka za nguli ya busihu bobuñwi, mi Mulimu ha na bulezi ku luna mwa lusika lwa keleke ni kubulela kuli “Balami, tuto ya Balami.” Cwale, fa ne ku yemi Balami, yeneli kopano yende, naha yetuna ye ongaongilwe. Mi nebali balumeli ku Mulimu, kakuli amutalime sa na ezize Balaki ha taha kwani. . . Balami, nitaluse. Na tisize sitabelo se si swana ku Mulimu yaswana yo Isilaele na nani, Mulimu wa Isilaele, Jehova. Mi a yaha tutala to tusebene. Sebene ki nombolo ya Mulimu ya kufehelela.

<sup>155</sup> “Mazazi a silezi A beleka, mi la bu sebene A pumula,” koo ki kufeheleza, mwabona, sebene. Mazazi a silezi U belekile ka ona mwa lifasi. Myaha ya makalelo ye likiti zepeli, la sinyiwa ka mezi; myaha ye likiti zepeli yetatama, Kreste ataha; mi ye ki myaha ye likiti zepeli yabulalu cwale. Kwa mafehelezo a myaha ye likiti zepeli kaufela, kuna ni se si ezahalanga, lifasi li nyanganyizwe hape. Mwa myaha ye likiti ze silezi, A yaha lifasi; myaha ye likiti ze silezi keleke i tundana ni lifasi; mi mwaha wo eza likiti ze supile ki puso ya Mileniamu. Mwa utwisisa cwale?

<sup>156</sup> Cwale, keleke ina ni Masika a Likeleke Zesupa, hape. Mulimu. . . Mi yeo ki nombolo ye kwanile ya lusika lwa keleke, ku felile, sebene. *Sebene* ki nombolo ya kutalelela kwa Mulimu. Masika a Likeleke Zesupa, myaha ye likiti zesupa ya pupo, lika kaufela li lumelelana mwa bu sebene.

<sup>157</sup> Cwale, nekuna ni balanjo bene ba i lo Mu katanyeza. Mi hali balanjo ba “likuba” balanjo, cwale, ne ba si na Oli mwa lambi ya bona, kono nebana ni lika kaufela: ne ba kenile, ne ba lumela ku Kreste; ne ba kutaza Linzwi le ne ba lumela, kopano ya bona ne i ba lumeleza ku kutaza, ne ba kutaza kuli, Kutaha kwa Bubeli, ki Sitabelo, ni Swalelo. Ba lumela. Haiba mukile mwa kopana ni muituti yomunde wa Baptist nako yeñwi, (huh) ki hande muzibe ze musweli kuambola, uh-huh, luli nakuli cwalo.

<sup>158</sup> Kono, mwa bona, “Ki fakaufi luli,” ku bulela Mateu 24, Mateu 24:24; muibale ona fa mu ka i bona. Jesu na bulezi kuli mwa lizazi la maungulo le mioya yemibeli ikaba hahulu fakaufi hamoho kufitela ipuma ni bona Baketwa haiba ku konahala. Ikaba hahulu fakaufi ika kasheza Mapentekota bani mwa tamahano kusina ya ka ziba. Luli! Cwale, Mateu 24:24, kana kuna ni ya i fumani? Ha ni si ka iñola fateni. Una ni yona foo, kezeli, kamba yomuñwi wa mina? Mateu 24. U i fumani, Ben? Ku lukile, i bale.

[Kezeli wa bala: *Kakuli ku ka taha* Bakreste ba *buhata*, bo—bo*Kreste ba buhata*,—Mu.] *Bokreste ba buhata!* [ni *bapolofita ba buhata*,] *Bapolofita ba buhata!* [mi ba *kaeza liponiso zetuna ni limakazo; mane ku pumwe ni*

*bona, ba baketilwe haiba ku konahala, ba ka puma ni bona ba baketilwe.]*

159 Ki fo he cwale. Cwale, ki sikamañi se si ka taha? Ku ka taha Bokreste ba buhata, batu ba buhata inge ba buhata kuli, “Ni wa Kreste.” Baplofita ba buhata, inge bali, “Ni wa se Ni wa *sani*.” Mi mane ba kapuma ni bona ba Baketilwe haiba ku konahala. Mi kuna ni fela nzila iliñwi yo kona kupilswa ka yona, foo ki haiba no ketilwe kusikaba kale mutomo wa lifasi; fo ki kuli, ki Baketwa, ka kuzibela cimo lika, libizo la hao ne li ñozwi mwa Buka kwa kale koo. “Liponiso zetuna!”

160 Cwale amutalime likeleke zepeli zee. Oh, kambe Ne ni ka . . . kambe ne kukaba mukwa o ne Ni ka eza sicaba ku Li bona. Sa tuka fela mwa moyo waka! Se . . . likeleke *ze* halina bumaswe mi likenile inge *ye* faa; kambe kaufela zona za balanjo, kaufela bona ki balanjo, *ba* kenile fela. Shutano fela neli—neli Oli mwa lambi, ili Moya o Kenile. Mi ni Moya o Kenile, haiba U mwateni, Uka tisa mufuta o swana luli wa mulilo o ne U ezize kwa Pentekota. Kono bona habana mulilo ni omukana, hakuna Oli mwa lambi ya bona. Bana ni lizo za keleke, keleke ki ya sizo fela ka—ka mo i kona kubela, mikiti yeminda (hakuna ze ni nyaza ka zona), likezo za litumelo zekona ku sabisa mazwalo a mina, ni lipina mane inge ki Mangeloi a opela. Mi bana . . . mu ka . . . ba supa munwana . . . fa bupilo bwa bona, hamukoni kueza cwalo. Kono niteni li sa fosahalile! Ha ki . . . ki—ki siemba sa Yona, kono ha ki *kaufela* Zona. Woo kona mufuta o ka mbwinja Kuungelwa kwa balumeli. Mwabona? Bona bana ni fela . . .

161 Cwale amutalime. Fa ne ku na ni Moabi yana taha. Ni ka linga fa kuli mukone ku li bona. Ki yo fa Moabi, kopano yetuna, Ni ka ñola fa kuli “*ya*” kopano; ye ki Isilaele, ni “batili” kopano. Ki yo fa Moabi, kubeya fa iliñwi, zepeli, zetaalu, zene, zeketalizoho, silezi, lialetale zesupa; Isilaele nana ni iliñwi, zepeli, zetalu, zene, zeketalizoho, zesilezi, lialetale zesupa. Ku lukile. Moabi atoma fa iliñwi, zepeli, zetalu, zene, zeketalizoho, zesilezi, lipoho zesupa; Isilaele, iliñwi, zepeli, zetalu, zene, zeketalizoho, zesilezi, lipoho zesupa. Ku lukile. Moabi ali, “Ku ka taha nako fo ku kaba muuna yabizwa (Kreste) ya ka taha mwa lifasi, kacwalo Ukaba Ngunyana wa Mulimu yetakula sibi sa lifasi, luka beya ya busebeni” (sikamañi?) “lingu fa aletare”; Isilaele ali, “Yeo luli ki niti, lingu ze sebene fa aletare.” Mwabona?

162 Cwale, kwa simuluho, Kaine ayaha aletare, afa sitabelo, alapela, aeza lika kaufela za na ezize Abele, kusina . . . (Oh, a I amuhela!) . . . kusina sinulo ya Mulimu, mi, Keleke kaufela iyahilwe fa sinulo. Jesu nabulezi cwalo, “Fa halimwa licwe leo Ni ka yaha fateni Keleke ya Ka.” Niti ye patuluzwi ya Bulimu bobutuna bwa Jesu Kreste, “Fa halimwa licwe leo Ni ka yaha fateni Keleke ya Ka.”

163 Cwale, haiba Mulimu fela u kuteka lizo za mina, likezo za mina za bulapeli, sina ba Methodist, ba Baptist, Mapentekota, ni babañwi cwalo, haiba U kulubela fela kuli mueze cwalo, kukutaza Kutaha kwa Bubeli ni lika zeñwi ze kaufela (kuli, zeo ki za Mañolo luli), sina Baptist, Presbyterian, ni zeñwi cwalo mo li ezeza, kona kuli Mulimu utamehile kunga bubeli bwa bona kakuli kona Za tokwa. Kono, mwa bona, kusina sinulo, *ba*o kona balanjo baba lobezi; *kiyo* fa mwalanjo ya butali. Ne bali kopano, naha yetuna.

164 Ne lu balile busihu bobuñwi, fo ne I bulela kuli, “Batu ba habana kuba kopano, bakaba bayambaeli mwa naha, ba pila mwa litende, bali babotana, baba ikokobelize.” Kono ali, “Musike mwa lika ku ba kuta, kakuli Ni na ni bona.” Cwale amutalime! Batu ba ba lumela mwa sizo se si swana se ba lumela ku sona, mi ba lapela Mulimu ya swana. Mwabona? Kono ne ba sina lisupo ni limakazo ze ba latelela! Isilaele na na ni Noha ya Sipi, ni Licwe le li natilwe, tabo ya Mulena, foliso ya Bumulimu, bapolofita, lika kufuya fafasi *faa*. Mi ne ba si ka, nebana ni sizo kusina—kusina mbuyoti, yona Oli.

165 Ki nto yeswana ni mwalanjo ya lobezi ni mwalanjo ya butali, nebali sicaba se si kenisizwe kaufela bona. Kono *yo* yena nana ni Oli. Mi *yo* yena na sina Oli, kacwalo ba li, “Lwa swana fela sina mina.” Seo ki . . . Hakuna yomunde mwahala luna, kuya ka mo liinezi lika zeo. “Kiñi, mu sikwata sa bapikuluhi ba bakeniel!” Kihande, zeo ki zende, uh-huh, zeo ki zende. Hakuna yomunde mwahala luna, kaufela lu ezize sibi mi lu felezwi ki kanya ya Mulimu. Kono nzila inosi fela yemukona kuziba Lika ka yona, ha ki ka kuikopanya kwa keleke, ha ki ka kuituta kupila hande, kono inge mu amuhela Krete. Ha ki se Ni pila; ki seo Nali sona. Ha ki se Ni li sona; ki seo Ali sona. Na ti lo ba na kuli Ni be, kuya ka sishemo sa Hae, nibe Yena, ili mwana Mulimu. Mwa bona nji?

166 Cwale, mwalanjo ya lobezi, ni mwalanjo ya butali una ni Oli mwa lambi ya hae. Cwale, hañi hañi fela, kwa utwahala muhuwo, “Amubone, Munyali ki yoo ufitile, amuzwele teñi mu Mu katanyeze!” Mi ki ha ba zuha. Kono ha ba zuha, *yo* akena mwahali kakuli nana ni Oli mwa lambi. Yani neli shutano.

167 *Yo* apalelwa ku kena, ko ne kusina Oli mwa lambi; ba yo lapela katata, kuli ba amuhele Moya o Kenile. Kono, hane ba sa ile, kwa felela ona foo. Likopano lili, “Kihande, mwendi lu fosize. Mwendi ki hande lu kute mwa mulaho, lu bate kolobezo ya Moya o Kenile.” Kona ze ba lika kuezwa cwale. Kana mulemuhile cwalo? Ba Presbyterian. . . Muswale tepu ya mina fa muzuzu nyana, Ha ni lati kupunda libizo le. [Hakuna manzwi fa tepu—Mu.] . . .? . . . Munyali a taha. Mi, kihande, kutaha kwa Hae ku sutelezi cwani cwale, ha ba ka lika cwale kuleka! Ku lukile, amutukise tepu ya mina, Gene. Cwale, mwa utwisisa? “Ha ne baile kwa kukela,” ba lika kuleka cwale, likeleke kaufela li lika kuba ni ancafazo, ancafazo; ki kulika kukuta mwa mulaho.



168 Cwale, nahaiba Dr. Billy Graham, myana ñozi za *Herald of Faith*, mu li boni, kuzwa kwa Chicago, mi abulela kuli “Ha lukoni kuhanela muzamao wa Mapentekota.” Mwabona? “Ha lukoni . . .-kuba hanyeza, kakuli nebana ni babañata baba fetuhezi kwa bupilo mwa nako yelikana silimo kufita likeleke zeñwi kaufela ze beilwe hamoho.”

169 Ona woo kona mulilo otuka osweli ku zukuza lika, kuhana, kucimbeka kanyandi ni kucimbula. Mi ha mu cimbeka kanyandi . . . Jesu naize, “Mubuso wa Mulimu u swana sina mutu yana cimbekile kanyandi mwa nuka, mi ha cimbula, a swala likulu, linoha, limbotwe, linoha, lika zeñwi kaufela, kono na sweli litapi nyana, hape.” Kona ze liezize liñusa la ba Pentekota, ki ku kasha lifasi; kucimbeka ni kuhoha, lu swala likulu, linkala, mauyi, limbuluwe, likokwani zamwa nuka, misiyoka, ni lika zeñwi kaufela mwahali mwani. Kono ki sikamañi, kuna ni litapi mwateni, hape. Zeo kona za Muña zona.

170 Ku lukile, ku mina babañwi ba milao mizwale baba lumela mwa tepu ye, ba balata ku li cisa: Ki lili fo neba bezi litapi? Ki lili kanyandi ha ka ba kwahela? Neli litapi kwa simuluho! Yeo ki niti. Na ketilwe cwalo kuzwa kwa simuluho ya lifasi! Ha ba si ka taha fela mwa tuso ya Muña yona.

171 Seo kona simbotwe sa mina. Hamunga simbotwe ni ku si nepela fa likamba, kipeto sili “whop, whop” si kutela hape mwa mezi.

172 Mi liuyi la kale lali kuina fani, lili, “Aha, ki sikwata sa bapikuluhi ba bakenile.” Ki lani la ya, “Ah—ah—ah—ah—ah. Oh, batili!” Ku kutela hape mwa sileze katata mwa konela. Yeo ki niti.

173 Noha ya kale ika lila nyana kuti, “Ni lumela kuli mazazi a limakazo a felile, Dokota wa *Kuli-ni-kuli* ni wa *Kuli-ni-kuli* ku na.” Ali, “Ah—ah—ah—ah—ah—ah—ah, haukoni ku ni puma!” Ki yani wa ya, ki yani fani hape, mwa bona.

174 Ki noha, ka kukala! Ki simbotwe, ka kukala! Paulusi na bulezi mwa Bibebe, mufuta wani, ki hali, “Ba zwile ku luna kakuli ne si ba luna ka kukala.” Mwabona? Uhm! Ku lukile, mwanjanjo wa sikuba.

175 Mwanjanjo ya butali ni Oli mwa lambi ya hae, na i tukisize.

176 Cwale, “ha na saile kwa kuleka Oli,” kona se ba lika kueza cwale. Likeleke zetuna za babuleli zee, ba balika kufumana lika zetuna zee, mwa ziba, ni kueza . . . mukutele kwa Bibebe, kwa mulaho, “lutokwa Mbuyoti ya Pentekota.” Kiñi, mwakona ku nahanisisa mufuta wa sebelezo ye ba kaba ni yona, mwabona. Habana kuya kwa kusinya mipende kwa lifateho sa bona, ni zeo kaufela. Oh, batili. Habana ku itoboha kwa tutengo twa bona ni lika ze cwalo. Ba sa swalelezi kwa lifasi sina Esau, mwa lizoho leliñwi, balika kuswala Mulimu ka leliñwi. Hamukoni kueza cwalo. Ha ukoni kuba Mukreste yana ni meto a mulenga, mwa

ziba, kutalimela ku Mulimu ni kwa lifasi hape. U lukela kuipeya fahala Kalvari, upile hande ni Lona.

177 Cwale, kono ki bao baile, mi balika kukuta mwa mulaho. Mi muhupule mo lu bezi fakaufi hahulu! Yona nako luli yene bailo leka, kona fa na tahezi Munyali.

178 Oh, Muzwale Stricker, lu fa kaufi cwale! Lu se lufitile kwa Hae cwale. Oh, leliñwi la linako za kakusasana zee:

Tolombita ya Mulena i ka lila, mi nako ikabe  
ifelile,  
Mi halipazula kakusasana wa Kuyakuile, o  
benya o munde;  
Baba pilisizwe ba Hae ba lifasi habata  
kopanela kwa Hae kwabuse bwa  
mbyumbyulu,  
(Ikaba nako yecwani yeo!)

179 Eehe, mwanjanjo ya lobezi. Uka . . . Mwanjanjo ya lobezi cwale, mu bata kuziba ze ka mu ezahalela. Kana ku cwalo? Nto iliñwi ye Ni bata kutoloka. Ki sikamañi se si ka ezahala kwa likeleke zee? Ki sikamañi se si ka ezahala kwa sicaba se si ba siemba sa Krete, ni se si si ka taha ku yena, kamba bene ba si ka ya musipili kaufela ni Krete?

180 Cwale mwa Maroma, Na lumela, 2:22, Bibebe ibulezi kuli, Paulusi naize, “Haiba Moya wa Mulimu hauyo ku mina, ha mu ba Mulimu.” Mu ba siemba sa kopano kono isi ku Mulimu. Haiba Moya wa Mulimu ha u yo ku mina, ha mu ba Mulimu. Mwabona. Una ni kuba ni Moya wa Mulimu kuli ube wa Mulimu. Kaniti!

181 Ku lukile, sha, “Nyandiso Yetuna.” Cwale, cwale haiba mina . . . Bakaba ni kukena mwa . . . Cwale, mwa hupula, Na ize . . . Cwale haluboneñi ninge ye siyezi ya yona, “Ne ba nepezwi mwa lififi la kwande, mi teñi kwaba kulila, kubokolola, ni ku kweca meeno.” Ku lukile, yeo kona Nyandiso Yetuna. Nji cwani? Nynadiso Yetuna! Cwale, kasumulaho wa Nyandiso, batu bani . . .

182 Cwale, halu boneñi ni ngunyute fateni hape faa, ki bo masiyaleti. Cwale hamutalime! *Kise* fa siemba sa libyana. Ku lukile, kalibe ki yena ya si beile fa *cwana*. Cwale uka ikeza kuba nto isili, mwa ziba, sapalo sa mufuta omuñwi. Cwale, ze kaufela ki—ki lika zende. Cwale, kalulo ya zona kaufela ki libyana ze swana. Ku cwalo nji?

183 Bubeli bwa bona neli balanjo. Mwabona? Ku lukile. Nebana ni tumelo ku Krete, mufuta wa bumulimu, ne baya kwa keleke, ba eza lika zende, lilato, hakuna zekona kunyaziwa kwa misebezi ya bona ni lika zeñwi. “Ni ziba misebezi ya hao,” Na bulezi cwalo mwa lusika lufi kaufela. “Ni ziba misebezi ya hao, kono niteñi u sa tokwile.” Mwabona?

184 Cwale, mi musali . . . u i kupulela mwa munahano nzila yana ni mukwa kulo faa, mi kipeto wa nahana mwa toho nzila ya ka bela ni mukwa woo, mo u ka pumelwa. Kana ku cwalo? Kihande, unga za nahana kuli kona ze swanela mi ki zende za—za mukwa wa mufuta wateni. Kana ku cwalo? Kakuli ki libyana zeswana kaufela, kakuli u ka li beya sina *cwana* kamba *cwalo*, wa li yala fafasi. Kipeto unga sikele sa hae ni ku lipumaka. Cwale, ze siyala li bizwa “masiyaleti.” Ku lukile. Cwale, mufuta wo ki sikamañi? No zibahalile cwani? Ka yena ya . . . sibaka sa na ketile musali kuli apume kwateni.

185 Mulimu, lifasi li si ka tomwa kale, Yana zibile mafelelezo kuzwa kwa makalelo ka kuzibela cimo, A *lukiseza* cimo fa kupumela. Na ziba shutano mwahala Esau ni Jakobo. Na ziba shutano mwahala muezalibi ni ya kenile. Na ziba shutano. U ziba mulelo wa pilu kaufela, kacwalo A lu keta kuzwelela kwa mutomo wa lifasi ni kuñola mabizo a luna mwa Buka ya Bupilo ya Ngunyana; mi hape Ngunyana yene tabilwe (mi añola mabizo a luna A *sika* bulaiwa kale), mi Bibebe ibulezi kuli Kreste nali Ngunyana ye tabilwe haisamba lifasi litomwa. Mi mabizo a luna na beilwe kale mwa Buka ha Na—ha Na ketilwe kwa mulaho kafoo kuli abe Ngunyana ye ka bulawa, ne lu ketilwe kuba bao Na ka bulaelwa. Mwabona nji?

186 Cwale, kaufela ki za mwalanjo. Cwale, *kiiyo* masiyaleti yomunyinyani, ya si ka nepelwa kwahule. Oh, batili. Wa li buluka, kono wa u libeya kusili, wakona ku itusisa lona kwa lika zisili. Mwabona? Kono halina ku i tuiswa *fani*, yeo ki Keleke ye pumilwe kwateni. Cwale, ba ka yo yema mwa katulo (kakuli bana ni kufita mwa Nyandiso ya balumeli), yoo ki yena masialeti yoo. Cwale mwa utwisisa?

187 *Kiye* Keleke ya zamaya, iya kwa Hae, iya kwa Hae. *Kiba* bo masiyaleti baba siyezi. Mi hape *kiba* ba handeleti ni fote-foo sauzande fa Lilundu la Sinai, ili Majuda. Ha ki banyaliwa ba balalu. Huh! Ki Munyaliwa; ili masiyaleti; ni ba handeleti ni fote-foo sauzande. Kiniti. Nekusina sa na sweli kuca kwanda Sico sa Moya o Kenile kwani, Na sepa, kona kuli na bulela niti, nekusina se si fosahalile ni Joani. Mwabona? Mi ki—ki bao foo.

188 Cwale, kwa mafelelezo a nako, ki ba bakai ba baziba kuli Bibebe ibulezi kuli “ba bakenile ba ka atula lifasi”? Paulusi na bulezi cwalo. Ha lu apuleni cwale mwa—mwa Buka ya Daniele ni kutalima fa Lubona Lolusweu. Lwakona ku linga mwa Sinulo kono Ni tabela kulinga mwa Daniele, ki nto yeswana. Daniele 7, mi luka swala fa—fa Lubona lwa Katulo Yesweu faa. Ha lu kaleleni fa timana ya 8 ya kauhanyo ya 7 ya Daniele:

Ha *Ni buha manaka ao, mi, nabona, kuli sibatana simela linaka leliñwi lelinyinyani, mwaha la amañwi mi kwa manaka apili amalalu a kulwa ki lona*: (Cwale, lu ziba kuli lu mwa Rome foo, cwale. Mwabona?) *mi*,

*nabona, linaka nyana leo nelina ni meto . . . aswana nge a mutu, (Cwale, muhupule, linaka le ne li si ka amuhela kuwani ya bulena, ne li nto ye butali. Manaka amañwi afetuha kuba libatana. Le neli na ni butali, ne li mutu, pope mwa sibaka sa buhedeni, mwa bona.) ni mulomo o bulela zetuna.*

189 Cwale amutalimele, timana ya 9:

*Na talima kufitela ha kubewa mabona, (Yeo kaufela ki mibusi ya Bamacaba kamukana. Ya bulela mupolofita yoo. Cwale muhupule, ifi ni ifi kaufela ya lika zani u bulezi kuli li ezahalile ku to fita ni ku yona taba yee, lwa ziba cwalo ka litaba za luna za kale zelusweli kuituta.) . . . kufitela . . . ha—ha ku bewa mabona, Yo muhulu wa mazazi aina, siapalo sa hae ne li sesisweu sina litwa, (Mwa ziba yoo nali yena mwa busihu bobuñwi mwa pono? Jesu.) ni milili ya kwa toho ya hae neli . . . yemisweu sina boya bwa ngu: lubona lwa hae ne lubonahala malimi a mulilo, mi mawili a lona na swana inge mulilo o tuka.*

*Mi nuka ya mulilo ne zwa ku yena: inze buba fapila hae babaewa bolule ba bolule kwa buñata neba mu sebeleza, (Yeo ki Keleke yetaha mwa mulaho ni Yena, mwabona.) mi mashumi a likitikiti ni mashumi a likitikiti ne bayemi fapila hae: (Yoo ki Munyaliwa ya taha, ni babañwi ba lifasi.) baba beilwe kumatula baina, mi lubuka za apulwa.*

*. . . mi katulo ya tomwa, ni libuka za apulwa.*

*Ne Ni nze ni talima kabala manzwi a buikanyiso ene libulela linaka: mi Ni sa talima cwalo mane sibatana ki ha si bulawa, mubili wa sona wa sinyiwa, mi wa nepelwa mwa mulilo kuli u ciswe.*

*Mi haili ka za bafu, baba na ni puso ya bona, za amuhiwa bulena— . . . (Ni taluse) . . . haili kwa libatana zeñwi (Ni taluse), za amuhiwa bulena bwa bona: kono za ekelezwa kwa bupulo kuisa kwa nako ye tomilwe.*

190 Cwale, katulo ya tomiwa mi Libuka za apulwa. Fani kona fa kutela Munyaliwa ni ku toma katulo, ki Keleke ye tomilwe yeo . . . Keleke ye ngilwe mwa lihalimu ye ka kuta kasamulaho wa myaha ye milalu yani ni lcika, mi kasamulaho wa nako . . . Mi hape mwa Sinulo ya li bonisa, ibulezi kuku—ku ba—ba “bafu ba basiyezi ne ba si ka pila ka myaha ye sikiti.” Mina, ki ba bakai baba balile zeo? Hañata, linako zeñata. “Ne ba si ka pila ka myaha ye sikiti.” Jesu ukuta hamoho ni Munyaliwa, ni Munyaliwa.

191 Cwale muhupule, sina ha Ni bulezi, lika kaufela liinzi mwa bulalu. Kutaha kwa Hae ku mwa bulalu: nako yapili, Na tezi ku to liulula Munyaliwa wa Hae; nako ya bubeli, U taha ku

to nga Munyaliwa wa Hae. Sina mwa taba ya lilato, utaha ku to mu uzwa busihu, ku muisa kusili kuzwa mwa lifasi, “u yo Mu katanyeza mwa mbyumbyulu.” Kutaha kwa Kunutu kwa Mulena, mwabona. Kutha kwa bubeli Ha taha, ki ku amuhela Munyaliwa wa Hae. Nako yapili, u to Mu liulula; nako ya bubeli, u to Mu amuhela; mi nako ya bulalu, utaha ni Yena hamoho, Mulena ni Mulena wa musali!

<sup>192</sup> Mi fa U taha kwa katulo yetahela lifasi kaufela. Paulusi naize, “Musike mwa isana kwa likuta haiba mwahala mina kuna ni yana ni taba ni yomuñwi? Kikuli hamukoni kuatula litaba zenyinyani zeo, kana ha muzibi kuli ba bakenile ba ka atula lifasi?” Ki yeo fo katulo yene filwe ku Kreste ni neku la Hae; ki bona baatuli mwa sibaka sa kuzekela, mi ki Yani uinzi fa Lubona. Ki yo fa Munyaliwa, muatuli.

<sup>193</sup> Mi fa kutaha kutaha baa. Libuka za apulwa, mi ni Buka yeñwi ili Buka ya Bupilo.

<sup>194</sup> Cwale, Buka yapili neli Buka ya muezalibi, yene yumbilwe. Ku lukile. U atuzwi ka kukala. Ki zeo li—ki zeo lipuli. Yona mane haiba kolo, mwabona, ki muezalibi ka kukala. Ku lukile, cwale, i nepezwi kwande.

<sup>195</sup> Mi kwa lingu, za yema kwa katulo. Nelina ni ku atuliwa, mi ba bakenile ba ba atula. Mulimu haana saluluti. Haiba bahedeni kwa naha yamwa buse bwani, mi lusweli kuyaha tushandi twa madollar aeza eiti ni teni milioni a gauda mo mwa America mwa sibaka sa kuisa Liñusa ku bona, Mulimu u ka yo lu fa mulatu, kono aba swalele. Luli! Mulimu haana saluluti.

<sup>196</sup> Mina—mina mo, haiba mwa li kuba mubone Se fateni, hamukoni—hamukoni kuba ni mulatu, kono muna ni mulatu cwale! Mwa bona? Kaufela mina muna ni mulatu. . . Mi lu na ni mulatu wa kuhasanya Liñusa, muna ni mulatu wa ku Li utwa kamba ku sa liutwa.

<sup>197</sup> Cwale, bahedeni ba ka taha, sicaba sani si kwande kwani inge si lapela mwa tushandi. Ha ba zibi zeñata. Hakuna se ba ziba ka Lona. Mulimu haana saluluti, Ha koni ku ba nyaza konji hane ba ka fiwa kolo. Mi ba ka tomelwa sibaka.

<sup>198</sup> Mi kacwalo mwa Keleke, lusika lwani kaufela mwahala lusika lwa keleke ye, kuzwa—kuzwa Efese kutaha cwalo *fa*, ki Liñusa, Liñusa la niti la Kreste sina mo Ne kuinezi kwa simuluho (kolobezo ya Moya o Kenile, ki mata, ki zuho, kubulela ka malimi, kutoloka kwa malimi, limpo za foliso, kolobezo ka Libizo la Mulena Jesu, lika zeo kaufela za Na lutile), mañi ni mañi yali ku Munyaliwa yani uka yema sina muatuli.

<sup>199</sup> Ki foo kutaha taba ya mutu: “No nani mukopano wa *Kuli-ni-kuli*, kana u mu bulelezi?”

<sup>200</sup> Cwale muatuli: “Eehe, Ni mu bulelezi.” Ki seo fo mwa Buka, hamuko ki li latula, mane niyona minahano ya luna i yendamezi

ku Seo. Mwabona? Hamuna ku ni latula. “Eeni, Na mu bulelela kuli una ni ku kolobezwa.”

“Mwa Jeffersonville, mwani mwa tabernakele, kwani?”

“Eeni, Sha, Na—Na . . . Mina . . .”

<sup>201</sup> “Eehe, ki se fa mwa Buka, u ba bulelezi kuli ba *lukela* kueza cwalo. Mane ba bata Mañolo ni kukfumana kuli Ki niti, kono ne ba si ka eza cwalo.”

<sup>202</sup> “Amuzwe ku Na, mina baezi ba ze maswe, Nali kuba ni mi zibe.” Mwabona?

<sup>203</sup> Kwani kona kwa Ka kauhanyeza lipuli kwa lingu, mwa bona, uka beya babañwi kwa lizoho la bulyo ni kwa nzohoto. Ki zeo zetisa likwata za mina zetalu hape.

<sup>204</sup> Kono, sitopa *se* hasina kuba ni sikwata *sani*, yani ki yena Munyaliwa. Mi, mu lemuhile, Munyaliwa uina ni Yena mwa Tempele. Babañwi ba ikataza mi batisa kanya ya bona mwa Mubuso, kono Munyaliwa una ni Munyali ka tundamo. Babañwi habana ku fiwa nako; sina ba fafasi *fa*, ba ka sebeza, habana ku lelekiwa, kakuli Na ba kauhanyize kuzwa mwa lingu ni lipuli. Kona a . . .

<sup>205</sup> Kono puli haina kutwisiso ya Zona, ne i sa tokomeli ka Zona. Ne ili puli, ni kuikutwa kulikana ka kuba puli, mi kacwalo ashwa fela ali puli ona cwalo mi ao neli mafelelezo a yona. Ani neli mafelelezo, mwabona.

<sup>206</sup> Kono haili ngu, haiba na ka . . . haiba Mulimu na ka lumeleza kuli Ni yeme kwani ni bahedeni baba si ka utwa kale fateni sika. Kona kuli haiba mukutaza Evangeli ye kwa sicaba . . .

<sup>207</sup> Mi nina ni kuyema. Kana ha muhupuli mwa toloko ya Na ni file isiñi kale hahulu, kuli Ni na ni kuyema ni sicaba sani mi—mi Ni yo ikalabela ka bona? Mi Na bona ma milioni ani inge ayemi fani, Na li, “Kana ba kaufela ki baha Branham?”

Ali, “Batili.” Ali, “Kaufela ki botisize kwa liseli.”

Mi se Nili, Na—Na li, “Ni bata kubona Jesu.”

Ki hali, “Nako haisika kwana kale. Ku kaba nako nyana A sika taha kale. Kono Uka taha ku wena pili mi uka atulwa ka Linzwi lo kutsalize, mi ba sepile ku sona Seo.”

Se nili, “Kana kaufela ba lukela kueza cwalo? Kana Paulusi ni yena uka yema kwateni?”

Ki hali, “Eeni, Paulusi uka yema ni yena, ni sikwata sa hae sa na kutsalize.”

Se nili, “Ni kutsalize Liñusa le liswana la na kutsalize.”

<sup>208</sup> Mi ma milioni bani ba nanula mazoho a bona ni kubulela kuli, “Lu yendamezi ona foo!” Ki fo he cwale, mwa bona, ona foo! Eeni. Bali, “Mi hamoho lu ka kutela mwa lifasi mwa mubili

okona ku ca, ni kunwa, ni kupila hamoho mwahala linako ze safeli kwani.” Koo ki kutaha kwa Mulena. Ku lukile.

209 Cwale, fa muzuzu fela. Cwale, kwani kwa . . . Luya fakaufi cwale, kakuli seli bukaufi ni . . . nako ya muzwale wa luna faa kwa sebelezo ya kolobezo kamba kaufela sa kona kuitusisa.

210 Ku lukile, cwale, mwahala lusika lwa keleke yee. Oh, ki se sika sesinde hahulu. Na lata se hahulu. Mwahala masika a likeleke zee, kuna ni mioya yemibeli yebeleka ka kuswana ku to fita ni *faa*; iliñwi ki kopano, yeñwi ki Moya o Kenile. Mi Jesu ali, “Ne ili fakaufi hahulu kuli mane ika puma ni bona ba Baketilwe haiba ku konahala.” Mioya yemibeli ye isweli kuswaya batu ba yona kwa katulo ye sa taha. Satani u sepisize kuli za hae . . . kuli ukaba ni zetuna kufita Kreste, mi u ezize cwalo. Cwale, mutokomele se hande, ka tokomelo luli cwale halunze lu sutelela ku se: kufita mo Ku—Ku kabela, kuswaya sicaba.

211 Babañata ba swana sina Eva. Eva na yemi fa nako yetelele kuli a pumiwe. Kambe na si ka yema, nekusike kwaba neba kupumiwa. Kono Eva ayema, mi ha na yemi, fani kona fa na pumezwi. Kufita kuli azwelepili ni . . . Kana mwa—kana mwa ni latelela—latelela hande cwale? Muteeleze! Libaka leo Eva ha na pumilwe . . . Ha lu buleleni hamoho, kuli Ni kolwe kuli mu utwile. [Muzwale Branham ni kopano ba bulela ka kulumelelana—Mu.]: “Libaka Eva ha na pumilwe, na si ka buluka Linzwi la Mulimu kaufela.” Satani a mu tolokela Lona, kono na si ka mu bulelela Niti *kaufela*. Mane ni yona kopano haikoni. Mwabona? Kono aina nako yetelele kuli ange siemba sa Linzwi, mi na si ka nga Linzwi *kaufela*.

212 Mi boo kona butata bwa kacenu, mwalanjo ya lobezi na inzi nako yetelele hahulu kuli ange siemba sa Linzwi kono isiñi Linzwi *kaufela*. Keleke ye pumilwe ina ni kuina nako yetelele hahulu kuli inge siemba sa Linzwi kono ha ki Linzwi *kaufela*, mi ne ba sepahala ni kuluka ka zona. Eva a pumiwa! Bibebe ibulezi kuli, “Na pumilwe.”

213 Adama na si ka pumiwa. Adama na ziba hande kuli ueza mafosisa; kono musala hae, ka kueza lika za na eza musali, a mu susueza ku—ku ca ze hanisizwe. Kiñi, nali muuna, mwabona, mi neli—neli ku yena kuli a . . . Mwa utwisisa, mwabona. Na ziba kuli wa fosa, kono Eva na hupula kuli wa lukisa.

214 Oh, kana hamuboni? Ki kabakaleo Paulusi hana bulezi kuli musali ha lukeli kukutaza Evangeli. Uh-hum. Na li—na li mwa . . . Musali ki yena ya na pumilwe. “Ha ni lumelezi musali kuli alute, kamba ku amuha kuhatelela mata, kono aine akuzize.” Mwabona? “Kakuli—kakuli Adama ki yena yana bupilwe pili, mi ni Eva. Mi Adama ha si ka pumiwa, kono musali ki yena yana pumilwe, musali aba mwa foso.” Ali, “Nihakuli cwalo, cwale, ha si ka lateha; u ka piliswa ka kupepa bana (haiba una ni muuna), ni zeñwi cwalo, wa zwelapili, tumelo ni

kuishuwa ni kukena kaufela ni ze cwalo, uka piliswa. Kono na si ka lumeleza nihaiba alimuñwi kuli alute kamba kuhatelela mata!” Mwabona? Paulusi naize, “Musike mwa eza cwalo!” Ali, “Cwale, Ni sepa kuli Ni na ni ngana ya Mulena,” a bulela.

215 Se bali, “Kiñi, ba . . . Kiñi, bapolofita kwani ne ba polofitile ni ku lubulelela kuli lu ‘swanela kukutaza.’”

216 Ki ali, “Sikamañi? Kikuli Linzwi la Mulimu lizwile ku mina, mi kana lizwile ku mina feela? Haiba mutu u ipona kuli ki wa moya kamba mupolofita, a lemuhe kuli ze Ni bulela ki Litaelo za Mulena.” Mwabona? Yeo ki niti. Na ziba za na bulela.

217 Kono ali, “Haiba u ba sitimbi, abe fela sitimbi. Ku felile. Hana—hana ku Li teeleza, kihande, azwelepili fela, u libile kwa mukoti. Mwabona, kono azwelepili fela.” Kono fani, mioya yemibeli yani.

218 Libaka. Sina mo ba bezi ni sicaba mwahala mapokola, fande mwa mikwakwa. Ao ki maswabisa kwa ndembela ya ma American, ka kubeya bahame kwande fa mikwakwa. Kanti baana baba likitikiti ze mashumi inge basina misebezi! Kiñi, ki naha ya musali, ki sibaka sa musali, musali ki yena ya ka hapa. Ki puso ya musali. Ki ona moya wa Katolika wa za bulapeli, ba lapela musali kuba kalimu. Ki se fa fela . . . Si inzi fela hande, kikuli ha muboni muinelo wa zona?

219 Hakuna sika sesinde seo Mulimu akona kufa muuna ku ze munati kufita musala hae, haiba ki musali mufumahali wa luli. Kono ha sa bile ni ze fitelela foo, kipeto—kipeto u zwile mwa nzila. Yeo luli ki niti. Mulimu na si ka lukisa kuli musali a beleke mwa libaka zee ni kueza lika ze cwalo. Basali baa, bana ni . . . bana ni kuuta bana. Kaufela bona ki bakutazi ba banyinyani, mañi ni mañi wa bona, kono bana ni mulisana wa mukutazi kwa malapa a bona banana bani, musebezi wa kuhulisa bana ba bona. Ku lukile.

220 Cwale, mioya yemibeli, mane ibonahala kuswana. Kuswana fela sina Eva, ona cwalo mane . . . Kiñi, Satani, na ize, “Mulimu u bulezi . . .”

“Uh-hum.”

“Mulimu ubulezi . . .”

“Uh-hum, yeo ki niti.”

“Mulimu u bulezi . . .”

“Uh-huh.”

221 “Mulimu na ize, kono, oh, kaniti Hana ku lu atula haiba lu kolobelizwe ka libizo la, ‘Ndate, Mwana, Moya o Kenile.’ Kana zeo ha ki zende fela?” Wena muipi tuwe ya otelezi! Eeni, sha. Mulimu ha si ka bulela *cwalo*!

222 Hakuna nto yecwalo, nihakuli cwalo. Li shwile! Hakuna nto yecwalo! Amu ni bulelela ko ku fumaneha libizo la “Ndate,



Mwana, ni Moya o Kenile.” Hakuna libizo le li cwalo, kona kuli li shwile! Li zwile kai? Mwa *Sardisi*, ki keleke ye “shwile.” Hakuna nto yecwalo! “Una ni libizo kuli wa ‘pila,’ mi uli u ‘keleke ya ya Bukreste,’ kono u shwile!” Yeo ki niti, hakuna nto ye cwalo ya kuli libizo la “Ndate, Mwana, Moya o Kenile.”

“Oh, kihande, zeo halikoni kuba fela zende?”

223 Mi halina kuba, Paulusi na bulezi kuli ha ku cwalo; ali, “Kana mu amuhezi Moya o Kenile haisamba mu lumela?”

“Ha lu zibi kuli kuna ni . . .”

224 Ali, “Cwale mu kolobelizwe cwani?” Ali, “Amutahe mu kolobezwe sinca hape ka Libizo la Jesu Kreste!” Ali, “Haiba lingeloi le li zwa kwa Lihalimu, li to luta sika kaufela, li be anatema!”

225 Yeo ki Niti! Na ni ikalabela fela ka ku Li bulela. Mwa utwisisa, ha ki mina mwa butuna, ki ona matepu e Ni sweli kuhlifa ka ona, mwabona, kakuli Ni ziba ko baya (kai ni kai), mi cwalo kona mo kuinezi. Ku lukile. Ha ki cwalo . . .

226 Eva na pumilwe, abona siemba sa Linzwi. Moabi na pumilwe. Mwalanjo ya lobezi na pumilwe. Keleke kona ye pumilwe. Likopano li pumilwe. Mwabona?

227 Mupile ni Linzwi! Yeo kona nzila inosi fela. Mupile hande ni Lona, musike mwa shenya kuzwa ku Lona. Mupile hane ni Lona, muzwelepili hande ku sa bulezi Mulimu kuli mueze. Hakuna taba ka seo mutu abulela, mu buluke milulwani ya Mulimu.

228 Cwale, mwalanjo ya lobezi, a zwa mwa sibaka sa hae, lwa ziba cwalo. Uka taha mwa katulo. Mi haiba akona ku utwa Niti, u atuzwi. Yeo ki niti. Hamuna kufumana Jesu fa sibaka sisili konji fo mu Mu siile.

229 Judasi na tahile . . . Muhupule! “‘Balanjo ba ba lobezi’ u li, ‘ne ba susumelizwe ki diabolosi?’” Kiniti! “‘Usa pila ka kukena?’” Eeni, sha. Judasi na ezize cwalo; na pilisizwe, na kenisizwe, na kutaza foliso ya Bumulimu, na leleka mioya. Kiñi, u yemi fela hande, kuswana fela ni lika ze ne bana ni kaufela bona. Kono ha li taha kwa Pentekota, fani kona fa na boniselize mibala ya hae. Na si a amuhela Moya o Kenile, mi asikulula masito a hae ni kulatula Mulena Jesu. Ona zeo kona ze ne liezize likeleke. Ha li fitile fa Mbuyoti ya Pentekota, ba zwa ku Yona. Oh, kana hamu boni nji, sitopa?

230 Oh, cwale busihu boo Licwe lelituna la kukwahela. Kono fa nako nyana fela, Ni sepa kuli lu sa na ni nako nyana ye siyezi faa, Ni tabela kufita fa nto yeñwi faa. Ni bata ku sh- . . . mina kwa—kwa nombolo ya sibatana. Nombolo ya sibatana, ha lungeni Sinulo 13, fa muzuzu fela. Sinulo 13:15, mi lu bale fela sa . . . ka eza. Sinulo 13:15:

*Sa fiwa mata a ku fa siswaniso sa sibatana moyo . . .*  
(cwale, seo ki kuli, “kwa likeleke za Baipanguli, likeleke za Baipanguli.”)

<sup>231</sup> Nana ni mata, kakuli ne ba ezize siswaniso: likeleke za Baipanguli. Mwahala ba—ba Katengo ka Likeleke, lieza sibaka sa kuli likwata kaufela za Baipanguli li ka tamahana. Ki ba bakai ba ba ziba kamba ba ba balile fateni kamba ku utwa kaza muyaho omutuna o Swalani oba nani wa likeleke za lifasi? Luli. Mwabona? Kwani kwa . . . kwani cwale, inge fela kwa linaha za ba U.N. Mi kaufela zona liteni mwani, yeñwi ni yeñwi ya zona, hamoho cwalo ni ba Assemblies of God. Ba mwateni ni bona! Ba mwateni ni bona, mwabona. Ki nja-uce-nja. “Sina kulube haikutela kwa sileze sa yona, ni nja kwa mataza a yona,” kukutela mwa lika zeswana hape (Kiniti!), mane kubata kulatula mayemo a bona a bulumiwa. Mi ki fo cwale, kubata kuba yomutuna, kubata kueza sina babañwi ba lifasi, sina Isilaele mo ne iezelize ha ba bona malena ni kubulela kuli “lu ezeze mulena.” Mwabona?

*Mi ki . . . ha ezeza sibatana siswaniso, mi ni siswaniso sa sibatana si lukela kubulela, ni kueza . . . bona babasike ba kubamela siswaniso sa sibatana . . .*

<sup>232</sup> *Siswaniso* sa sibatana, ki “kopano ya Baipanguli,” isi ya Katolika. Ye ki America Ya sweli kubulela fa cwale, mwa bona, kakuli kauhanyo ya 13 ye i ama ma American, sibatana se zwile mwa . . . Mwabona, libatana zeñwi kaufela ne li zwile mwa *mezi*, ili kotalusa kuli “buñata ni undi wa nyangela ya sicaba.” Kono sibatana fa, ne si bonahala inge ngunyana, sa zwelela mwa mubu ko ne kusina batu; ne si na ni manaka amabeli, mi sa bulela inge dragoni. Mi ba eza siswaniso sa sibatana sene si li mwa Europe, ni kuezeza se fa siswaniso sa sona. Neli kuko- . . . kukopanya likeleke hamoho ni kueza kopano ya Baipanguli ye, mi se ba hapeleza likeleke zeñwi kaufela, kuli ne ba sa leki kamba kulekisa sika kusina kuba ni siswaniso sa sibatana.

<sup>233</sup> Cwale ki sikamañi se si ezahala fa:

*Mi u eza kuli kaufela, batu . . . babatuna, bafumi . . . babotana, baba lukuluhile . . . baba tamilwe, kuamuhela nombolo kwa lizoho la silyo, kamba mwa lipata za bona:*

*Ni kuli hakuna mutu yakona kuleka kamba kulekisa, konji a . . . be ni nombolo, kamba libizo la sibatana, kamba liswayo la libizo la hae.*

*Butali ki boo. Ya nani kutwisiso abale nombolo ya sibatana: kakuli ki . . . nombolo ya mutu; mi nombolo ya hae ki Sikisi handeleti ni sikisite ni sikisi. (Zeo mane lwa ziba yo ali yena; ki mundandwe wa Roma: pope.)*

<sup>234</sup> Ni bile teñi kwani mi ni iponezi zona, ku yo ziba, kwani kwa sibaka sa hae (lubona lwa hae, ka mo lu bizezwa) inge mo ne batomezi Boniface pili, wabu III, kwani kwa simuluho mwa

lusika lwa Katolika loo *faa*. Mi fahalimu fani ki *Vicariivs Filii Dei*, ye talusa kuli “muyemeli mwa sibaka sa Mwana a Mulimu.” *Dei, Dei*, “Bumulimu,” mwabona. Mwabona, “Muyemeli wa Mwana a Mulimu.” Ka manzwi amañwi, “Inge fela Mwana a Mulimu yainzi mwa lifasi moo,” mwabona, “mata kaufela a ku cinca Bibebe,” kucinca sika kaufela sa bata. Kabakaleo, “Kubulela kuli ‘Lumela Maria!’” Kana pope u bulela sikamañi? “Lu kaba ni za ‘Lumela Maria!’” Ao kona mafelelezo. Uh-huh, uh-hum. “Kihande, luka eza sa *kuli-ni-kuli*.” Sa bulela pope, kona cwalo, kona cwalo. “Muyemeli mwa sibaka sa Mwana a Mulimu.”

235 Kwa mulaho nyana ne bana ni tuto ya tumelo yakuli “Maria na si ka pumbekwa,” (Kono bana ni libita la hae ni lika kaufela liteni fo ne ba mu pumbekezi.) bali, “Batili, na zuhile hape ni kuzuha kwa bafu.” Pope abulela kuli, “Kona cwalo!” mi kona ona cwalo. “Ki ze sa palelwi, mwabona,” pope abulela cwalo. Mwabona, “Muyemeli wa Mwana a Mulimu.”

236 Mi ali, “Cwale, mutu kaufela ya bata kuziba kuli sibatana ki mañi, ko ku zwelela mata aa,” Ku i zwe, “mubale linombolo foo mi yana ni butali . . .” Kwani, yeo ki iliñwi ya limpo za Moya o Kenile, ki butali. Mwabona? Yana ni butali abale linombolo za mutu, ku zona . . . abale linombolo za sibatana, kakuli ki linombolo za mutu, ni nombolo ya hae ki sikisi handeleti ni sikisite-sikisi. Cwale, munge ni . . . mi libizo leo li peletelwa kuli, V-i-c-o, ni—ni kuya fela ka manzwi, ni kulala muaini fa ni . . . kamba kukopanya kwa lipalo za Siroma, mi mu ka fumana fa kuli ki sikisi handeleti ni sikisite sikisi. Yeo ki niti.

237 “Mi cwale ha lu ezezeni sibatana siswaniso.” Mi ni mwa naha ye ba ezize siswaniso: tamahano ya likopano hamoho, Manikolai ba kopana hamoho ni kuikonga-konga ili bona. Mi mafelelezo li ka tamahanya sizwale see, isiñi kutaha sina Katolika, kono li ka tamahana inge sizwale ka kulika ku kasha Swalisano fande.

238 Mi Bibebe ibulezi kuli Mulimu u tisize Swalisano kuli ibe ndwa ya kukutiseza linaha ku ze li ezize kwa bana ba Mulimu. Yeo luli ki niti. U bulezzi kuli, “Mi ba—ba—ba fa mata a bona ni lika kaufela kwa sibatana ka hola iliñwi, ni ku lwanisa sicaba, ni . . . ka mali ene ba suluzi.” Mi cwale ndalamiti ya atomic yani kamba ki sikamañi kaufela ika nata fa Muleleñi wa Vatican wani, mi ni mundandwe wa Siroma hausana kubateni ni kamuta, Ku izwe, “Mi ku yena kwa fumanwa mali a babulaiwa kaufela baba bulailwe mwa lifasi.” Mi ki yani fani. Mi ki se fa siswaniso sa sona, tahamano ya likeleke.

239 Hakuna kunga nako yetelele kufitela lu kwala minyako yani, yeo ki niti, kamba neba ku amuhela nombolo ya kopano. Mi lu ka kwala minyako, yeo ki niti, luka . . . lwa ziba kufita zeo mane.

240 Cwale, cwale, Ni bata, kwa neku fela la kunyandiswa, lu si ka zwa kale mwa mizuzu yelikani yetatama. Cwale, *liswayo* la Mulimu ki “Moya o Kenile.” Kaufela mwa ziba, nji cwani? Ku

lukile, kaufela luna lwa ziba cwalo, kuli liswayo la Mulimu ki Moya o Kenile. Cwale zeo li fumanwa . . . Munge Sinulo 9—9:1 kuisa fa 4, mu ka fumana kuli kaufela nebana ni liswayo fa lipata za bona. Makorinte Bapili 1:22, Paulusi naize, “Ili ko A lu swaile ka Moya o Kenile wa Hae kufitela lizazi la . . .” Maefese 4:30, ili, “Musike mwa halifisa Moya o Kenile,” lani kona Lingeloi le li ilo swaya fa lipata za bona. Cwale, seo ha si talusi mina . . . Unga ni kubeya siemba fahalimu fani; pata ya hao ki sinulo ya hao, mwabona, mi lizoho la hao kona so eza ka sona. Mwabona, ki liswayo la moya. Mwabona? Ha ki kunga sikanto sesituna ni ku mi kantisa sona *cwalo*. Oh, batili.

<sup>241</sup> Inge kwanu myaha nyana yefelile ne ba bulezi, fani N.R.A. ha i taha, ne li *se, sani* kamba . . . Musike mwa libelela zeo, liteni kale. Biblele ibulezi kuli ne li kalezi ku ezahala kwa kale kwani, se li felile cwale. Mwabona? Yeo ki niti.

<sup>242</sup> Kono A swaya ka Liswayo. Mwabona? Cwale, kana nelili cwani—kana nelili cwani liswayo la pili, ne li bonahala cwani? Ne ba talizwe ka Moya o Kenile, yeo ki niti, mi misebezi ya bona neli misebezi ya Krete. Ba beya mazoho a bona fa bakuli mi ba foliswa, ba eza mifuta kaufela ya lisupo ni limakazo ni ze komokisa. Mi fa lipata za bona, ne ba swailwe ka sinulo kuli Na li Mwana a Mulimu, mi nebali—ne ba beleka ni Yena (za—za Bumulimu bwa Krete), leo kona liswayo.

<sup>243</sup> Mu li, “Kihande, cwale, Ki mutu wa bulalu, kamba mutu wa bube- . . .” Hamuna liswayo foo pili, kona kuli hamu—hamu Li tuhele fela kihona. Mwabona, mu se mu felile, mufelize pampili foo, konakuli kanti hakuna nto yecwalo mwa Biblele. “Lwa fuyola . . . Lu lumela mwa bulalu bo bukenile.” Fohe se muli . . . Ha mu si ka fita neba kwabuse bwa pampili cwale, cwale, kakuli hakuna nto yecwalo kuli *bulalu* bo bukenile ku ze bulezwi mwa Biblele. Mufumane linzwi la kuli *bulalu* bo bukenile mwa Biblele mi mutahe.

<sup>244</sup> [Hakuna manzwi fa tepu—Mu.] . . . ? . . . ku Mwana, ya bizwa bwana; cwale U ku mina, za kolobezo ya Moya o Kenile; ki Mulimu yaswana. Moya o Kenile neli Ndatahe Jesu Krete. “Fa nako nyana lifasi halina ku Ni bona,” Jesu abulela, “Ni zwile ku Mulimu, mi Ni kutela ku Mulimu (ili Moya o Kenile hape). Mi Ni kaba ni mina, mane mwahala mina, kuisa kwa mafelelezo (kwa maungulo). Ni mwahala musipili kaufela, Ni kaba hamoho ni mina ona cwalo kuisa kwa . . . Ni misebezi ye Ni eza mu ka i eza ni mina. Lika ze Ni bile ni eza nako ye kaufela, ikaba sisupo sa mulumeli nzila kaufela. Muye mu kutaze, mi mu ba kolobeze ka Libizo la Mulena Jesu, mi ba ka tazwa ka Moya wa Ka; mi haiba ba cwalo, lisupo ze li ka ba latelela ba balumela, kuisa kwa maungulo a lifasi. Ni inzi ni mina kamita, mane ni kwa mafelelez a lifasi.” Na amuhezwi mwa lihalimu kwa Kanya. Kona cwalo, mi lu Mu libelezi kutaha zazi leliñwi. Cwale, leo kona liswayo la Mulimu, lwa ziba cwalo.

245 Mi muhupule, kuna ni fela ba handeleti ni fote-foo sauzande ba Majuda ba ba swailwe, bene bali bo masiyaleti ba Majuda baba siyezi kwateni. Kono mwahali a zeo, ku Munyaliwa wa Bamacaba, ku Munyalwa wa Bamacaba, nekuna ni ba ba likiti ze likiti kiti, ku bene ba swailwe bani mwateni, kakuli bani kona babulaiwa bateni ni lika zetahile mwahala masika ani; ba ka zuha ka lizazi la katulo.

246 Mu nahana kuli ki sikamañi se sikona kuezahala mahutu ani a sipi ha ka hata fani ka zazi lani ni babulaiwa bani inge ba yemi fani fapila Maroma bani (mwendi ki Manikolai kwa mulaho kwani bene ba ba ciseza fa litoli ni kuba nepelwa kwa litau ona cwalo), mi ba yemi fani sina muatuli wa bona mwa ku- . . . mwa bokisi ya katulo? Mi Muatuli ali kuina fa sipula fani, “U kutalize Evangeli ku bona?”

“Ne ni swaile bupilo bwaka kafoo mwa milomo ya litau ka bona.”

247 Ooh, muzwale! Mubulele za kuli “amuzwe ku Na,” lihele ikaba lelinde ku bona! Yeo luli ki niti.

248 “Kumalela. Ni ziba baba ipila kuli . . . (Manikolai), mi ba ipiza kuli ‘batezi Moya’ kanti ha ba cwalo.” Kwani, mwabona, ki fo he cwale. Oh! Ki hola ye cwani yetaha, ki nako yesabisa cwani. Mulimu uka kutisa! “Ni ka kutisa,” kubulela Mulena, “Ni ka kutiseza!” Mi kezo ya bumaswe kaufela ika amuhela swanelo . . . Kaufela so kile wa eza kamba kunahana mwa bupilo bwa hao li ka yo ku zekisa kwani, fa matapa amatuna ani ni muhupulo wa bumaswe kaufela okile wa fita mwa munahano wa hao. Amubake, bana!

249 Kuna ni fela nzila iliñwi ya kuzwa ku zona, taha ku Kreste, mi ha muya kwa maneku a Hae a ketalizoho a litombo ani, litombo zende ze ketalizoho mwa mubili wa Hae, ha mubona mali a lota ani ni kuipata ku ona, muli, “Licwe la Myaha myaha, Ha ni yo munde. Aku ni pate, Licwe la Myaha myaha.” Ni utwa Moya o Kenile omunde, ki kushwa fela ni kukena mwa mubili wa Kreste; kuzuha, kuzuhela kwa lika zenca, ki lifasi le linca le li kupotolohile. Libi zo kile wa eza nako yeñwi li kwa mulaho wa hao. Oh, hakuna za kwa pili, hakuna za kacenu, lifu, hakuna hape ze ka ku kauhanya ku Sona. U swailwe kuisa lizazi la kuliululwa kwa hao, ka Moya o Kenile. Una ni sinulo ya Yo ali Yena. U ziba mwa pilu ya hao kuli u zwile kwa lifu ukeni mwa Bupilo.

250 Tokomela misebezi ya hao ka mazoho a hao cwale, mwa bona. Ha u sa uzwa, ha u sa eza bumaswe. Mazoho a hao a kenile kwa mali kaufela. Mi u yemi, ukutaza Evangeli, ubulele ze lukile, mi upika ze lukile, mi u eza ze lukile, mi Moya o Kenile u ku wena unzo bonisa lisupo ni ze komokisa zazi ni zazi; Mulimu inza ku konisa ku ziba, “U mwana ke ya fuyozwi mi Ni inzi ni wena, Ni— Ni na ni wena. Hakuna taba kamba u inzi kai, Ni na ni wena. Ni

ka ya ni wena mwa liholo zensu ni libaka kaufela.” Oh, haki—ha ki Ankoru ni yeo!

Ni beile moyo waka mwa sibaka sa Pumulo,  
Ha ni sa sila mawate hape;  
Oh, mañungwa akona kukasha, mwa buliba bo  
butuna,  
Kono ku Jesu Ni iketile kamita.

<sup>251</sup> Neba lifu ha litaha inge li opela leliñwi la mazazi aa, ni kufufa inge muka yefufa-fufa kwa toho cwalo, ukona kubulela kuli, “O wena lifu, bukai buhazo bwa hao?”

<sup>252</sup> Sina Sarah yomunyinyani ha na ñozi kakusasana omuñwi, musizana waka yomunyinyani yainzi kwa mulaho kwani. Na sweli kuñola litaba zeñwi, yena ni musizana yomunyinyani yomuñwi mwana Muzwale Collins, Na lumela, ku zene Ni ka bulela. Kacwalo Ne ni sweli kubala mutende, bomahe ni Na, mi añola kuli, “Buka ya licinceho.” Amen. Ki hali . . . Mi mwa ziba likande nyana lene Ni bulezi kwa mafelelezo ka *lifu*, mwa ziba. Mu li utwile, *halisana buhazo*. Ne muliteni zeo ha li ambolwa? Mwabona, lifu nako yeñwi ne li banga ni buhazo, kono cwale. . .

<sup>253</sup> Satani na sa zibi hande haiba Muuna yani neli yena luli Mwana a Mulimu kamba nee. Ne muka mubona inza yemi fani. . . Satani ataha ku Yena ali, “Kihande, haiba U kona kueza limakazo, haiba U mutu yaeza limakazo, kipeto ki Wena Mwana a Mulimu luli. Ni ka Ku bulelela, ku ñozwi mwa Bibehe, mwabona, kuli. . . Mi—mi haiba—haiba ki Wena, ni bata ni Ku bone ha ueza makazo. Cwale, U lapile, ha U si ka ca ka mazazi a mashumi amane, kiñi ha U sa ikungeli licwe leo ni ku lifetula buhobe u ce? Ni bata ni Ku bone ha ueza cwalo mi Ni ka Ku lumela kuli U Mwana a Mulimu.”

<sup>254</sup> Ali, “Mutu hana kupila ka buhobe feela, kono ka Linzwi kaufela.” Oh, mawi! A ziba kuli na si ka kopana ni Mushe fani, nji cwani? Mushe na wiselize milao fafasi ni ku ipwaca kono a ziba kuli na katani yomutuna kufita Mushe.

<sup>255</sup> Mi a Mu pahamisa fahalimu, mi ki hali, “Wabona mibuso ya lifasi kaufela? Ki yani United States, ki yani Great Britain, ki yani kaufela yona yetaha mwahala lilimo ya kwapili.” Ali, “Kaufela yona ki ya ka, Wa ziba cwalo.” (Ki yena ya li busa.) Ali, “Ki yaka mi Ni eza ku zona, Ni ikenya mwa ndwa, Ni eza sika kaufela ze Ni bata ku yona. Ki yaka.” Ali, “Ni ka ifa ku Wena haiba Uka ni kubamela fela.”

<sup>256</sup> Ali, “Zwa ku Na, Satani.” Na ziba kuli U kaba ni yona mwa puso ya hae, kwa mafelelezo, kacwalo A bulela kuli, “Zwa ku Na, Satani.”

<sup>257</sup> Kwa mafelelezo ba Mu swala kwa mulaho kwani zazi leliñwi, mi ba—ba nga lisila ni ku Mu tama lona kwa sifateho sina *cwana*, Na hupula lisila la kale le litezi masila, ni ku . . . litama kwa toho ya Hae. Mi baina fani, inza lota mali ni kuholofaza. Kakusasana,

moya o bata inge ufuka. Ne se ba Mu shapile kale, mali inge a buba fa maheta a Hae, ba Mu apesa sika ona *cwalo*; mi mali ani abuba mwa mukokoto wa Hae, ali kuina fani, ni kuwani ya miutwa ya comekiwa kwa sifateho sa Hae ona cwalo. Mi mali, ni mati a masole, atezi kwa sifateho sa Hae kaufela, ali kuina fani. Ne si mubonahalelo omaswe wani nji? (O Mulimu!)

<sup>258</sup> Mu li, “Kihande, kambe ne Ni kaba kwani, Ne ni ka eza sika ka sona.” Kihande, kiñi ha u sa ezi sesiñwi ka Sona cwale? Kakuli haiba ukona . . . No ka eza nto yeswana yo sweli kueza ni cwale.

<sup>259</sup> Ki Yani nali fani, ali kuina fani, ba mu seha ni ku mu kwelaka mati. Balutiwa ki bani inge ba yemi kwa mulaho, bali, “Oh, mawi, ne Ku kaba cwalo? Muuna yani, Kimañi ya na ka biza mutu kuzwa mwa libita, ni ku Mu talimela.” Kono ba palelwa kuziba Mañolo. Cwalo kona mo liinezi, mwabona.

<sup>260</sup> Mi kacwalo, mali ni mati nali kwa sifateho sa Hae. Ba Mu tama lisila kwa meto, mi bali, “Wa ziba, ba ni bulelela kuli ‘Nana ni temuho ya moya, mwa ziba. Ki mupolofita, Na kona kubulelela sicaba. A bulelela musali fa siliba za libi za hae. Mi A bulelela Simoni kuli libizo la ndatahe neli Jonasi, ni zani kaufela.’ Halu boneñi haiba Wa kona, Sa kona kueza cwale.”

<sup>261</sup> Se bali, “Lu ka Mufa tatubo nyana.” Yani neli diabulosi yana beleka mwa batu bani. Ba Mu tama lisila kwa meto sina *cwalo*, ba nga kota ni ku Mu nata fa toho ka yona, bali, “Haiba U mupolofita, lu bulelela ya Ku natile.” Na si ka atamisa mulomo wa Hae, Na inzi fela ona cwalo.

<sup>262</sup> Satani ali, “U ziba kuli zeo halikoni kuezahala . . . zео—zeo halikoni kuba Mulimu.”

<sup>263</sup> Yeo ki nto yeswana ye bulelwa ki kopano ya kale kacenu, “Sikwata sa bapikuluhi ba bakenile sani, zeo halikoni kuba Mulimu.” Kono ha ba zibi. Ha ba zibi. “Zeo halikoni kuba Mulimu ya li eza, yeo ki ngana ya mwa booko fela. Ki ba—ki banuhi.” Ne ba si ka Li utwisisa fela, ku felile.

<sup>264</sup> Kacwalo bakalisa—bakalisa kupahama lilundu, ba Mu apesa lisila lani. Liapalo fela linosi Za kile aba ni zona, Na sepa, ha Na li mutu, Maria ni Mareta ne ba Mu lukezi lisila nyana; lisila le litelele, le lisina mungundo. Ha li beya mwa mukokoto wa Hae. Mi nekuna ni mindolindoli nyana fa lisila la Hae ha Na ya apahama lilundu cwalo; inza hoholola, inza sundulula sifapahano sa kale sani. Mi mubili wa Hae o likani, u nzo zamaya ona cwalo; ni bona inge ba Mu shapaka, ni lika zeñwi kaufela, ba Mu kashaka inza ya ona cwalo. Sifapahano sa kale sani, “bumpity-bump,” mi maheta a Hae inza kubuha, mi Na tantalika, mi Na itiisa kuzamaya ona cwalo.

<sup>265</sup> Mi mindolindoli yenyinyani yani yaba ka butuna ni butuna, kufitela mane kasamulaho wa nako nyana yaba lilotelu li liliñwi le lituna. Si Satani sa taha, mwa ziba, mwa mufuta wa “muka,” *lifu* lani, mwa ziba, mi ali, “Ah, ah, ah! Cwalo? Mulimu hakoni

kueza cwalo.” Ali, “Yoo ki mutu fela, Na apezi fela.” U sa nahana ona cwalo nitefi. “U apezi fela sapalo, kona kuli Ni ka Mu luma fela. Haiba Na li Mulimu Hana kushwa. Kacwalo Nika—Nika Mu luma fela ni kubona, fela cwalo. Nika—Nika Mu fa tatubo.”

<sup>266</sup> Kacwalo ha yo Mu beya fa sifapahano, a cimbeka mulomo wa buhazo wani ku Yena; kono ha yo eza, a latehisa buhazo bwa hae. Yani ne si nto isili kwanda kuba mutu, a luma Mulimu nako yani!

<sup>267</sup> Mi leo kona libaka ha na bulezi kuli, “O wena lifu, . . .” fani Paulusi. . . Mwa—mwa ziba, muka, i sa luma fela hañwi, ha i sa kona kuluma hape. Muka kipeto ifelezi ona foo. Yakona kufufa ni kutaza lilata, kono ha—ha—ha ikoni kuluma, haina mulomo wa kulumisa. Konakuli lifu halisana mulomo wa ku lumisa nihanyinyani. Paulusi, ha ne ba yaha sibaka sa kupumela toho ya hae ku sona, lifu ne li luma- . . . ne li fufa kwa toho ya hae, a bulela kuli, “O wena lifu, bukai buhazo bwa hao?”

<sup>268</sup> Libita la li, “Ni ka ku swala, Paulusi. Ni ka ku hatikela.” (Ne ni fitile kwateni ko ne ba mu pumezi toho kwa nuka yani.) Libita lali, “Ni—Ni—Ni ka ku pazaula mwa mubili, Ni ka ku bolisa.”

<sup>269</sup> Mi ki hali, “Oh—oh, O wena libita, ikai tulo ya hao?” Mwabona? “Kono tumbo ibe ku Mulimu ya lufa tulo ka Mulena Jesu Kreste!” Lifu la latehelwa ki buhazo bwa lona ku yena. Ali, “Ni lwanile ndwa yende, Ni felile takano yaka, Ni bulukile Tumelo. Mi kuzwa cwale kuya kwapili ni bulukezwi kuwani ya bulena ya kuluka yeo Mulena yeli Muatuli ya lukile uka nifa ka lizazi lani. Mi isi na fela, kono ni baba lata ku bonahala kwa Hae kaufela.” Amen! “Amuleme cwale haiba mwa lata.” Huh! Oh, seo—seo ki sona. Kona ona cwalo, muzwale. Woo—woo ki wona Moya wa Bukreste bwa niti.

<sup>270</sup> Cwale—cwale, haiba mu na ni kolo, mu amuhela cwani nombolo ya sibatana? Ni tabela fela kubulela cwana kakuli Ni hupuzi kuli Ni ka kwala ka se. Mu amuhela cwale nombolo ya sibatana? Kikuli mu tabela kuziba? Linepo ki ze cwani? Nombolo ya sibatana ki sikamañi?

<sup>271</sup> Lwa ziba seo liswayo la Mulimu lili sona. Liswayo la Mulimu ki sikamañi? Kihande, ha lu apuleni fela mwa Maefese 4:30, mi cwale—cwale mu ka li utwa, mi muika ipalela zona foo. Kamba—kamba babañwi ba mina mu apule Sinulo—Sinulo 9:1 kuisa fa 4. Mi yeñwi, Makorinte Babubeli 1:22. Kuna ni libaka zeñata. Ni ñozi litaba zeñata nyana foo. Kono ha lungeni Maefese 4:30, mi kipeto mu ka bona seo liswayo la Mulimu lili sona; mi zeñwi ze, kamba kai kaufela. Munge fela linzwi leo *liswayo* mwa buka ya litaluso za manzwi, mi mu libalisise mwa libaka kaufela ko mubata. Ku lukile, Maefese 4:30, amuteeleze ku see:

*Mi musike mwa halifisa Moya o kenile wa Mulimu, o mu beilwe liswayo ka ona kuisa lizazi la kuliululwa kwa mina.*



272 Liswayo la Mulimu ki nto mañi? Moya o Kenile. Luli. Ku lukile, cwale, “Ya sina Moya wa Mulimu ha ki wa siemba sa Ka.” Haiba una ni Moya o Kenile, u siemba sa Mulimu kakuli u wa siemba sa Hae. U—U ku swaile mi U ku wena, u beleka ku wena, mi lisupo Za eza uka li eza ni wena. Cwale, kana mutu kaufela wa utwisisa cwalo, mina sitopa? Si lwala Moya o Kenile kuba wa Mulimu; Moya o Kenile. Mi haiba u wa Moya o Kenile, uka eza misebezi yana ezize Jesu. Mwabona? Lilato la hao . . .

273 Hane ba Ku kwelaka mati ni ku Ku nataka cwalo, nekusina mubili wa bumaswe. A talima fafasi ku bona, Mi ali, “Ndate, ba swalele kakuli ha ba zibi se ba si eza.” Mwabona, ne ba sa zibi.

274 Mwakona ku nahana zeo? Bana ba Hae tota neba lilela Mali a Hae! Mubupi wa lihalimu ni lifasi inza nyendaela fa sifapahano sa Na ikezelize Yena muñi, sa na melisize mwa mubu yena luli. Ni bana ba Hae Luli! (Mu nahane ka bana ba mina, bashemi, bana ba hao sakata.) Ba Mu lilela, “Azwe fa mu Muise kafoo! Lu fe Barabasi, sisinyi sa nako yani.”

275 Oh, Kina yanali Barabasi yani, Kina ya na lukela kushwa mi Anga sibaka sa ka. Mwa na ikutwezi ndatetuna Barabasi kakusasana nduna wa masole baba mwanda yani ha tamulula maenge kwani, ni ku kwalula sikwalo. Mi ndatetuna Barabasi ali, “Oh, mawi! Fa nako nyana fela Ni ka be ni shwile. Ni si bulai, Ni—Ni sisinyi. Ba ka ni bulaya kacenu, Na ziba ba ka ni bulaya. Ki lizazi la paseka, konakuli Ni—Ni ka ba luli . . . Ni ziba kuli Ni ka shwa kacenu.” A ikalelwa, busihu kaufela, inza zamaya kafa ni kafa inge muezalibi kaufela. Taba yapili mwa ziba, ataha mulibeleli. Ki hali, “Oh, oh, ki yo fa. Ni lukela kuya, Ni lukela kuya.” Mi sinotolo sa kena ni kukiulula.

Mulibeleli ayema a kuzize, “Zwa fande, Barabasi!”

“Uh-huh, eeni. Eeni, Na ziba Na ya, Na ya.”

“Kutokwa, zwelapili u eze zo bata kueza.”

“Sikamañi?”

“Zamaya ko bata kuya. Zwela fande, u lukuluhile.”

276 “Ni lukuluhile? Kiñi, u ni tomezi kulibelela lifu.” Yeo ki niti, Mulimu utomelanga baezalibi kaufela lifu. “U ni tomezi lifu, cwale Ni lukuluha cwani?”

277 “Taha kwanu, Barabasi. Talima, uya inza pahama lilundu ki yaale, teezeza sifapahano se si nataka fafasi seo. Utwa limapo ha li punya mwa mazoho a Hae ani. Aku Mu talime ha lila fani, mioko ya lizwai ni mali akopani kwa sifateho sa Hae. U ngile sibaka sa hao, Barabasi, U ku shwezi.”

“U talusa kuli U shwa kuli Ni lukuluhe?”

“Eeni.”

278 “Kihande, ku lukile, Ni ka kala kubulaya hape kanti.” Oh, ki ku sa itumela ko kucwani; u swanela ku shwa.

Hani—ha Ni bona Sifapahano,  
Fo kune ku shwezi Mulena wa Kanya,  
Libubo la ka kaufela ki mbango.

Oh, mawi! Ki kabakaleo muloki naize:

Kupila, A ni lata; kushwa, A ni pilisa;  
Kupumbekwa, A lwala libi zaka;  
Kuzuha, A ni beya ya lukile kuyakuile:  
Zazi leliñwi Uka taha, oh, ki lizazi la tabo!

<sup>279</sup> Kikuli Ni kona ku Mu hana cwani ha Ni bona za Ni ezelize? Foo Ni ka mu latula cwani? Ni ka itakaleza kuluza mulikani kaufela ye Ni nani mwa lifasi. Mane, ha Ni. . . Ni ka itukisa ku lelekwa ki kopano ni ku lelekelwa kwande, haiba ki lika lifi kaufela. Ha Ni talima mwabuse, ha Ni atulelwa lifu, mi Yena anga sibaka sa ka! Luli, Mulena. Lika kaufela, Ni talima lika kaufela kuba mbango fela. Oh, ni konise kuswala Sifapahano, O Mulena.

Mwahala macwe asweli kupazauha ni lihalimu  
le li lififi  
Mupulusi wa ka a inamisa toho ya Hae mi  
ashwa,  
Lisila la kukwalula la bonisa nzila  
Yeliba Lihalimu kwa tabo ya lizazi le lisa feli.

<sup>280</sup> Oh, ni konise—ni konise kuina fa kaufi ni Wena, Jesu. Usike wa ni zwisa kwa bunde bwa Hao, ka kubona litombo za Hao liketalizoho ze lota mali. O Mulena wa Lihalimu, mwa Na shwezi, ku shwela na! Ashwa kuli Na ni kone. . .

<sup>281</sup> Ya nyazizwe. . . mwa mawenge a sibi, mwa ndu ya tolongo ya lihele, ya nyazizwe, kamilatu, ya na lukela ku yo bulawa kuyakuile, mi Yomuñwi ungile sibaka sa ka. Mi cwale ba. . . Ne ni kekela kwanu inge Ni sa li k-. . . ; ne nili mwa myaha ye eitini, mashumi amabeli cwalo a kupepwa, zazi leliñwi Moya o Kenile. . . Se nili, “Kihande, ki Na mañi? Ki kai ko Ni zwelezi? Ki kai ko Ni ya?”

<sup>282</sup> Ki hali, “U ngile sibaka sa hao, no libile kulo *kwani*. U ngile sibaka sa hao, ki Yoo foo.”

<sup>283</sup> Se nili, “O Ngunyana ya Mulimu! O Ngunyana ya Mulimu, Na taha! Na taha! Hakuna se Ni tisa mwa mazoho aka, Hanina sa kufa ku Wena, Mulena, kono ka bunolo fela Ni kumalela kwa sifapahano sa Hao; kona fela ze Ni nani.” Mi A ni kenya mwahali. A ni apesa inge ndate ku mwana wa litashwa, a ni kwahela lisila le linca, sapalo isi sa ka, sapalo sa Hae sa kuluka kwa Hae A ni apesa sona; ni lisale sa linyalo kwa munwana waka, kuli Ni yoba ni Munyaliwa za leo. Cwale namani yekima se i bulailwe, mi lwa nyakalala kakuli Ne ni shwile nako yeñwi kono cwale Na pila, Ne ni latehile mi cwale Ni fumanwi.

Muhau o komokisa! ki muhuwo kwa munati,  
O pilisize ya maswe ka na! (Ya maswe kufita ni  
Barabasi.)

Ne ni latehile, kono cwale Ni fumanwi,  
Ne nili sibofu, kono cwale Na bona.

Ne li muhau o lutile pilu yaka kusaba,  
Ki muhau o felisize sabo yaka;  
Muhau wani u tahile ka bunde  
Nako ye Ni lumela sapili!

Ha luse luli kwani myaha ye likiti-kiti  
zemashumi,  
Kubenya inge lizazi; (Haisana kuba sina  
linaleli, ki Lizazi.)  
Haluna kuba ni mazazi nyana fela a kuopela  
tumbo ya Hae  
Kufita ha lukala sapili. (Lu mwa Kuyakuile foo  
cwale.)

<sup>284</sup> Oh, mo Ni latela Jesu, kakuli U ni latile pili. Oh, ha ki bunde ni boo!

Amu apule nina cwale mwa Exoda, shangwe muapule, kauhanyo ya 21.

<sup>285</sup> Tiisezo ya “Moya” wa Hae, cwale lu ka bulela cwale mwa ku amuhelela. . . Ni mi bonisize, ni ku mi bulelela linepo, “ki Yani *fani*.”

<sup>286</sup> Cwale, mu amuhela cwani nombolo ya “sibatana”? Mi Ni ka mi bonisa sinyeho ya mina seo ili sona *foo*. Cwale, nombolo ya sibatana, Exoda kauhanyo ya 21. Ku ikalela mwa Testamente ya Kale kuli mukone kubona ni faa. Hape mwa Testamente ye Nca Nina ni Mañolo amañata abeilwe fa eluziba kaufela. Cwale ha lu baleni:

*Cwale ki ze likatulo zo ka ba tomela.*

*Ha u leka mutanga wa Muheberu, (Cwale, muhupule cwale, ki Muheberu, yoo ki mulumeli, mwabona). . . mutanga wa Muheberu, myaha ye silezi ukana a sebeza: mi ka mwaha wa bu sebene uka lukululwa kusina sika.*

*Haiba na tile anosi, u ka ya ali anosi: haiba na nyezi, konakuli mufumahali wa hae una ni kuya ni yena.*

*Haiba mulena hae . . . u mu file musali, . . . mi ki ya sa mu pepezi bana ba bashimani ni basizana; mufumahali ni bana ba hae bakaba ba mulena hae, mi uka lukuluha . . . ali anosi.*

<sup>287</sup> Ha nina ku. . . Ni—Ni—Ni—Ni ziba kuli nako yaka ifelile. U ni swalele, Muzwale Neville, kono Ni—Ni na ni kunokela mwateni se, muzwale.

288 Amutalime faa. Ha ki seo bali sona bomaho, se bali sona bondataho, ki wena! Isiñi musala hao, mwabona; musala hae na sa baliwi, bana ba hae ne ba sa baliwi. Ki yena! Hakuna taba . . . Bomaho mwendi nebali muhalalehi, bondataho mwendi nebali muhalalehi; ki mwa na bezi ni ndatahe Esau ni mahe, kono nali mulisana fela wa lingu. Mwabona? Kono, kiha . . . kono ki taba yelibile *wena* u nosi.

289 Uli, “Bondate ki bo mukutazi.” Seo hasina sa kueza ni wena. “Boma ki basali ba bumulimu. Oh, ba mwa Lihalimu.” Yeo ikona kuba niti, kono kucwani he ku wena? Ki wena!

*Mi haiba mutanga . . .*

290 Cwale, fa ki fona . . . Cwale amutalime nombolo ya sibatana ye cwale. Cwale, Hani—Hani na nako ya ku kutela mwa mulao, kakuli kusiyezi mizuzu ye mashumi amabeli cwale. Kono Ni bata ku mi bulelela.

291 Cwale, kwataha nako yene bizwa kasamulaho wa mwaha wa busebene ufi kaufela. Yani neli myaha ye silezi. Ka mwaha wa bu sebene (baituti ba Bibeke, babuleli, ni lika ze liteni mo, mu ziba kuli yeo ki niti.) kona mo ne u bizezwa . . . mwaha wa busebene no bizwa mwaha wa jubile; lika kaufela ne li pumula. Hakuna limela ze calwa ka mwaha wa busebene, naha ne ipumula, lika kaufela. Ne ba bubulanga fela, mwabona. Lika kaufela ne li pumula ka mwaha wa bu sebene. Mi ka mwaha wa bu sebene ne kubanga mu—mu muprisita yana lizanga tolombita. Mi haiba mutu na li mutanga, Hanina taba kamba likoloti za hae ne li zecwani, na lu kuluha.

292 Cwale, wani kona mufuta wa Tolombita ya Evangeli. Mwendi ubile usebeleza diabulosi myaha ye kaufela, mwa litamo, ka kunwa, kuzuba, kulaula, ni sibi, lika za masila, hakuna taba ka so ezize, kono ha u utwa Tolombita ya Evangeli ilila, ki sisupo sa kuli wakona ku lukuluha. Wa kona ku ya! “Tumelo itaha ka, [Kopano ili, “Kuutwa.”—Mu.] kuutwa sikamañi, Linzwi la Mulimu.” Cwale u utwile Evangeli yetezi, ha u lukeli kuina utamilwe ni hanyinyani.

293 Cwale, haiba u ka ina fela ni kubulela kuli, “Oh, Ni teelelize ku Lona, kono ha Ni si ka Li utwa.” Mwabona? Ku lukile, kona kuli Ha ki la hao. Huh-uh. Ki la ba ba Li u twa. Ku lukile, haiba wa kona ku utwa.

294 Cwale amutalime sa Na bulezi faa. Cwale ka kupaka taba ye, cwale mutalime ka tokomelo hande mi mu buluke minahano ya mina cwale ka mizuzu yemibeli kamba yemilalu yetatama.

*Mi haiba mutanga* (Yani ki muuna yana lukela ku—ku lukuluha.) *uka bulela patalaza kuli, Na lata mulena ka, . . .*

295 “Oh, Na lata kuyanga kwa kubina. Hani koni kutuhela kubina kwaka bakeñisa mutu. Hanina kutuhela *se, sani*, kamba

*sesiñwi*, bakeñisa mutu; musala ka, bana baka, lika za lifasi le ze Ni lata. Cwale, talima kwanu, Muzwale Branham, Ni ka ku bulelela, kikuli u talusa kuli Ni na ni ku. . . ?” Haulukeli kutuhela sika. Aku tahe fela mwahali, lika tuhela zona liñi. Kono—kono muli, “Kihande, Ha ni koni kueza cwalo. Ha ni lukeli kueza cwalo, Ni wa siemba sa keleke mi Ni swana fela ni wena kamba mutu usili fela.” Ku lukile, muzwale. Zeo li lukile, u utwe lika za Niti. “Kihande, cwale, amuteeleze kwanu, haki ‘Ndate, Mwana, Moya o Kenile’ . . . ?” Kihande, haiba u bata kuinelela kwa nzila yeo, zwelapili fela.

<sup>296</sup> Mu utwile se i bulezi Tolombita ha ilila, mi mu utwile mulilelo o I file. Mi Bibelee iize. . . (O Mulimu!) Talima seo! Kana seo si ka ni fa toho ya taba mwa hola yetatama? “Haiba tolombita ilila mulumo o sa ketehani.” Haiba kopano ya hao ibulela kuli “Ndate, Mwana, ni Moya o Kenile,” seo ha si utwahali sina Tolombita. “Haiba tolombita ilila mulumo o sa ketehani, ki mañi ya ka itukiseza ndwa?”

. . . *mutanga uka bulela a lukuluhile kuli, Na lata mulena ka, . . .*

<sup>297</sup> “Na—Na lata diabulosi ya—ya ni ezisanga lika zeo, zeo li lukile. Mi ha Ni sepi. . . Ha ni sepi kuli una ni booko bo bunyinyani mwani—mwani. Ni nahana fela kuli u sitani fela.” Ku lukile. “Na lata lika zeo. Ni—Ni sepa kuli lu lukela kubanga ni lika zetuna zee sina *cwana*, ni kueza *se*, lifasi. . . Mi luna ni kubina, lube ni lipapali za bunco mwa keleke ya luna, ni lika ze cwalo, mi kaufela lu be ni nako yende, mi ba swana fela sina ufi kaufela wa sikwata sani se munani sona kwani.” Kihona, zeo li lukile. Ku lukile.

. . . *mi ha Ni na ku lukuluha ka Moya o sweli kubulela:*

*Kipeto mulena hae (ili diabulosi) uka mutisa kwa baatuli; mi hape u ka mu tisa fa sikwalo, . . .*

<sup>298</sup> Hmm! Sikamañi? Sikwalo ki Mañi? [Kopano ili, “Jesu Kreste.”—Mu.] “Ni beile fapila hao Sikwalo.” Ki lili fo ne kutahezi nombolo ya sibatana yani? Ki mwa lusika loo mo ku tomilwe Sikwalo. Yona nom- . . . kuswaiwa kwa mafelelezo kwa sibatana.

. . . *ku mu tisa kwa sikwalo, kamba kwa . . . musumo;*  
*(yeo ki—ki Kalvari, ku lukile) . . . mi mulena hae uka mu*  
*punya kwa zebe . . . uka punya zebe ya hae ka sipunyiso;*  
*mi uka mu sebeleza kuyakuile.*

<sup>299</sup> “U talusa sikamañi, Muzwale Branham?” Ha u utwa Niti ya Evangeli mi uhana ku zamaya ku Yona, kipeto Mulimu uka swaya zebe ya hao kuli usike wa I utwa ni kamuta. U silile mululwani o mwahala Bupilo ni lifu. Kipeto uka zwelapili ni puteho ya hao, kopano, kupila kwa hao kauf- . . . kwa mazazi, kuyakuile. (Muzamayee mwa Liseli, bana, Yeo ki niti.) Uka sebeleza mulena hao yoo kuyakuile.

300 Ha libe. . . Ha u tabeli ku. . . Mwabona, Tolombita ha i lila kipeto wa kona kuya a lukuluhile, ki muhau wa Mulimu. Ki mwaha wa tukuluho ya jubile, kufelegeza. Lizazi la sibi li felile, muzwale. Ni bulelela mañi ni mañi wa mina kaufela ya sa sebeleza sibi (tepu, kamba sicaba se si bonahala), uka. . . mutu kaufela ya sebeleza sibi, lizazi la sibi li felile! Jesu u shwile, ha u lukeli ku sebeleza sibi ni kamuta. Ha u lukeli ku kubamela kwa lituto za litumelo ni likopano. “Ya lukuluzwi ki Mwana u lukuluhile ka kutala.” Haiba ubata ku lukuluha mi u lukuluhe ku Mwana, pumeha kwa lika kaufela mi u Mu sebeleze, kifo cwale!

301 Kono haiba ha u lati, kipeto kopano ya hao, mulena hao, yo kaufela u sebeleza, uka ku beya liswayo kwa zebe mi hausana ku Li utwa ni kamuta. Haiba Mulimu u bulela kwa pilu ya hao kuli “Taha, ye kona nako,” mi wena wa I hana, kipeto u amuhezi nombolo ya hae, u tatafezi kwa Niti. Yeo ki yona swayo ya diabulosi, ili nombolo ya sibatana. Mwa bona? Nombolo ya sibatana i eza sikamañi? U ye akubeye mwa Buroma, mwa likopano, mi hauna kukena mwahali u lukuluhile; u kana u sebeleza zeo kamita. Yeo kona nombolo ya sibatana.

302 Seo sitata, balikani, seo si buhali, kono ki sona se si. . . Ha nina mulatu wa seo. . . kona fela se ibulela Bibehe.

303 Cwale, wani neli mufuta mwa Testamente ya Kale wo no talusa ku utwa kwa Evangeli ya makande amande kuli “U lukuluhile!” Ha u lukeli kutamiwa fafasi ni kamuta, u lukuluhile luli ku Kreste Jesu. Hakusana libi ni lika zeñwi. Ha u lukeli. . .

304 Wena ya lata lifasi, Bibehe ibulezi kuli, “Haiba u lata lifasi kamba lika za lifasi, lilato la Mulimu haliyo mane ni kuwena.” Yeo ki niti? Haiba u lata lifasi kamba lika za lifasi, lilato la Mulimu haliyo mane ni kuwena. Cwale ku cwani he ka lika zetuna zesweli kuezahala mwa lifasi kacenu mwatasi a libizo la bulapeli? Lika za lifasi! Mi batu basweli fela ku li mizaka inge kulube mwa mulaka wa likulube, mwabona, “Oh, se ki sesinde. Hakuna se sili ku *Zona!*” Mwabona, ba swailwe mi ba beilwe nombolo. Mwabona?

305 Cwale mwa utwisisa kuli bo masiyaleti ba Majuda ki bomañi, bona ba handeleti ni fote-foo sauzande? Ko ba inzi, balibelezi? Fa hola yateni. Kana mwabona cwale kuli mwalanjo ya sikuba ya sa amuheli. . . ya sa amuheli Oli, mi u ka yema ni ku ikaba, zende ni ze fosahalile ka lizazi la katulo? Kana mwa utwisisa kuli fani—fani mwalajo wa sikuba ha kala kuamuhela, inge fela ona cwana, kuli na tokwa Se, na Li latelezi; neli ona muzuzu oswana wa ti lo taha Munyali ka ona?

306 Kona kuli lu fa kaufi cwani? Ona cwale! Luna ni fela nako ye kuswani, Hani zibi kuli ikona kuba butelele bo bucwani. Ha ni koni kubulela kuli ki lili, Hani—Hani zibi. Ikona kuba mwaha usili, ikona kuba myaha yeñwi ye lishumi hape, myaha ye mashumi amane, ikona kuba mizuzu ye mashumi amane. Hani—

Hani zibi, Ha ni koni kubulela. Kono Ni ziba kuli seli fakaufi, seli fakaufi luli. Mi Moya wa Mulena . . .

307 Cwale, ku ka taha nako foo, taba yapili mwa ziba, keleke ika kala fela kubatelwa. Cwale, ki batu ba bakai baba—baba lemuhiye kubatelwa kwa keleke mwa lilimo nyana zefitile? Luli. I kena mwa sikamañi? Laodesia. Kikai, lu ka inopa busihu boo ni kutisa lingeloi la keleke ya Laodesia mwatani, ku litisa mwatani kuli mu li bone, ni kubona Liñusa la hae ni se Li kaba sona, ni kwa mafelelezo a Lusika lwa Keleke ya Laodesia ha lu ka swalana ni kuhasanela mwa Kuyakuile ka nako yeo.

308 Oh, Na Mu lata fela. Mina boo? Eeni, sha. Oh, ki . . . Ki sikamañi seo—ki sikamañi Liswayo la Mulimu? Moya o Kenile. Nombolo ya sibatana ki sikamañi? Ki ku Li hana. Zeo kona zepeli. Sesiñwi ki kubona, mi . . .

309 Kihande, bana ni . . . Mi ki ba bakai bene bali mwa lifasi bene ba si ka Li utwa? “Kaufela bene ba si ka swaiwa ba amuhela nombolo ya sibatana.” Kaufela, bene ba si na Moya wa Mulimu, ne ba bile ni nombolo ya sibatana. Liswayo la Mulimu ki Moya o Kenile. Bibebe ibulezi ona cwalo. Sibaka kaufela mwa Mañolo sa bulela ka Yona, si bulela kuli Ki nombolo ya Mulimu, “liswayo la Mulimu.” Mi kaufela bene ba sina Lona, ki bona bene ba Li hanile. Mi kana ne ba Li hanile cwani? Ka ukhana ku Li utwa. Kana ku cwalo?

310 Cwale muhupule, mu amuhela cwani tumelo? “Kuutwa.” Ne i swailwe kai? Kwa lizoho? Batili. Mwa toho? Batili. Mwa zebe, mwabona. Kwa zebe, “kuutwa.” Ne i ezize sikamañi? Ki kutibiwa kwa makenelo a kuutwa. “Nikuli hakusana,” mu li, “hakusana Zeo ku na. Hakuna se ni bata kueza ka Zona. Hakuna se ni bata kueza ka Lona.” Kuswana fela inge babañwi . . .

311 Muzwale Neville, Ni—Ni—Nika—Nika tuhela seo siye kufitela . . .

312 Ne ni ka mibulelela ka za kuli “ha ku konahali kuli bona baba boniselizwe liseli pili,” mwa bona, “kuli bane ni—ni kutaha mwa Mubuso,” mwa bona. Kuswana sina balumeli ba sihalihali:

*Amutalime, ha ku konahali kuli bona baba boniselizwe liseli pili, . . . baba ezizwe bo muca sanda sa Moya o Kenile,*

*. . . baba lazizwe kwa mata a lifasi—lifasi le litaha,*

*Bao ha baka wa, kuli ba ncaafazwe hape kwa kubaka; kakuli ba ikokotelela sinca Mwana Mulimu . . . ni ku mu shwaulisa ku ba bañata.*

*ni . . . kubona mali a bulikani, a ba kenisize, kotalima kuli ki nto ye masila, . . .*

313 Mwabona, kuli ya Ketilwe aeze cwalo, yeo luli, mane ha i konahali. Hakoni kueza cwalo, mwabona. Kakuli ki sikamañi sa ka eza? Mwabona? “Kono utalima Mali a Bulikani kuba . . .”

Cwale, mwa bona, haiba u ketilwe mi u mwa sikwata, hakoni kuezwa cwalo. Ha ku konahali kuli aeze cwalo.

314 Cwale, lu ngile, za kupunya kuisa:

. . . *kakuli* pula . . . *itaha mwa* lifasi, ku to melisa . . .

. . . mikona *ni* liseto ze . . . *li bukaufi* ku haniwa; ze *mafelelezo a zona ki ku ciswa*. (Buloto buna ni kuisiwa kwa Hae mwa Sishete.)

315 Kono haili pula ye fa bupilo yee isuluhela ku zepeli cwalo bucwani ni buloto. Bubeli bwa zona za nyakalala ni kuikutwa nto yeswana ka zona ha . . . li bona pula za taba. Kono ka miselo ya zona mu ka ba ziba, kamba lina ni miselo ya zona ya bucwani kamba miselo ya buloto (cwale, ya buloto).

316 Cwale, ki se sesina ni ku kondisa lika. Cwale ka kubonisa fo kuna ni mululwani wa se, kokuna ni . . . Ni lika kutisa *mwalanjo* yo ku mina, mwa bona, konakuli muka—muka utwisisa. Cwale ku mulumeli wa sihalihali, mutalime se ne si ezahala ha ba fita fa Kadesh-barnea, bana ba Isilaele. Kona ni sa zo fita fela ku zona kwa mulaho ni kwa pata mwa Genese, ni kwa mulaho ni kwa pata mwa Exoda, ni lika zeñwi kaufela, kulika ku mi swaniseza zona, mwa bona, kuli sitopa si sike sa li latehisa.

317 Cwale, sicaba se mwahali—mwahali mo . . . mwa mututo wa exoda, haba taha fa Kadesh-barnea. Kadesh-barnea neli sipula sa katulo ya lifasi, ka nako yani. Kwani kona ko ne i amuhezi sipula katulo Isilaele. Kuli ne ba sa zo . . . Ne li fela mazazi a ilebene kuzwa kwa lilundu ko ne ba amuhezi litaelo kufitela ba yo lenga mwa katulo, “musipili wa mazazi a ilebene kuzamaya ka likamba,” Bibeke kona mo ibulelela. Musipili wa mazazi a ilebene, mi ba taha kwa Kadesh mi teñi kwani ba atulwa. Kasamulaho Mulimu amano ba lukulula, ka nako yelikana mazazi amane, ba kutela kwanu mwa lihalaupa mwani ni ku yambaela mwateni; mi ba amuhela—amuhela milao ni lika ze cwalo, ni ku yo kuta, ni neli cwani, sene si ezahalile. Mi se ba taha kwanu . . . Mi mazazi a ilebene kuzwa fani, ba fita fa katulo ya bona fa Kadesh-barnea.

318 Ki sikamañi sene si ezahalile? A nga alimuñwi kuzwa mwa lusika ni lusika, “Amuye mu twele naha, mi mubone kuli ki naha ye cwani.” Kihande, kaufela bona ba ya ku yo talima.

319 Bababeli ba bona ba yo kayula sisansa sesituna sa magilepu. Oh, sishañata sesituna, ne si lukela ku kulekiwa ki baana bababeli.

320 Cwale, ki sikamañi se ne ba ezize ha ba yo kuta kwa kubona naha mo ne i inezi? Ba bona ba—ba—ba Amori ni ma—ni ma—ba bashutana mwateni, mi se bali, “Kiñi, ki mangangalume!” (Bani neli, kakuli, bana ba bashimani ba Kaine bene ba ilo yaha mwani mwa—mwa naha yani.) Ki hali, “Ki ma—ki ma—ki ma ngangalume!” Mi ali, “Luna—luna—luna ha lu koni ku—



ku i hapa. Naha ya bona—bona—bona—bona i potolohilwe ki makwakwa, ni mamota amatuna. Mi, kiñi, lu bonahala sina limbimba, kwa matuko a bona.”

321 Ne ba ezize sikamañi? Kiñi, neba—neba ilo iponela naha. Ba tatuba muselo wa yona. Mwabona, Kaleb ni Joshua akena mwateni ni ku yi taha ni—ni bupaki a yo taha ni bona, inza lwezi fa liheta la hae. Ba tamuna muselo! Yeo ki niti. Neba si ka pila kwani fateni, kono Kaleb ni Joshua ba silela teni, ba yo taha ni bupaki. Kaleb ni Joshua bali, “Lwa kona ku ihapa!” Mwabona? Kiñi? Kakuli Kaleb ni Joshua ne ba talimela fa Linzwi.

322 Mulimu ali, “Naha ki ya mina. Itezi fela ma Amori kaufela yona ni Mahivi ni mifuta kaufela ya ma-lite ku yona, kono” ali “ki ya mina. Mi sibaka kaufela ko ku ka hata lingandi za mautu a mina, Ni ka mi fa sona.” Yeo ki niti. “Muzwelepili fela kuzamaya, mwabona, ki sa mina.”

323 Kono se bali, “Oh, batili! Ha lukoni kuba ni ancafazo ye cwalo. Oh! Oh, oh, kiñi, mwa ziba kana? Bishopu yomutuna, kamba bishopu, kamba batoneli, kamba mutu yomuñwi atahe ku to lu lelekela kwande.” Huh! Zwelapili, yeo ki niti, lu kaba ni zona.

324 Cwale, mi cwale bababeli ba ba yo kuta mi kwani se bali, “Lu na ni mata mi mane lwakona kuihapa, kakuli Mulimu ubulezile cwalo! Ha luyeni lu yo ihapa!”

325 Kono, mwabona, balumeli ba sihalihali baa, ba tile musipili omutelele o kaufela kuto—kuto I tatuba. “I utwahala hande, eeni. Kono, oh, halukoni ku eza cwalo.”

326 Cwale, ki sikamañi seo? Ki yo fa mulumeli kacenu. Cwale, amutalimele mutangana yo *fa*. Mulimu na mu file pizo. Uh-huh. Ku lukile, cwale wa piliswa. Bomahe ba eza musebezi wa kutapiseza, mi ba mu luma kuya kwa koleji ku yo ituta mwa ku kutaleza. Kihande, u zwela kwande, u sa nahana kuli una . . . nako kaufela u bona basali baba sa ipuluki ka mitinelo, baba eza . . . sa mu utwisa bumaswe; nako kaufela ha—ha utwa munko wa kwai, hakoni nihaiba kuziba iliñwi. U ziba kuli zeo li maswe. Ha tabeli kueza cwalo. Kacwalo a li, “Mulena, ni kenise, zwisa lika zeo ku na.”

327 Mulimu ali, “Ku lukile, Ni ka ku ezeza zeo, mwana ke, zwisa zeo ku wena.”

328 Busihu bobuñwi wa tantalika kukena mwa mukopano kokuñwi, mi u utwa ka za kolobezo ya Moya o Kenile. Ali, “Bulela!”

329 U hatile fa muhatelo wa pili, kubeiwa ya lukile; afita ma mayemo a bubeli, kukeniswa; cwale u itukiselize Kolobezo. Mwabona: iliñwi, zepeli, zetalu. U itukiselize Kolobezo. Ha sa fitile foo, u bala ka tokomelo mwa Bibebe, mi uli, “Kona ona cwalo luli mo ne ba ezeza. Eehe, ki cona luli. Kolobezo yani neli

ka Libizo la Jesu, ki sona sene ba eza. Yeo ki niti. U bulezi kuli 'ubale zeo hande,' Ni li balile mwa Bibebe kaufela mi ubulela niti luli ka Sona."

"Bishopu, ki sikamañi. . ."

"Hakuna za bukuba bo bucwalo!"

"Oh, Na bona."

330 "Ba amuhela Moya o Kenile, neba bulela ka malimi, ne ba eza lika ze, ne ba folisa bakuli. Oh, eehe, yeo ki niti." Na sweli kutalimela kwahule, mwa bona, na sweli kutalimela mwa naha ya mwabuse.

331 "Oh, kambe ne Ni ka luta Seo mwa keleke yaka. . . Oh! Ni wa Presbyterian, Methodist, Bapt-. . . mwa ziba. Oh, bishopu na ka ni leleka. Kihande, fela halukoni kueza cwalo. Halukoni kuba ni mukopano o cwalo mwa keleke yahesu, mutu kaufela na ka yema ni kuzwela fande."

332 "Ya kile a bonisezwa liseli pili, mi u tatubile kwa Limpo za lihalimu, ha ka wa kwa muzamao wa zwile kuona wani, kuli akutele kwa ku ncaafazwa hape kwa kubaka kakuli u foselize Mulimu. . ." Kana si—kana si sibi ki sikamañi? Kusa lumela! U foselize Mulimu. Mi ki sikamañi sa ezize? U balile Bulikani, kwa na kenisizwe, inge kuli Ki nto yemasila, mi aeza ze shubula musebezi wa sishemo o mu pahamisize foo. Ha kusana sitabelo se si siyalezi mutu yoo, kwanda kutalimela ko ku sabisa mwa katulo ni sinyeho ye ka bulaya sila. "Kakuli kukutiseza ki kwa Ka," kubulela Mulena.

333 "Kakuli Linzwi la Mulimu li buhali, kwa mata lifita mukwale o lozizwe kafa ni kafa, lipuma ku yo fita kwa makauhanelo a lisapo, mi li lemuha milelo ni maikuto a mwa pilu." Ki fo he cwale, ki fo he cwale. Ha u bona Liseli, zamaya ku Lona! Zamaya! Ha u zibi ko uya, kono zwelapili kuzamaya. Uzamaye kuliba kwa Kalvari, unzo talimile hande kwa Kalvari. Kuzamaya! Kuzamaya!

334 O Mulimu, mi zazi leliñwi. . . Keleke, yeli mufuta wa Enoke. Myaha ye myanda iketalizoho ya na zamaile fapila Mulimu. Kuzamaya! Kuzamaya mwa Liseli, ka bupaki bwa kuli "Kaufela za na bulezi Mulimu, u li ezize." Na si ka Mu filikanya. Sa an bulezi Mulena kuli eza, Enoke na ezize. Cwale, na li mufuta, muhupule. Areka li mufuta wa Majuda, ba ba handeleti ni fote-foo sauzande baba isiwa mwabuse, ili Nuwe ni sikwata sa hae; kono Enoke aya kwa Hae nako nyana fela muunda usika taha kale. Mwa ziba cwalo. Kona kuli Enoke na zwezipili fela kuzamaya mwa Liseli. Kona kuli zazi leliñwi autwa mahutu a hae ananuha fafasi, na zwezipili fela kuzamaya, mi a kena mwa Kanya inza zamaya kusina kushwa. Yeo ki niti. Mulimu amunga kakuli na sweli kuzamaya mwa Liseli, ka bupaki bwa kuli "na zamaile mwa Liseli la Mulimu." Azwelapili kuzamaya, kuzamaya.

335 Ha lu apaleñi likatulo za luna za ku zamaya ka zona, Keleke:

Muzwelepili kuzamaya mwa Liseli, Liseli  
lelinde,  
Litaha koku fumaneha maloteli a sishemo mi  
abenya;  
Limonyehe mwahala luna musihali ni busihu,  
Jesu, Liseli la lifasi.

Ha lu iopeleni cwale:

Luka zamaya mwa Liseli, Liseli lelinde,  
Oh, mutahe ko kufumaneha maloteli a sishemo  
mi abenya;  
Limonyehe mwahala luna musihali ni busihu,  
Jesu, Liseli la lifasi.

Kaufela babakenile ba Liseli mubulele muli,  
Jesu, ki Liseli la lifasi;  
Mi milangu ya Lihalimu ita lika,  
Jesu, Liseli la lifasi.

Lu ka zamaya mwa Liseli, ki Liseli lelinde,  
Oh, mutahe ko ku fumaneha maloteli a sishemo  
ni abenya;  
Limonyehe mwahala luna musihali ni busihu,  
Oh Jesu, Liseli la lifasi.

336 Ha lu inamiseni litho za luna, mi fela—fela ka muzuzu cwale. Ha ni zibi haiba kuna ni baba tabela kuba ni kutwisiso ya kutazwa Moya o Kenile, muli, “U ni hupule, Muzwale Branham. Ni hupule, keleke. Ni bata kuzamaya mwa Liseli. Ni bata munati nati wani, isiñi mubisi wa bumaswe kuna, Ni bata kuba fela mutanga Mulimu.” Nanula lizoho la hao, uli, “Ni hupule, O Mulena.” Eehe, mazoho a mashumi amabeli ni kufitelela cwalo, ananuhile.

337 Cwale amu inamise fela litho za mina ona cwalo halunze luopela ha munati:

O Jesu, Liseli la lifasi.  
Lu ka zamaya mwa Liseli le, ki Liseli lelinde  
hakalo,  
Li taha ko ku fumaneha maloteli a sishemo ni  
abenya;  
Limonyehe mwahala luna musihali ni busihu,  
Jesu, Liseli la lifasi.

Amutahe, ba bakenile kaufela ba Liseli,  
mubulele muli,  
O Jesu, Ki Liseli la lifasi;  
Mi milangu ya Lihalimu ita lila,  
O Jesu, Ki yena Liseli la lifasi.

Oh, lu ta zamaya mwa Liseli le, ki Liseli lelinde  
 hakalo,  
 Limonyehe ko ku fumaneha maloteli a sishemo  
 ni abenya;  
 Limonyehe mwahala luna musihali ni busihu,  
 O Jesu, Liseli la lifasi.

<sup>338</sup> [Muzwale Branham ukala kuñuñuna pina yakuli *Jesu, Liseli La Lifasi*—Mu.] Mulena Jesu, habanze ba ñuñuna pina yee, ku bata kuzamaya mwa Liseli la Evangeli, akunge lipilu zende zeo, Mulena. Ki za Hao, li kenise, zwiwa bumaswe kaufela, ku sa lumela kaufela ku zwe, mi Jesu yena Liseli la lifasi akene mwateni. Litaulo li beilwe faa, Mulena, za bakuli ni ba baimezwi. Taha ku bona, Mulena Jesu, ni ku ba folisa kuli ba zamaya mwa Liseli. Lumeleza cwalo, Mulena.

<sup>339</sup> Lwa itumela ku Wena ka tuto ya luna, ka Kubatani kwa Moya o Kenile, o bile ni luna mo ni ku lu buluka, liholo, ze luinzi moo. Sicaba se si inzi mwa muzuzu ocisa oo, ba libelezi. Ba kulubela ni kulibelela ni kunahana, Mulena. Kakuli ba lemuha kuli, habanze ba utwa Linzwi ha li balwa, ku lu kwa nako ya maungulo. Hakuna ze siyezi, ki mufuse fela wa lifasi. Mi leliñwi la mazazi aa limakazo li ka fela.

<sup>340</sup> Mi Na lapela, Mulimu, kuli U pilise mutu kaufela ya li fapila Kubatani kwa Bumulimu, ba pilise ka Moya wa Hao. Mi Moya o Kenile utahe fahalimwa mañi ni mañi wa bona ni kutaza lipilu za bona ka bunde ni kozo, kuli ba tahise muselo wa Moya, ili ona, pilutelele, musa, kozo, tibeledo, kuishuwa, tumelo, mwa Moya o Kenile. Lumeleza cwalo, Mulena. Ni ka ba beya ku Wena kwa sebelezo ya Hao, ka Libizo la Jesu Kreste, Mwana Hao. Amen.

Lu ka zamaya mwa Liseli, . . . (Ha lu nanuleñi  
 mazoho aluna hanze lu opela.) . . . Liseli  
 lelinde,  
 Lelitaha ko ku fumaneha maloteli a sishemo ni  
 abenya;  
 Limonyehe mwahala luna musihali ni busihu,  
 O Jesu, Liseli la lifasi.

Na Mu lata, Na Mu lata  
 Kakuli U nilatile pili  
 Ni kuleka puluso yaka  
 Fa kota ya Kalvari.

<sup>341</sup> Oh, ha Ki yomunde nji? Lukaba ni sebelezo ya kolobezo mwendi ka mizuzu yelishumi fela cwale, lishumi ni yeketalizoho, seo kaufela. Kuna . . . Ni sepa kuna ni kalibe yomunyinyani mo ya lukela ku kolobezwa. Ku cwalo kana? [Muzwale Neville uli, “Ki babañata nyana.”—Mu.] Ku lukile, ki ba bakai baba lukela ku kolobezwa kakusasana cwana baba sa koni kukuta busihu boo kwa sebelezo ya kolobezo manzibwana aa? Alimumu, bababeli, babalalu, babalalu kona baba sa koni kutaha musihali woo

sebelezo ya manzi bwana isikaba kale ku to kolobezwa ka Libizo la Jesu Krete. Mulimu ami fuyole, bana. Ni tabile kuli Mulimu utomile fapila mina Sikwalo se si kwaluhile. Mi muitukisize kukena ku sona cwale, mu ka kena mwa libita, kuli lika za kale kaufela li shwile mi li pumbekilwe. Cwale, mu hupule, kolobezo ya mina ki ponahazo fela ya kwande kuli sesiñwi si ezahalile *faa*.

    Mi kipeto lu ka zamaya mwa Liseli, (luya  
    luitukisa) Liseli lelinde,  
    Oh, libenye mwahala luna musihali ni busihu,  
    O Jesu, Liseli la lifasi.

<sup>342</sup> Oh, kopano tuna ye! Kana ha mu ikutwi hande? Oh, Ni ikutwa fela hande. Kubonahala inge sina se Ni bile ku sona, sesiñwi sa macacani a limela akale aa, mi u ni tapise fela ka mulola wa mufuse.

<sup>343</sup> Muzwale u bulezi kuli mwendi mina kaufela baba bata ku kolobezwa kakusasana cwana, mu itukise. Liapalo ni mikanjo li ka koloba busihu boo, kono ku lukile haiba mubata kueza cwalo. Kono haiba mu itukisize ku kolobezwa kakusasana cwana, ku lukile.

<sup>344</sup> Ni lumela kuli lu na ni ku shenyisa nto ye, nji cwani, Muzwale Neville? Ku lukile, sha. Cwale, ki ba bakai baba bata kusiyala ba bone kolobezo? Mi munge fela mizuzu yelikani ni, mawi, mwendi ha mu si ka bona kale mutu ha kolobezwa. Haiba hamukoni kuina, kihande, mubone kuli mukute busihu kacenu. Kono Ni tabela kuli kambe mwa ina, ni kulibelela mizuzu nyana fela kuli mubuhe sebelezo ya kolobezo. Lu ka shenyisa se mi kuna ni gilasi yetuna kwa mulaho kafa ye bonisa mutu kaufela ya kena mwateni. I ka tabisa ku mina, Na kolwa. Lu pumbekwa ni Mulena mwa kolobezo. Amen. Sina ha Na shwile, lu pumbekilwe mwa lifu la Hae; lu zuhela mwa zuho ya Hae, kuli lu zamaye mwa bunca bwa bupilo. Mulena a mi fuyole.

<sup>345</sup> Ki ba bakai ba baziba tuto ya luna busihu boo? Laodesia, ya mafelelezo, ni kukwahela kwa mafelelezo a Masika a Likeleke.

<sup>346</sup> Ku lukile, lu kaba ni sebelezo ya kolobezo. Teddy, haiba wa lata . . .

<sup>347</sup> U bata ku kol- . . . ? [Hakuna manzwi fa tepu—Mu.] . . . u kolobelizwe kale. Kuna ni baba lukela kuya kwa Chicago ona fa cwale, mwabona.

    Ha lu lapeleñi:

<sup>348</sup> Mulena Jesu, bainzi ni ku teezeza kwa lisebelezo kufitela lifela. Lu ba beya ku Wena cwale, Mulena, habanze ba ya kwa Chicago. Zamaya ni bona, Mulena, mi mutu ni mutu alwale Liseli lelinde le ni ku Li hasanya, Mulena, mwahala muleneñi wa Chicago, kai ni kai ko baya. Ube ni bona. Kufitela lu kopana, mi mioya ya bona ikumalele hande ku Wena. Ka Libizo la Jesu. Amen.

349 [Muzwale Neville wa polofita—Mu.] Ha lu nanuleni mazoho ni kubulela kuli, “Lu Itumezi, Mulena Jesu, kulumbwe Libizo la Hao.” Lu Itumezi, Mulena. Lu lemuha cwalo, Mulena, kuli Wena . . . zazi leliñwi Moya no suluhile ku mutu, mwa Bibebe, mi wa bulela fela likunutu za Mulimu kaufela, ze ne lukela kunga sibaka. Ndate, lu ziba kuli U sa li Mulimu yaswana. Mi mo hape U tulukezi ku mulisana yomunyinyani ya ishuwile yoo, Mulena, kakusasana cwana, yana fumanehanga kwa Nikolai kwani; kono Wa mu nyunga; a bona Liseli mi a zwela kwande. Mi fa pilu ya hae i kwaluhile kufitela U bulela ku yena, kufitela mane ha sa ziba za kubulela, mi ayema ni ku lumeleza Moya o Kenile ku buba ku yena ka linzwi la sipolofita ku luna. Lu Itumezi, Ndate. Mi Nika—Nika bata Wena mwahala misipili yaka. Amen.

350 [Kezeli ubulela ka lulimo lusili. Hakuna manzwi fa tepu. Kezeli usili ufa toloko—Mu.] Amen. Mu i kutwezi zeo, nji cwani? Muboni kuli ki sikamañi seo? Mutokomele muhuwelo wa linzwi la musali yani hana bulela, mi mu tokomele hape ni toloko ha itahile ka muhuwelo o swana wa linzwi. Mwabona? Ki basali ba babeli ba bashutana, ha ni zibi haiba ba zibana kamba nee. Ha ba—ha ba zibani. Woo ki Moya o Kenile, mutokomele muhuwelo wa linzwi lateni. Kikuli hamu lemuhi kuli ki Kreste yoo mwahala sicaba sa hae? Yeo ki niti.

351 Una ni so bata kubala, Muzwale Pat? Zwelapili, mwabona. [Muzwale Pat uli, “22:16 ya Sinulo Ni bala ka Libizo la Mulena Jesu: Na Jesu ni lumile lingeloi laka ku to mi pakela zeo mwa likeleke.”—Mu.] Amen.

352 Cwale, zeo ki za moya, zamaiso ya Bumulumu. Mwabona, Moya o Kenile u zamaya mwa keleke, uzwela kwande kwani, unzo bulela. Oh, kana ha Ki yomunde nji? Ka kunahana, balikani, yeo ki nto yeswana ye bulezwi ki Bibebe. Mi ki ye mo kacenu, halu lukeli ku akaleza ka yona hape. Oh, amutahe mu Mu amuhele, sicaba sa ka sesinde. Amutahe, mu Mu amuhele.

353 Teddy, halunze lu itukiseza kolobezo, (mi Ni lapela kuli Mulimu alukise lipilu za mina) *Ko Ani Isa Ni Ka Latelela*.

354 Kikuli Ni mi tuse faa mizwale? Kihande, muna ni—muna ni kutima ma maiki a kafoo. Uh-hum. [Hakuna manzwi fa tepu—Mu.]

355 Na mi laela ka Mulimu yapila ni ka susuezo ya Linzwi la Hae kuli mutahe mu kolobezwe ka Libizo la Jesu Kreste. Muhupule Ni eza seo bakeñisa kuli Bibebe i lu hapeleza ku si eza. Mi—mi Paulusi naize mu si eze; mi haiba lingeloi ne li ka luta nto isili, libe anatema. Mi Ni—Ni bata kubulela fela nina se kwa mafelelezo a musipili waka sina mwa na bulelezi kuli: Ha ni si ka mi patela ka ku mi zibisa mulao kaufela wa Mulimu kuya ka mo Ni u zibela, ona cwalo. Hakuna mali a mutu ku luna.

<sup>356</sup> Oh, kana ha mu Mu lati nji? Oh, mo Ni Mu latela. Ku lukile, ha lu yemeñi halunze lu opela pina ya luna ya kuzwa ka yona. Ku lukile, kufitela nako yeo luka:

Unge libizo la Jesu ko uya,  
Mwana wa manyando ni bumai.  
Li ka kufa tabo ni nyakalalo,  
Li lwale kaufela ko u ya.

Libizo lelinde (Libizo lelinde), O kwa mu- . . .  
(Oh kwa munati),

Sepo ya lifasi ni tabo ya Lihalimu.

Libizo lelinde (Libizo Lelinde), O kwa  
mun- . . . (Oh kwa munati),

Sepo ya lifasi ni tabo ya . . .

Cwale halunze lu inamisa lito ho lu opele cwana:

Ka libizo la Jesu lwa kubama,  
Luwa ka mañwele kwa mahutu a Hae,  
Mulena wa malena mwa Lihalimu lu ka Mu  
apesa mushukwe,  
Musipili wa luna haufela . . .



*BALANJO BABALISHUMI, NI MAJUDA BABA*  
*HANDELETI NI FOTE-FOO SAUZANDE LOZ60-1211M*  
(The Ten Virgins, And The Hundred And Forty-Four Thousand Jews)  
MUKOLOKO WAZA SINULO YA JESU KRESTE

Liñusa le ka Muzwale William Marrion Branham, neli kotalizwe lwa pili mwa Sikuwa la Sunda kakusasana, Ñulule 11, 1960, ili fa Branham Tabernacle, mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatizwe ni ku hasanyiwa kiba Voice Of God Recordings.

LOZI

©2020 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)



## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleñi ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)